



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>


ANDOVER-HARVARD LIBRARY



AH 4YVY 1

780 Latin

יהוה



106 78



H y m n i

Veterum Poetarum Christianorum

Ecclesiæ Latinae

s e l e c t i.

Textum ad optim. Editt. fidem exhibuit, et præfatione, notis Variorum, adjectisque præcipuis variantibus lectionibus illustravit

G. A. Björn

in ecclesia Vemmetofte sacrorum minister.

H a f n i æ, MDCCCXVIII.

Typis excudebat Andreas Seidelin,

Aulæ Regiæ & Universitatis typographus.

C

mi

fui

ni

P

d

et

ac

ca

m

P

J

u

d

t

Coetum Christianorum a primordiis habuisse, qvī carmina sacra condiderunt, res ipsa qvōdammodo docet, fuit enim ab initio rerum humanarum poesis et religionis et pietatis interpres, nec aliter olim de Deo qvam poetice loqvi fas erat, non alio sermone dīi oracula ediderunt, non alio stylo divina promserunt homines, eundemque ad inculcanda sapientiæ præcepta antiquissimi adhibuerunt: nulla fere unqvam exstitit gens, qvæ non carminibus sacra sua celebravit, coluerunt fictitia numina decantatis ad aras eorum hymnīs gentiles, omnipotentis Jehovæ beneficia et virtutes metricè celebrarunt Judæi, idemque jam dudum usu venisse apud Christianos, ut Christum imitati sint apostoli, ὑμνῶντες, apostolos ψαλλῶντες Christiani et privatim invicem, et in solennibus sacris, diserte novi Testamenti codicis effata testan-

zar; adhortatur enim Jacobus*) *ευθρῆναι τις, ψαλλῶν*; monet Paulus apostolus Colossenses: **) *ὁ λογος τῆς χριστεννοικειτω εν ὑμιν πλεσιως, εν παση σοφια, διδασκῶντες και νεθεταντες ἑαυτες ψαλμοις και ὠδαις πνευματικαις, εν καρτι ἀδοντες εν τῇ καρδια ὑμων τῷ Κυριῷ*; Corinthios ***) *ὅταν συνερχηθε, ἑκάστος ὑμῶν ψαλμον εχει, quod carmen antea jam contignatum innuere videtur †)*; Ephesios ††) *πληρῶσθε εν πνευματι, λαλῶντες ἑαυτοῖς ψαλμοις, και ὕμνοις και ὠδαις πνευματικαις*, unde vel hoc intelligitur, non insolitum Christianis fuisse ex tempore carmen dicere †††), et nonnihil argumenti ad rem nostram probandam hisce sacræ Scripturæ dictis afferunt cum verba Tertulliani *): "Sonant inter duos (conjuges scilicet) Psalmi et hymni, et mutuo provocant, quis melius Deo suo cantet. Ut quisque de scripturis sanctis vel de proprio ingenio potest, provocatur in medium Deo canere" **) tum Augustini ***): Christo cor nostrum, illi lingua nostra digna cantet, si tamen ipse dignabitur donare, quod cantet. Nemo illi cantet digna nisi qui ab illo acceperit, quod cantari possit.

Poeseos Christianæ documentum porro capere licet e testimonio Plinii, Origenis atque Eusebii, nec non ex

*) Cap. 5 v. 13.

**) Cap. 3 v. 16.

***) 1 Corinth 14, 26.

†) Conf. Celebr. Münter neber die älteste christliche Poesie in libr. qui inscribitur. Die Offenbarung Johannis, Copenhag. 1806. pag. 23.

††) Cap. 5 v. 19.

†††) Münter L. cit.

*) In libro ad uxorem.

**) Tertull. Apologet c. 39.

***) Enarratio in c. 34.

indole argumentoque plurium oraculorum Sibyllinorum: primus enim inter provinciarum Rectores celeberrimus, motus martyrum, multitudine imperatori Trajano præter alia indicavit *) se deprehendisse nihil a Christianis adversus leges actitari; nisi, quod essent "soliti stato die ante lucem convenire, carmenque Christo quasi Deo dicere secum invicem, "quod Tertullianus in Apologetico ex Plinio allegat, ut et Eusebius **). Fuere quidem, qui suspicati sunt, per carmen hic non sigillatim metricum quid intelligi debere, sed de quacunque præscriptis verbis concepta precatatione exponi posse, at nulla idonea videtur adesse causa, cur a prima et præcipua hujus vocis significatione, qua quod ligatum est, et mensuram certam habet, ac numeros denotat, ideoque ad rem potissimum spectat poetice, sit recedendum; neque obstat verbum dicere, siquidem et hoc de poetis, eorumque arte, nonnunquam usurpatur, sic ab Horatio (Art. poetic. v. 403) dictæ per carmina sortes numerantur. Origenes eandem rem memorat inquiring ***)

Κελος μὴν οὐν φησι, μᾶλλον δοκεῖν ἡμᾶς σβεῖν τον μεγαν θεον, αν και Ηλιον και Αθηνην υμνωμεν. ἡμεῖς δε το εναντιον ισμεν, ὑμνους γαρ εις μονον τον επι πασι λεγομεν θεον και τον μονογενη αυτε, ως και ἥλιος, και σεληνη και αστρα, και πασα ἡ κρανια σρατια, et imprimis verba Eusebii †) afferri mententur: τα Εἰρεναῖς και τε Μελιτωχός και των λοιπων τις αἰνολογῶν βιβλια, θεον και ανδρωπον καταγγελλοντα, τον χρισον. ψαλμοι δε εἰσι και ωδαι αδελφων απαρχης ὑπο πιστων γραφησιν,

*) Epistolar. Libr. X. 97.

**) Histor. eccles. III, c. 33.

**) Contra Celsium Libr. 8. c. 67.

†) Histor. eccles. 5. 28.

τον λογον τε θεου, τον χριστον υμνεσαι θεολογουντες απ' αρχης
 igitur, ut e probatis Valesius *) emendat codicibus, sci-
 licet Christianismi, fuere non modo, qui alienis tan-
 tum carminibus sacris usi sunt, sed et qui a se etiam
 scripta sive composita communi usui consecrarunt; et
 quantum roboris lucisque hæc, quæ ex hisce Veterum ef-
 fati elicijuntur, per Sibyllina accipere docet B. Thor-
 lacius **), multis enim in locis horum oraculorum,
 quorum longe maxima pars Ao. 100 ad 170 post Chri-
 stum nat. exarata habetur, hymnos agnoscere sibi vide-
 tur Vir Celeberr., et "quam frequenter, inquit, fuerint
 ejusmodi cantica sacra inter Christianos inde concludi
 potest, quod Deus *ὑμνων ἡγητωρ* appellatur. Duo car-
 mina, quæ de *λογω* agunt, sacrum prorsus tenorem spi-
 rant, uuum, majestate poetica eximium, dramatici
 quid intermixtum habet, quod in Plinianum: sibi di-
 cunt invicem, egregie cadit, Logique laudes cum Dei lau-
 dibus conjungit, alterum jam suo initio *ἀγεννητος*,
ἀχραντος, *ἀννιος*, *ἀίδιος* etc, epithetis Orphicorum et
 Callimacheorum more accumulatis hymnum prodit, et
 inserto Dei colloquio animatur".

Perpauos tamen ex tribus prioribus seculis inveni-
 mus sacros poetas, non quod ab omni studio poetico om-
 nino abhorruerunt Christiani, vel ad literas elegantiores
 rite tractanda inepti, ut nonnulli putarunt, plane fuerint.
 Apologetæ enim convertendo in usus suos loca e poetis
 profanis depromta satis in eorundem scriptis præbent se

*) Annotatt. ad Eusebii histor. eccles. p. m. 110.

**) In Disquisitione, quæ inscribitur Libri Sibyllistarum
 veteris ecclesiæ crisi, quatenus monumenta christiana
 sunt, subjecti. Havniæ 1815.

versatos fuisse, et cum hæretici dogmata sua canticis accommodarunt, quo facilius imperitorum animos ad suam perducerent sententiam, necessitate compulsi sunt ecclesiæ primitivæ orthodoxi, ut ipsi cantica canticis opponerent: pleraque vero auctorum nomina proinde ut eorum poetica scripta tam græca quam latina injuria temporum perjerunt; nec mirum, non semper enim licitum fuit antiquissimis sacris poetis, si vel voluissent, foetus ingenii sui edere, sive publice recitare, et cum aliis libere communicare, inimicorum incidia, sævitia hostium infensissimorum, diræ persecutionis metus, imminens periculum, et his similia, multo magis sane eos svaderent, ut et nomina sua tacerent, et scripta celarent: hinc ipsi "celantes", quod diserte Hieronymus ait *) "scripta sua", effecerunt, ut ea non prodirent in publicum; adeoque paucis modo innotescerent, quod conservationem eorum impedire, interitum autem promoveri potuit. Accedit nefandum odium, ira, rabies profani vulgi, qui non modo in personas Christianorum, sed res laboresque eorum quoque sæviens, olim per vim sanctorum hominum manibus quæcunque pietatem redolentia scripta extorquere conatus est, et apostatis, non recusantibus ipsam sacrum codicem, quo in ignem conjiceretur, tradere, certe multo minus curæ fuit de reliquis Christianorum scriptis, ut a furore hostium, hæc abolere conantium, tuta præstarentur.

Nonnulla interim antiquissimæ poeseos christianæ monumenta latina, de quibus hic agitur, supersunt par-

*) Teste J. H. a Selden in Dissertat. De poesi christiana non a tertio sed a primo etiam ac secundo post C. N. seculo deducenda; Lubecæ 1754 §. 30.

tim Tertulliano partim Cypriano temere adscripta, de quorum vero auctoribus nil certi definiri potest: inter hæc Carmen de Iudicio Domini 400 versibus hexametris hand inconditum, in quo evidens exhibetur imago eorum, quæ bona in iudicio extremo expectanda, et pravia metuenda sunt. Ad Senatorem apostotam aliud 85 ineptia numeris hexametris constans, cujus argumentum est adhortatio ad senatorem Carthaginensem, qui a religione christiana ad cultum Isidis, et cælestis Syrorum reginæ Astarte, quæ Carthagine nomine Dea cælestis colebatur, defecerat, ut recipisceret. Contra Marcionem Libri quinque, Imus 242, Ildus 269, Illitius 302. IVtus 236, et Vtus 253 Vers. hexametr. qui nomen Tertulliani præcipue hac de causa præ se ferresolent, quod satis notum erat, hunc olim contra Marcionem disputavisse. Opus antiquioris ævi esse videtur, et ante Concilium Chalcedonense contextum, siquidem posthac divinæ et humanæ Jesu Christi conjunctionem hisce verbis:

Et Deus et renovatus homo miscetur in unum orthodoxus poeta vix ac ne vix quidem exprimere ausus fuisset. Poemata, quæ inscribuntur Genesis, et Sodoma, hoc 165, illud totidem Vers. hexam. nonnulla historica e libro Geneseos continent; prius mutilum est.

Missis his incertis de certioribus ecclesiæ latinæ poetis, eorumque scriptis, priorum quinque seculorum pauxillula memorare liceat: circa annum fere 290 post Christum natum floruit Victorinus Petavionensis, qui habetur auctor hymni In Pascha Domini seu de ligna vitæ, cujus argumentum est allegorica crucis Servatoris comparatio cum ligno vitæ Vers. 69 hexametr. Spurium

*) Conf. Münter l. c. §. 2. pag. 42.

poema esse Oelrichs *) quidem arbitratur, nihil attamen, quod antiquitati, christianæ repugnaret, continet.

Sub Constantino Magno vixit Presbyter Hispanus Juvenus, qui historiam evangelicam libris IV Vers. hexamet. exprimere conatus est, et opus suum, ut Prosper annotavit, circa annum Christi 331 edidit **).

Fabius Marius Victorinus, natione Afer, sub Constantio principe circa annum 350 Romæ Rhetoricam docuit, et in senectute, ut nonnulli referunt, christianam disciplinam amplexus est: ejus sunt hymni 3 de Trinitate, ametri et anarythmi, Carmen de Jesu Christo Deo et homine ***) Vers. 137 hexamet. Poema vero de septem Maccabæis, nostro quoque adscriptum, Hilario potius Arelatensi tribuendum est.

Damasus, natione Hispanus, natus haud ignobili genere paulo post sæculi 4ti initium, et post multas turbas ab Ursicino seu Ursino excitatus Pontifex Romanus, cum enim Liberio mortuo 366 de episcopo eligendo ageretur, alia factio Damasum, alia Ursicinum Diaconum ecclesiæ præficiebat, quæ dissensio atrox bellum, caedesque multas, incendia et proelia pariebat, victor ex concertatione discessit Damasus. Cum ille esset antistes, Caesar Valentinianus hoc interposuit decretum, ut epis-

*) Conf. J. G. A. Oelrichs Commentar. de scriptoribus eccles. latinæ prior VI. seculor. Lipsiæ 1791.

**) Ed. Erb. Reusch, Francof. 1710, 8. Legitur etiam cum reliquorum hujus generis scriptorum operibus in Georg. Fabricii poetis veteribus, ecclesiasticis, Basileæ 1564, 4.

***) Primum a Georg. Fabricio, qui ex codice Ms. antiquissimo se illud descripsisse testatur, editum est hoc carmen Anno 1562, et postea cum ceteris hujus et supra laudati Victorini scriptis a Rivino, Gothæ 1652, 8.

copus Romanus alios episcopos judicandi et controversias sacras componendi haberet potestatem, in quam atamen totus Christianorum coetus redigi non potuit. Hæreses Arianas, item errores Apollinaris et Macedonii acerrime Damasus extinguere conatus est in Synodis sæpius Romæ habitis episcoporum, quorum remotiores ille primus suos vicarios constituit. Senex octogenarius e vita decessit Ao. 384 vel 386. Sanctorum Petri et Pauli mensam et altare multorumque martyrum sepulchra versibus ornavit, in quibus componendis teste Hieronymo elegans habuit ingenium. Multa et quidem poetica scripsit, exstant enim sub ejus nomine epitaphia, inscriptiones, elogia aliaque carmina ultra quadraginta non magni momenti, estque incertum, an omnium credendus auctor Damasus. Hymni duo de Andrea apostolo et Agatha virgine, Jambicis quaternariis prior, Dactylicis versibus posterior, canuntur in ecclesia. Carmen de Paulo apostolo Vers. hexamet. 26; de Agnete martyre duo, prius 19, posterius 12, de Felice, 6; de nomine Jesu duo, unumquodque 5, de Christo, 21; de Ascensione Christi, 4; de cognomentis Salvatoris 7 a. s. p. *).

Ambrosius, episcopus Mediolanensis, natus est in Galliis, ut nonnulli volunt anno Christi 333, vel ut alii, et forsitan rectius, contendunt 340. defuncto patre Ambrosio qui Galliarum fuerat præfectus, noster se Romam cum matre contulit, ubi liberalibus disciplinis operam dedit, et cum orandis in foro causis animum adjecisset, tantum præ se tulit ingenii eloquentiæ et gravitatis, ut a Probo, tunc præfecto prætorii, ad con-

*) Damasi Carmina sacra ed. Andr. Rivinus. Lipsiæ 1652, 8. Opp. Damasi A. M. Merenda, Romæ 1754, Fol.

silium tribuendum eligeretur. Post hæc consularitatis suscepit insignia, ut regeret Liguriam Æmiliamque provincias, venitque Mediolanum. Hinc animos populorum tantopere sibi devinxit comitate et mansuetudine, ut, extincto Auxentio (perfido illo Arriano, qui sedem occuparat Mediolanensem, unde ejectus et in exsilium amandatus erat sanctus Dionysius) in ejus locum ipse met suffectus fuerit, nihil non tentans, teste Paulino, ut huic oneri subduceret humeros, verum ubi Valentianiani Cæsaris allatæ sunt litteræ morem gerere coactus fuit divinæ voluntati, quam post tot indicia in dubium revocare jam non poterat, baptizatus itaque, uti voluit, a catholico episcopo, fertur omnia ecclesiastica officia implisse, atque octavo die episcopus ordinatus est. Fuit, ut anonymus auctor, qui græce vitam ejus conscripsit, testatur, in ecclesia orthodoxis dogmatis fulgens, æmulator veritatis et propugnator, qui cum super fundamentum Apostolorum et prophetarum ædificasset nec non rectæ doctrinæ ac disciplinæ verba exposuisset, fugata qualibet hæresi ab Ario et Apollinario recens invecta, et ecclesiæ suæ in omnibus optimè instituta senex tandem diem obiit supremum anno Christi 397 vel 398, Hunc virum, inter scriptores ecclesiasticos clarissimum præter alia opera eximia, quæ in manibus sunt, hymnos quoque suavissimos ecclesiæ occidentali decantandos elucubrasse, satis constat; cum vero multi sub ejus nomine promulgati sint, quos Ambrosii non esse nemo non agnoscit. difficultatis cardo in hoc vertitur, ut hymni vere Ambrosiani seponantur ab alienis, quam ob rem optimam visum est Monachis Ordin. S. Bened. e Congregat. S. Mauri. qui opera Ambrosii denno excudi cu-

rerunt*), ut pro Ambrosiano nullum admitterent, qui locupletis alicujus testis auctoritate non adseratur; duodecim tantummodo idcirco promulgarunt, rescissis aliis, quos priores editores perperam receperunt**), sed et hos duodecim Ambrosii esse Oelrichs certo affirmare dubitat; decem ex illis hic exhibentur, omisso sexto, utpote hymni potius fragmento, et duodecimo, siquidem materia et forma Ambrosio parum digno.

Aurelius Prudentius Clemens, Christianorum poetarum princeps, in Hispaniis ortus est Coss. Salia et Philippo, anno Christi 348, ut ipsa innuit Præfat. in Cathem. v. 74.

Oblitum veteris me Salia consulis arguens

Sub quo prima dies mihi —

quonam autem peculiari in loco prodierit in lucem, controvertitur, neque potest certi quidquam definiri***).

*) S. Ambrosii Mediolanensis episcopi opera ad manuscriptos Codices Vaticanos, Gallicanos, Belgicos etc. nec non ad editiones veteres emendata studio et labore monachorum Ordinis s. Benedicti & Congregatione s. Mauri. Parisiis 1690. 7 Vol. Fol.

**) Gillotius, qui primus hymnos Ambrosii collectos evulgavit, 16 exhibuit, quorum numerum additis 18 aliis Romani editores adauxere, quem nova accessione amplificaverunt alii.

***) Cæsaraugustanus creditur fuisse, non modo quod Peristeph. Hymn. 4. Cæsaraugustam Suam appellat, idem enim de Tarracone Hymn. 6, 5 143 et Calagurri Hymn. 1, 116, 4, 21 profert, verum illud insuper, quod Vincentium Martyrem certo certius Cæsaraugustanum, Sagunti vel Valentis passum sibi peculiariter vindicat, de eo Hymn. 4 v. 97 loquens:

Noster est, quamvis procul hinc in urbe
Passus ignota.

Expleto literarum dicendique ludo ad forum sese adplicuit Prudentius, militiæ quoque togatæ seu Palatinæ operam dedit, quem vero illi in Palatio gradum hæc dignitas tribuerit, et quanto tempore apud Principem fuerit commoratus, ignoratur: verosimilius fortasse est, secuta Theodosii Magni, qui illum acciverat, morte. hac usum occasione, Imperatoria aula relicta, se in patriam recepisse, et venam suam pietati ac religioni sacrasse; quo anno obierit, incertum est. Scripta ejus Gennadius, presbyter Massiliensis, qui 70 circiter annos post Prudentii mortem floruit, recenset, composuit, inquit in Catalogo de Scriptoribus ecclesiasticis Cap. 23tio, "Dip-tycon"*) de toto veteri et novo Testamento, personis exceptis; commentatus autem est in morem Græcorum Hexaemeron de mundi fabrica usque ad conditionem primi hominis et prævaricationem ejus: composuit et libellos, quos græca appellatione prætitulavit, Apotheosis, Psycmachia, Hamartigenia, id est. de Divinitate, de Compugnantia animi, de Origine peccatorum. Fecit et in laudem Martyrum sub aliquorum nominibus Invitatorium ad martyrium librum unum et Hymnorum alterum speciali tamen intentione adversus Symmachum,

quod ed confirmat versus 101mus

Noster, et nostra puer in palæstra —

accedit etiam, quod redux poeta in patriam hymno Hippolyto Martyri Peristephanon Xlmo episcopum suum Valerium seu Valerianum nomine compellat, eiqve præfatum hymnum inseribit: hic autem Valerius haud certe alius videtur esse, quam Valerius Cæsaraugustanus episcopus, qui anno 58: interfuit Consilio Cæsaraugustano contra Priscilianistas hæreticos in Hispaniis pullulantes.

*) Διπτυχον hoc est duplicatus libellus, a πτυσσω, complico, quod utriusque Testamenti summam tenet.

idololatriam defendentem, ex quorum lectione agnoscitur Palatinum militem fuisse: "quæ scripta collata cum iis, quæ edita lucem adspexerunt, scilicet hymni, 12 καθημερινῶν cum præfatione, 14 περὶ σεφάνων cum præfatione, ἀποθέσις versus hexametri 1085 cum duplici præfatione, ἁμαρτυρία Vers. hexam. 966 cum præfatione, ψυχολογία Vers. hexam. 917 cum præfatione, contra Symmachum libri duo cum suis præfationibus, primus constat Vers. hexam. 658, alter 1131: Διπτυχον seu Εὐχειριδιον utriusque Testamenti, constans strophis 48, quarum unaquæq; 4 Hexamet. absolvitur, indicant, nihil aliud, quam Commentatorium in Hexaemeron injuria temporum perditum, deesse, nam illud Invitatorium ad martyrium clare patet pro libro περὶ σεφάνων accipiendum esse, alterum vero hymnorum librum a Gennadio memoratum, quis dubitet esse librum Cathemerimon hymnorum 12 cum Præfat. Ceterum omnes istæ lucubrationes a Prudentio conditæ sunt, cum ad exitum jam vergeret vita ipsius*).

Hilarius, monachus Lirinensis, deinde episcopus Arelatensis, claruit sub Theodosio juniore, interfuit Concilio Regensi seu Regiensi Anno 439, et Arelatiano 1mo Anno 441, mortuus est Valentiniano et Martino regnantibus anno decimo Leonis 1mi Papæ, hoc est

*) Conf. Aurelii Prudentii Clementis V. Ch. opera omnia nunc primum cum eodd. Vaticanis collata, præfatione variantibus lectionibus, notis ac rerum verborumque indice (locupletissimo aucta et illustrata. Parmæ 1788, 2 Vol. 4. Edit. carminum meliores præterea sunt: Jo. Weitzii, Hannov. 1818, 8; Nicol. Heinsii. Amst. 1667, 12; et Cellarii 1703.

Christi 446. Hæc. Leyserus*). Ex scriptis hujus antistitis poeticis supersunt: Carmen de Geneseos historia usque ad diluvium minus svave Vers. 198 hexamet. ad Leonem Papam de Providentia, qvod reperitur in opp. Prosperi, et aliud heroicum de fratribus Maccabæis, qvod sub nomine Victorini circumferri solet. Carmen de fonte qvodam ardente deperditum est**).

Pontius Meropius ex senatoribus tum paterno tum materno genere Romanis Burdegalæ in Aqvitania Anno Christi 353 patre Paulino natus est; sub Decio Ausonio rhetoricis simul atque poeticis disciplinis institutus fuit; Consulis honorem licet non ordinarii assecutus est anno ætatis 22, et cum amplissimis ditaretur tum possessionibus cum pecuniis, has opes insigniter auxit ducendo locupletem uxorem Therasiam, cujus aliorumque exhortationibus ad Christum conversus est anno ætatis 36, baptismo suscepto cum conjuge in Hispaniam secessit, ubi 4 annos commoratus est, defuncto interim filio Paulinus venditis prædiis ac ingentibus pecuniarum summis in pauperes erogatis monasticam vitam amplexus est, et presbyter, licet invitus, ordinatus ex Hispania in Italiam venit, et Florentiæ peramanter ab Ambrosio, non vero itidem Romæ a Siricio Papa et qvibusdam Clericis exceptus est, qvam ob rem Nolam se recepit, ubi cum conjuge constitit, ætatis anno 56 Nolæ episcopus creatus est, et senex obiit diem supremum Anno Christi 431, ætatis 78. Insignem inter scriptores ecclesiasticos tenet

*) Polycarpi Leyseri historia poetarum et poematum mediæ ævi decem post a nato Christo CCCC. Seculorum. Halæ Magdeb. 1721, 8.

**) Conf. Oelrichs,

locum Paulinus, tametsi in eo celebrando paullo libera-
liores Hieronymus et supra laudatus Ausonius præceptor
ipsius sine dubio fuerunt: ex scriptis ejus poeticis ad nos
pervenerunt ad Gestidium poemata duo, matutinæ pre-
cationes duæ, prior 19, posterior 85 Vers. hexamet., de
Ioanne Baptista carmen 330; Psalmus unus Jambic,
senar. 51, Ildus hexamet. 32, 136tus 71, epistolæ ad
Ausonium IV, prima, cujus argumentum est: studiis
sacris profana posthabenda, Vers. Jambic, senar. condita,
Ilda de defensione Paulini propter religionem susceptam
132, et Iilitia de constantia in amore 47 Vers. hexamet.,
IVta 20 Vers. elegiac; ad Cytherium alia epistola de
Martiniani periculis et liberatione, et de institutione
Cytherii filii 936. Jambic. senar., Epithalamium in
Iulianum et Jam, de Celsi filii obitu panegyricus, de
morte, de resurrectione, de præmio et poenis vitæ
æternæ 628 Vers. elegiac. S. Felicis Natales XIV. Vers.
hexamet*).

Medio Seculo quinto floruit Cælius Sedulius post
Augustinum, cujus de Civitate Dei postremum librum
Collectaneo in Ephes. Cap. 4 adlegat, ante vero Fortu-
natum ut Cassiodorum, qui ipsum tanquam priorem
laudaverunt. Patria fuit Britannia, et Scotum quidem
dicunt plurimi. Usserius ex libro de Britannicarum
ecclesiarum primordiis Cap. 16 ita disserit". De patria

*) Pontii Meropii Paulini Nolani episcopi opera digesta in
II. Tomos collata ad Mss. Codd. plurimos, notis ac lec-
tionibus variantibus illustrata cura et studio Joannis
Baptistæ le Brun, Parisiis 1685, 4. Pont. Merop. Pau-
lini Senatoris et Consulis Romani deinde Nolani episcopi
opera ad Mss. Codices Gallicos, Italicos etc. recog-
novit L. A. Muratorius, Verona. 1756, Fol.

sua Sedulius dubitare nos non sinit, quam in epostolarum suarum exordio, ut ex Trithemio, intelleximus, Sedulium Scotigenam se nuncupet ipse, ejusdemque in epistolas Paulinas adnotationes, ex Fuldensi vetustatis adorandæ exemplari editæ hanc inscriptionem præferant. Sedulii Scoti Hiberniensis in omnes epistolas Pauli Collectaneum": atque ita etiam, Basiliensi editione utraque, et in Bibliotheca Patrum, tam Coloniae olim, quam postremo Lugduni expressum. Exstat hujus Presbyteri carmen paschale seu libri V de Christi miraculis Vers. hexamet., hymni duo, Collatio Vet. et Nov. Testamenti seu exhortatorium ad fideles, et acrostichis vitam Christi continens, Jambic. 92 hic, ille 110 Vers. elegiac. scriptus. Addidit his Edmundus Martene *) carmen de verbi incarnatione. Cæterum plures exstare foetus ingenii Sedulii nemo non exoptaverit, cum haud immerito Sedulium antiquitati Christianæ in deliciis fuisse omnes concedant. Dictio ejus facilis, ingeniosa, numerosa, perspicua, sic satis munda, si excipias prosodica quædam delicta **).

Eodem fere tempore vixit Claudius Marius Victor, Rhetor Massiliensis, qui in Genesim ad filium suum Ætherium commentatus est, a principio libri scilicet usque ad obitum patriarchæ Abrahæ tres diversos libros, primum cum præfatione 649, Ildum 458, Iltium 742 Vers. hexamet. edidit, christiano quidem et pio sensu,

*) In Collectione Vet. Scriptor. Vol. IX. pag. 127.

**) Cæli Sedulii mirabilium divinorum libri Paschale Carmen dicti et hymni duo, ex manuscriptis codicibus recensuit, et adnotationibus illustravit Christophorus Cellarius, Edit. 2da Halæ Magdeburg. 1739: 8; ed. Gruner 1747, 8.

sed utpote seculari literatura occupatus homo et nullius magisterio in divinis scripturis exercitatus levioris ponderis sententiam figuravit. Ita Gennadius, cujus tamen codex Corbeiensis legit: quatuor versu edidit libros. Quatuor librorum meminit etiam Trithemius. Theodosio et Valentiano regnantibus Victor mortuus est.

Ex Aquitania originem duxit Prosper Aquitanicus, qui cum chlamydatos Romam miles venisset a Leone Pontifice Maximo benigne susceptus est, et ad aliam militiam longe feliciorum translatus est, scripsit epigrammata 110 Vers. elegiac. ex Augustini sententiis; de Ingratis 1015 Vers. hexamet. odas insuper ac hymnos, ait Lilius, sed hymnos Prosperi Fabricius observare non potuit, nec alibi hymnos ipsum scripsisse legit. Vixit Prosper Aquitanicus usque ad captam a Genserico Romam. Obiit anno Christi 465 *).

Claudianus Mamertus. Viennensis ecclesiae presbyter, qui claruisse dicitur Ao. Christi 443 hymnum de passione Domini scripsit, ejusmodi enim poematis Mamerti magna cum laude Sidonius Apollinaris mentionem facit; minus certa ratione tribuitur eidem carmen contra varios errores, seu vanos poetas. Hymnus comicus est, crebris aptisque commatibus incisus, sententiis non interruptis sed molliter cum versu cadentibus. Narratio simplex, agit primum de ortu Christi, deinde de ejus cruciatibus, et morte: conclusio habet apostropham et est allegorica, non enim lignum alloquitur aut extollit, sed eum, qui in ligno mortuus est.

Alcimns Avitus: pater fuit Isacius, vir primum

*) Conf. Casimiri Oudini Commentarius de scriptoribus ecclesiae antiquis etc. Lipsiae 1722, fol. Tom. 1.

senatorii ordinis, deinde in episcopum adsumtus. Avitus a puero humanis litteris apprime, et supra quam illa ætas, Vandalorum et Gothorum incursionibus prope infecta, ferre posset, institutus, cum illum amplissimum alioqui et locuples maneret patrimonium, valedicto mundo monasticen professus est in cænobio S. S. Petri et Pauli ad urbis Viennensis mœnia. Inde patri Isacio in episcopatu succedens totum se adversus sui temporis hæreses contulit. Claruit sub finem seculi Vti, Zenohe et Anastatio imperatoribus. Scripsit poemata varia, e quibustantum supersunt: de origine mundi 327, de peccato originali 478, de sententia Dei 456, de diluvio mundi 657, de transitu maris rubri 742, de virginitate ad Fuscina sororem 856 Vers. hexamet., carmen de fratribus Maccabæis illi quoque a nonnullis tribuitur *).

Carminum genera, quibus poetæ veteres ecclesiastici utuntur, sunt, prætermisiss, hexametris et pentametris ut satis superque notis, sequentia:

Primum genus est versus Jambicus dimeter seu quaternarius, qui locis imparibus constat e spondeo interdum anapæsto, dactylo aut tribrachy, paribus jambo vel tribachy, in fine vero jambo sive pyrrichio:



Ad hoc genus pertinent hymnus Damasi de Andrea Apostolo, omnes Ambrosiani, hymnus Prudentii. Imus, Ildus, XImus XIIImus καθημερινῶν, Ildus et Vtus περί σεφάνων libri, et Sedulii Ildus vitam Christi continens, nullum enim genus in usu ecclesiastico fuit frequentius.

*) Ed. Sirmond, Parisiis 1643. 8.

Subscribitur hoc camen interdum alternis hexametris et senariis jambicis, quale illud Prudentii carmen in Apotheosi;

Est vera secta, te magister consulo?

Rectamne servamus fidem?

Idem poeta alio utitur jambico dimetro, qui primo locum habet jambum vel spondeum, aut anapæstum, secundo jambum solum, tertio jambum vel spondeum, cum syllaba superflua, talis est sextus καθμερινῶν hymnus:

Ades pater supreme!

Secundum genus est Jambicus trimeter sive senarius, qui, si purus est, constat sex jambis, si, ut sæpissime, mixtus, primo, tertia et quinto loco recipit jambum, spondeum, dactylum, anapæstum aut tribrachyn, secundo quarto et sexto jambum tantum, aliquoties anapæstum, et tribrachyn, quamvis sexto sive ultimo loco raro admittat tribrachyn, frequentius pyrrichium:



hujus generis est præter alios hymnus Prudentii καθμερινῶν septimus:

O Nazarene, dux Bethlem, verbum patris.

Tertium genus est Dactylicus trimeter constans e tribus dactylis et semipede:



cujus generis sunt hymnus Prudentii καθμερινῶν IIltius,

O crucifer bone lucisator!

et Damasi

Martyris ecce dies Agathæ.

Quartum genus est Dactylicus tetrameter, contignitur spondeo, bacchio et duobus dactylis:

Nonum genus est Choriambicus tetrameter Asclepiadeus, constat spondeo, duobus choriambis jambo vel pyrrichio:

— — | — — — — | — — — — | — — — —

Inventor rutili dux bone luminis. Hymn. Cath. Vtus.
His duabus speciebus accinit etiam Prud. in Præfat.
παθημερινῶν choriambicum pentametrum.

≡ ≡ | ≡ ≡ ≡ ≡ | ≡ ≡ ≡ ≡ | ≡ ≡ — — | — —

Per quinquennia jam decem,
Ni fallor, fuimus, septimus insuper
Annum cardo rotat, dum fruimur sole volubili
Decimum genus, ut Hymn. περὶ σεφάνων 13tius.

Punica terra tulit, quo splendeat omne, quidquid
usquam est.

Dactylicus Archilochius heptameter acatalectus
constans e quatuor primis pedibus spondeis vel dactylis
indifferenter ut in versu heroico, deinde tribus trochæis
vel spondeo ultime:

— — — — | — — — — | — — — — | — — — — | — — — — | — — — — | — — — —

Huic adnectitur Archilochius ex jambo vel spondeo,
jambo et syllaba, deinde e tribus trochæis vel spondeo
compositus:

— — — — | — — — — | — — — — | — — — — | — — — — | — — — — | — — — —

ut ille hymnus Prudentii περὶ σεφάνων

Plus solito coeunt ad gaudia, dic amice quid sit?

Romam per omnem cursitant, ovantque —
eundem Archilochium præponit Prudentius dimetro
trochaico in conclusione suorum operum:

— — — — | — — — — | — — — — | — — — — | — — — — | — — — — | — — — —

Pius fidelis, innocens, pudicus

Dona conscientiae.

Hac de re igitur, nec non de stylo minus elegante, quantitate syllabarum neglecta et vocibus peregrinis a multis male audiunt sacri poetæ; exotica vero verba adhibuerunt et Veteres poetæ, cur non etiam recentiores eodem gauderent jure, sancito auctoritatē Horatii *):

Dixeris egregie, notum si callida verbum
Reddiderit junctura novum. Si forte necesse est
Indiciis monstrare recentibus abdita rerum,
Fingere cinctutis non exaudita Cethegis
Continget, dabiturque licentia sumpta pudenter:
Et nova fictaque nuper habebant fidem, si
Græco fonte cadant, parce desorta. Quid autem
Cæcilio, Plautoque dabit Romanus ademptum
Virgilio, Varioque? ego cur acquirere pauca,
Si possim, invideor? Cum lingua Catonis et Enni
Sermonem patrium ditaverit, et nova rerum
Nomina protulerit, licuit, semperque licebit
Signatum præsentē nota producere nomen.

Et sane pleraque si non cuncta, nova nomina, quibus nostri utuntur, græco fonte cadunt, et præcipue hæc sunt: abyssus, allophylus, anathema, azymus, brabeum, caumata, charasso, charisma, chrisma, colymbus, energema, eremus, hydrinus, mastigophori, protoplasti, tristega, tumbæ, zabolus.

Quod ad quantitatem syllabarum a poetis sacris neglectam attinet, negari nequit, leges a profanis sanctitas sæpius a nostris violari, potius sine dubio voluntate quam ignorantia: corripitur ab illis contra naturam Litera a in vocibus frustra, Andrea, Damas: h. I, v. 5, qva, Prud. Cath. 12, 106.

*) Ars poetic. v. 47-59.

Litera e in secunda Imperativi persona, ut extorqve apud Prudent., in compositione, ut in: enorme, enervo, eneco, emendo; penultima in vocabulo Bethlem, Prud. Cath. 7, 1.

- i prima in vocibus fio, spiritus, Sedul. h. 1 v. 110.
- o penultima in socors, Prud. Cath. 1, 34.

Syllaba as in nomine Elias, Paulin. Nolan. Prec. 2 v. 42.

- es in quibusdam nominibus, ut in: pubes Prud. Cath. 7, 102; lues, Hamart. v. 250; at hoc loco rectius legitur luis; Herodes apud Sedul. h. 2 v. 29.

Prenomen cui, Dativus monosyllabus, dissyllabus utraque brevi.

Producitur contra naturam

Litera a penultima in: utraque, recto casu, et in genere frequens est, præsertim Prudentio, positio illa, qua brevis, inprimis a et e, in fine producitur propter sequentis vocis geminam Consonantem, verbi causa: reliqua, Prud. Cath. h. 5 v. 152; sordida, h. 9 v. 56; tristia, ibid. v. 78; anima, Cath. Præfat. v. 35, h. 10 v. 5 etc.

Syllaba us in voce domus, Nominativ. Singular, Paulin. Nol. Prec. 1, v. 15. prima Pronominis cui, et hoc Prudentii proprium.

Porro vocabula quædam a Græcis in usum latini carminis a poetis christianis sumpta mutant quantitatem

a vel cum longæ vocales corripuntur, ut η in Latinum e breve, ἐκκλησία, ἐρεμος, ἁθικη, ψαλτηριον, ecclesia, erēmus, ethica, psaltērium; vel in i breve, παρακλητος, paraclitus, ἐνεργημα, energima.

b) vel cum brevès vócales producuntur: *εἶδεν, μακεδων, θεμα*, *idea, macedo, thema*.

c) vel cum e Diphthongo fit *μονοφθογγος*, ut: *αἵρεσις, αἶνιγμα, ἑλογιον, σαφειριμος*, *hèresis, énigma, elogium, saphirinus*.

Denique Sedulius in hymno, qui inscribitur *Collatio Veteris et Novi testamenti*, non modo synalephen, sive elisionem omisit, verum etiam litera h ut consonante usus est.

"Stylum poetarum christianorum non posse comparari cum stylo antiquorum scriptorum aurei, ut vulgo appellatur ævi, nemo non intelligit, qui scit, cultum literarum humanarum jam admodum maruisse, cum sacri poetæ flourerent, et quæ ipsi cantant sermone bene latino eoque poetico reddere difficillimum esse; non enim ut clarissimi olim Latii poetæ aliam Cererem et munera Bacchi, non cæcos cupidinis ignes, non horrida bella et rigidi certamina Martis, non genus Deorum heroumque res gestas flore juventutis tempora cincti et læta fortuna gavisì cecinerunt, aut populi mores carmine mordaci perstrinxerunt, ut principibus placerent, Mecænates sibi pararent, aut genio suo indulgerent, sed gravioris sæpissime ætatis, cum jam hebesceret ingenii vis hanc vel illam sacræ Scripturæ partem metricè expresserunt, de dogmatibus religionis christianæ, Jesu Christi beneficiis et morte cruenta, ut ad pios seu variasque virtutes excitarent, et a vitiis deterrent homines, disseruere, aut memoriam Sanctorum Martyrumque arrepta a diebus festis occasione, interdum etque res, quæ ad externum Dei cultum pertinent, celebrarunt: nonnulla interea ex hisce carminibus sacris et hodie voluptas capitur*), et re vera quidam poetarum christianorum eo videntur ingenio valuisse, ut alia in conditione, alioque rerum et temporum statu præclara opera posteris relinquerè potuissent" **).


*) Ich liebe die Gesänge derselben alten Christen wegen ihrer Einfalt, Salbung und, ich möchte sagen Hersenshoheit. Denn in den meisten ist das Ganze ein ohne Kunst in der rechten Sprache des Herzens gesagtes Gefühl. Johannes v. Müller Sämmtliche Werke, 5ter Theil S. 237 - 242.

**) Conf. Oedrichs Comment etc. G. Fabricii Poet. Vet. Eccl. Opera etc.; Seelen de poesi christian etc., L. G. Gelhud Dissertat. historice theologica de modo propagandi religionem per carmina, Brunsvic. 1725.

H y m n i

Veterum Poetarum Christianorum

S e l e c t i



H y m n u s

in Pascha Domini s. de ligno vitæ*) Victorino
Petavionensi adscriptus.

Est locus, ex omni medium quem credimus orbe,
Golgotha Judæi patrio cognomine dicunt,
Hic ego de sterili succiso robore lignum
Plantatum memini fructus genuisse salubres,
Non tamen hos illis, qui se posuere, colonis 5
Præbuit, externi fructus habuere beatos.
Arboris hæc species uno de stipite surgit,
Et mox in geminos extendit brachia ramos,
Sicut plena graveis antennæ carbasa tendunt,
Vel cum disjunctis juga stant ad aratra juvencia. 10

*) Victorinorum Scripta edit. ab Andr. Rivino, Gothæ, 1652, 8.

v. 1 medium quem credimus, ita Cod. Dunens, et Corn. Guather.; Alii. medius, quem cernimus.

v. 5. Succiso, Fabricius et Picus succisum. Sterile autem robur vocat poeta stemma Davidicum, de quo non aisi virgo Maria supererat.

v. 9. Sicut. Ita rectius Anglicus Cod. et Fabric., Guatheri Cod. sic ubi.

v. 10. Sic Fabricius, Vicelinus: sunt ad aratra; Anglicus Cod. sunt ab arante; Edit, Argentin, et Muling. inscitius adhuc. ab aratro.

Qvod tulit hoc primo, maturo semine lapsum,
 Concepit tellus. Mox hinc, mirabile dictu,
 Tertia lux iterum terræ superisque tremendum
 Extulerat ramum vitale fruge beatum;

Sed bis vicens conformiter ille diebus 15.

Crevit in immensum, cælumque cacumine summo
 Condidit, et tandem sanctum caput abdidit alto:

Cum tamen ingenti bisenes pondere ramos
 Edidit, et totum spargens porrexit in orbem,
 Gentibus ut cunctis victum vitamque perennem 20.

Præberent, mortemque mori qui posse docerent.
 Expletis etiam mox quinquaginta diebus,
 Vertice de summo divini nectaris haustum

Detulit in ramos cælestis, spiritus, aura,
 Dulci rore graves manabant undique frondes. 25.

Ecce sub ingenti ramorum tegminis umbra
 Fons erat, hic, nullo casu turbante serenum,
 Perspicuis illimis aquis, et gramina lætos
 Fundebant circum vario de flore colores;
 Hunc circum innumeræ gentes populique coibant, 30.
 Qvam varii generis, sexus, ætatis, honoris,

v. 15. Ita Rivinus. Fabricius: firmatus et ille diebus; Angl.
 Cod. confirmato ille; Argenterat. et Muling. firmatur
 et ille diebus.

v. 23. Non cælitus, sed a sapremo arboris hujus cacumine,
 ipso scilicet Salvatore, sanctum spiritum demissum ve-
 nisse super Apostolos hæc verba innuunt.

v. 27. Nullo turbante serenum. Sic Cod. Anglic. et Guathei;
 alii. nullo turbante sereno, quod nihil est, nam nubi-
 lum tempus et pluvium turbat, nequaquam serenum,
 nec magis aridet Fabricii: serenus, quia statim sequi-
 tur, quod idem, perspicuis illimis aquis.

Inruptæ nuptaque simul, viduaque nurusque
 Infantes, puerique viri, juvenesque senesque:
 Hic ubi multigenis flexos incumbere pomis
 Cernebant ramos, avidis attingere dextris 35
 Gaudebant madidos cælesti nectare fructus.
 Nec prius hos poterant cupidis decerpere palmis,
 Quam lutulenta viæ vestigia foeda prioris
 Detererent, corpusque pio de fonte lavarent:
 Ergo diu circum spatiantes gramine molli 40
 Suspiciunt alta pendentes arbore fructus:
 Tum, si quæ ex illis delapsa putamina ramis,
 Et dulces, multo rorantes nectare, frondes
 Vescuntur, veros exoptant sumere fructus;
 Ergo ubi cælestem ceperunt ora saporem, 45
 Permutant animos, et mentes perdere avaras
 Incipiunt, dulcique dapem cognoscere sensu.
 Insolitum multis stomachum novisse saporem
 Vidimus et fellis commotum melle venenum

v. 32. Pro: nurusque magis placet Rivin. socrusque veluti aniculæ; meliori sequentis versus ordini ille quoque consulit scribendo:

Infantes, pueri, juvenesque viri, senesque.

v. 39. Detererent, ita Fabricius: magis ad rem apposite Angl. Cod. Detegerent o: pœnitentes peccata sua confessione sincera aperirent.

v. 47. Dapem, hoc vocabulum Rivinus substituit pro hominem, quod nullum sensum admittit. Hic, et sequentes quini versiculi a plerisque exemplaribus, Edit. quoque Argentin. et Muling. absunt, et licet ille 47 vix possit abesse, cum ad perficiendum sensum ejus, qui præcessit, desiderari omnino videatur, attamen succedentes merito vel ob ultimam voculam aliquoties reiteratam suspecti sunt.

Rejecisse bonos turbata mente sapes, 50.
 Aut avide sumptum non dilexisse, diuque
 Et male potatum tandem evomuisse saporem;
 Sæpe quidem multi renovatis mentibus ægros
 Restituere animos, et quæ se posse negabant,
 Pertulerant, fructumque sui cepere laboris; 55-
 Multi etiam sanctos ausi contingere fontes
 Discessere iterum subito, retroque relapsi,
 Sordibus et coeno mixti volvuntur eodem;
 Multi vera bono portantes pectore, totis
 Accipiunt animis, penitusque in viscera conant. 60.
 Ergo qui sacros possunt accedere fontes
 Septima lux illos optatas sistit ad undas,
 Tingit et in liquidis jejunos fontibus artus,
 Sic demum illuviem mentis vitæque prioris
 Deponunt labem, purasque a morte reducunt 65-
 Illustres animas, cælique ad lumen ituras.

v. 56. Fontes. Alii: mentes, unde Rivinus suspicatur mensas scriptum fuisse.

v. 61. Qui Ita Angl. Cod. et Eabrie., nl. quique.

v. 66. Lumen. Sic Mss omnes pro: limen, quod vulgo legitur; at perplacet vetus lectio, nam veteribus, observante Scaligero, φωτίζεσθαι erat βαπτίζεσθαι, et apud Gregor Nazianzenum atque Nyssenum festum Epiphaniæ seu Baptismatis Christi εορτή vel ἡμέρα τῶν φωτῶν salutabatur. Postquam baptismo expiati essent Candidati, in albis procedentes, cereosque accensos manibus portantes versus Orientem ab Occidente in chorum fidelium ducebantur cum hymnis et faustis adprecationibus. Conf. Ebr. 6, 4. Φως est cujuslibet cognitionis imago; in N. T. tamen illius maxime, quæ

Hinc iter ad ramos, et dulcia poma salutis,
 Inde iter ad cælum per ramos arboris altæ,
 Hoc lignum vitæ cunctis credentibus, amen.

per religionem christianam comparatur, Joh. 1, 9; Luc. 2, 32; Act. 26, 18; unde *Φωτίζειν* tradere alicui religionem christianam, Eph. 1, 18, conf. 2 Cor. 4, 6; multum præstantiæ rhetorico huic loco periret, si *Φωτίζειν* cum vers. Syr. Justino Dial. 2 pag. 94 et Clem. Alex. Pædag. Lib. 1 C. 6 de baptismo tantummodo intelligere velles. Heinrichs ad h. l. Baptismus *Φωτισμος*, illuminatio vocabatur, quod hominum mentes divina cognitionis luce perfunderet, quemadmodum id nomen in Chrysostomo (Homil. 13 edit. Eton 1612) Nezzianzeno (Orat. 40 de bapsism.) Dionysio Areopagita (Hierarch. eccles. cap. III) Concilio Laodiceno (cap. 47) aliisque scriptoribus frequenter occurrit. Ratio istius nominis petenda esse videtur partim ex prævia catechumenorum institutione in præparatione eorum ad baptismum, secundum illud Iustini Martyris (Apolog. II pag. 94. Paris. 1636) *καλεῖται δὲ τὸ τοῦ λυτρῶν φωτισμός ὡς φωτιζομένων τὴν διάνοιαν τῶν ταῦτα μαρτυρούντων*, "vocatur lavacrum hoc illuminatio, quod eorum, quæ hoc discunt, mentes illuminentur". Partim etiam inde, quod esset introitus in statum illuminatum. et introductio in divinam cognitionem, quæ gradatim perfectior evadat. Nam Iustini verba de illuminatione baptismum consequente intelligi possunt. Atque hoc modo rationem appellationis hujus reddunt Clemens Alexandrinus (Pædag. L. 1 c. 6) et Pseudo-Dionysius, quod cum baptismus primam lucem conferat, omniumque divinarum illustrationum principium existat, ex effectu illustrationis nomine celebretur. Fortassis ita etiam vocari potuit, eo quod baptizati nunc ad omnes mysticas partes et reconditam notitiam religionis admitterentur, quæ ex disciplina ecclesiæ illis, dum essent catechumeni, celabantur. Vid Bingham Orig. Eccles. Tom. IV.

Fabii Marii Victorini

H y m n u s

de Jesu Christo deo et homine*).

Verbum Christe dei, patris cælestis imago,
 Protulit huñc partus, genitum de virgine foeta,
 Invictusque pudor gaudet peperisse tonantem
 Ex utero, sine matre deum, de conjugè nullo,
 Maternosque sinus cælum fecisse secundum. 5.
 Corporis augusti parva spatiatu in aula,
 Intra membra manens, animaque et conditor ævi,
 Natus homo, nostrosque deus nutritus in annos.
 Dignatus toti placidum se protulit orbi.
 Solstitialis hyems, astrumque insigne movetur 10.
 In cælo fulgens, ut mundus crederet omnis
 Ob culpam veniale jubar: tu suffice vires
 Arbiter inque novos, aperi præcordia sensus,
 Et tandem tu solve tibi! tranquillu in astris
 Forte pater residens, mentem virtute parabat, 15.
 Curans nostræ animæ regnum, cælestia templa,
 Tellurisque vices, verbum medicabile dixit.
 Nascere (namque placet, præruptæ carcere mortis
 Eripiam mortale genus) spes gentibus esto,
 Principium sine fine, quod abstulit invidus error, 20.
 Quod facinus commisit atrox, tolletur id omne,
 Ad veniam venias homini: stat fulmen et imber
 Ignis in obsequio, glacies, vapor, æstus et auræ

*) Victorinorum scripta edit. ab Andr. Rivino, Gothæ 1652, 8.

v. 22. Venias. Aptius hoc respondet prægresso: spes gentibus este, quam quod vulgo legitur, venere.

Conveniunt famulante Noto, terræque triumphant
 Et cælum sublime tonat, pars ardua gaudet 25
 Cum domino venisse pio: tunc nascitur infans
 Matura virtute deus, cui vertice sacro
 Cæsaries librata micat, splendetque superna
 Fulmineum per membra jubar, decus omne per ora
 Eminet, et faciem, patrique simillimus ille, 30
 Ut ne quid differret. erat: miracula cujus
 Gloria consequitur, fluvios in vina refundens,
 Hoc donum sponsale dedit, tum fruge comesta
 Congeriem superesse jubet, tot millia turbæ
 Conveniunt esura, dehinc matrisque dolorem 35
 Conspicit, ad manes ducentem flebile funus,
 Ponite, ait. juvenem, nihil est, quod mortis iniquæ
 Extinctum lamenta ferant, dixitque: resurge,
 Et rursum cognosce diem, jussumque cadaver
 Prosilit ante oculos, lætus fit plangor in omnes. 40
 Quod meruit non posse, virum tunc corripit unum
 Spiritus hostilis, vultum cui protinus omnem
 Perdiderat rabies, stimulis gerit effera lora
 Torta caput, stridens et anhelos pectus hiatus,
 Spuma furit mixtusque color moerentis in illo, 45
 Non ridentis erat: vires sed perdidit hostis
 Adventu propiore dei, gemituque profatur:
 Cedimus inviti, toto nam pellimur orbe,
 Te regnante, deus! terras hominesque relinquo,
 Ulterius tentare timens: sic ille refectus 50

v. 40. In omnes. Forte legendum: in auras.

v. 41. Quod meruit non posse. Sensus: de quò dolendum est, quod tantum possit, et plus quidem, quam meruerat posse spiritus hostilis.

Surgit et ad nostrum specimen redit, hoste repulso.
 Progreditur virtus nostræ medicata saluti,
 Pervenit ad fragiles, hic rivum corpore putrem
 Fonte lavat, claudum firmat, reficitque jacentem,
 Et cæco dat nosse diem: procede sepulchro 55.
 Lazare! clamat, et hæc ad vitæ lumina surge,
 Atque hæres succede tibi: subito ille regressus
 Auctorem viditque suum, novitque magistrum.
 Extremum mulier, domini cui tangere vestem,
 (Saucia quæ fuerat jamdudum sanguine fluxo) 60.
 Contigit, et vires subitos collegit in artus.
 Funera tot curans hominum, tot vulnera purgans,
 Et deus et medicus, judex pater auxiliumque,
 Omnia Christus erat: Petro sublime locutus:
 Claves sume poli, cujus tu janitor esto, 65.
 Quæque voles, licuisse dedi: sic dixerat, altæ
 Finis in occidui metas portæque subibat
 Pronior orbe dies, et limen pandere noctis
 Cæperat; hinc epulis jussi de more sodales
 Ad mensam adventare dei, tunc præscius ipse: 70.
 Traditor unus hic est, mecum qui vescitur, inquit,
 Non facinus, sed tempus habens: ruit inde caterva
 Vim factura deo, gladios cui præbuit ira,

v. 51. Ad nostrum specimen. Forte quoque hic scriptum fuit: ad nostram speciem.

v. 7. Atque hæres succede tibi. Redivivus ipse sibi in hæreditate succedit.

v. 72. Non facinus sed tempus habens. Hoc non ita intelligendum, ut Judas non dicatur facinus habere facinorosissimus; respicitur forsân ad illud, quod Johannes C. 13 v. 27 memorat, Judam a Domino fuisse monitum, ut, quod meditatus fuerat, facinus maturet, quasi scilicet tempus jam habeat.

Et dedit arma furor: tradens dedit oscula signum
 Perfidus, et justo confregit guttura nodo. 75.
 Forte dies solennis erat, qvo jure tribunal
 Privatum lictore silet, tortore quieto,
 Non Ebræa minax ponit vindicta furorem,
 Supplicio fugiente caput, tunc Christus habetur
 Majestate reus, fuit ardens improba turba, 80.
 Hunc satis est jam morte mori, flagrisque cruentum
 Affixere cruci: felix sed germine lignum
 Qvod meruit portare deum, proh gloria qvanta est!
 Ligno vita perit, per lignum vita revertit,
 Jungunturque scelesti pio, fit latro beatus, 85.
 Et caruit fecisse nefas, dominumque fatetur,
 Digna pati referens, meruit de crimine palmam,
 Et placuit comes ire deo, sed linquitar alter,
 Non credens, gemitu expiransque in tartara plangit.
 Sed deus omnipotens patrem clamore per auras 90.
 Suprema jam voce vocat: qvia deseror, audi!
 Tempus erat flatum patri solvisse tonanti,
 Et manes patuere, profugit et undique cælum,
 Turbinibus natura perit, mixtisque tenebris
 Nox fuit illa dies, confusa nube premebat 95.
 Arva, domosque chaos, fixus stetit impiger axis,

v. 86. Et caruit fecisse nefas. Elliptice pro: et caruit pœna æterna, qvod tantum nefas patrarit.

v. 87. Non ob crimen palmæ honorem retulit, sed qvod pœnitentia ultro fassus fuerit, se cum socio digna flagitiis suis pati.

v. 92. Flatum. Ita scriptum fuisse judicat Rivin. cumque voci illi flatum Scholiastes qvidam superscripsisset spiritum, inde postea textui hoc obtrusum a librariis.

v. 93. Manes h. i. ut supr. v. 36 sepulchra.

Surgit et ad nostrum specimen redit, hoste
 Progreditur virtus nostræ medicata saluti,
 Pervenit ad fragiles, hic rivum corpore
 Fonte lavat, claudum firmat, reficit
 Et cæco dat nosse diem: procede
 Lazare! clamat, et hæc ad vitæ
 Atque hæres succede tibi: sub
 Auctorem viditque suum, r
 Extremum mulier, domi in omnes, 10
 (Saucia quæ fuerat jam sepultus;
 Contigit, et vires sua semper
 Funera tot curant penetrale resurgens
 Et deus et medi sum in sæcula venit
 Omnia Christus in Jesus post funera vixit: 110.
 Claves sur tum primum lumen agebat,
 Quæque polie poli tum primum lumen agebat,
 Finis: *Excursus testata diem, clarumque per orbem*
 Pro: *Cupidus fulminea noctis diviserat umbram*
 Stellifero temone jubat: deus ultor ab umbris -
 Ecce redit, vivusque suis (mirabile visu) 115.
 Corporeus per clausa venit, dubiumque sodalem
 Alloquitur, firmans animum, corpusque retexens,
 Infer, ut agnoscat, digitum, clavosque revulsos,

v. 102. Et luctum flumina plorant. Forsan legend. et fluctus flumina plorant, cum sequatur. Inque sinus rediere suos.

v. 103-4. Conf. Pott. in 1 Petr. 3, 19; ejusdemque Excurs. III de Descens. J. C. ad infer.

v. 108. Rupit, ita Rivin. pro particul. quamvis, quæ vulgo legitur, et nullum sensum admittit.

v. 109. Mox. Ob metri rationem substitui hoc vocabulum pro an, quod Fabricius, et at, quod Rivinus habet.

v. 112. Clarumque Sic legend. videtur pro clarusque.

crux amara præparat

future gaudia.

crucis mysterium

lo stigmatē

ncis per crucē

nuam.

ngvidos,

de

mis, decus

ux ampla jacet, crucē

, et hic sine nocte dies, hic sceptrum

ulmina censentur, strepituque tonitrua fervent;

Angelicos vocat ordo choros, servire paratos,

Sol etiam rapidus, lunæ quoque splendidus axis

Excubat, observant auræ, pluvioque jubentur

Omnigenum rorare solum, te maxime mundi

Arbiter! exorat pelagus, te flumina, fontes,

Stagna, lacus, fluctus, et mersæ gurgēs abyssi

Te recinunt volucres, et vulgus reptile ponti,

Te sperant animæ, veniam te vindice poscunt.

nello stig-
cat per
seu
r.

135.

Hymnus Damasi *).

de S. Andrea Apostole **)

Jambic. Qvaternar.

Decor sacrate Numinis;

Virumque nomine exprimens,

*) Damasi carmina sacra — ab Andr. Rivino. Lipsiæ 1652, 8.

**) Andreas, frater Simonis Petri, natus Bethsaidæ Galilææ, primum Johannis Baptistæ, deinde Jesu Christi

Sic te decorum prædicat
Crucis beatæ gloria!

Andrea Christi Apostole, 5.
Hoc quippe jam vocabulo
Signaris, isto nomine
Decorus idem mystice.

Qvem crux ad alta provehit,
Crux quem beata diligit, 10.

discipulus et Apostolus *). Postquam ex his terris discessum Servatoris fertur Andreas religionem christianam per Cappadociam, Galatiam, Bithyniam usque in Schythiam promulgasse, Stachyn, a Paulo laudatum (Rom. 16, 9) episcopum primum Bygantii constituisse, et postea per Thraciam, Macedoniam et Thessaliam divinam doctrinam magno studio multisque miraculis confirmasse; ad postremum vero Patræ Achaïæ jussu proconsulis Ægeæ, indignati ob uxoris Maximinæ et fratris Stratochlæ conversionem ad Christum exhortationibus apostoli, hic dicitur graviter cæsus cruci, et quidem, ut ajunt, decussatæ non clavis, sed ut diutius torqueretur, fune adligatus tandem die 30 Novembris, incertum cujus anni, e vita decessisse. Quæ narrationes, etiamsi vix ullam merentur fidem, utpote hujusce hymni interpretationi inservientes commemorantur. Vid. Nicephor. Hist. eccles. L. 2 c. 39; Men. Græcor. ad diem 30 Novembr. Abdiæ Hist. Certam Apostol. et inprinus Celebr. Münsteri Den ældste Kirkes Forfølgelses Historie.

*) Πρωτόκλητος ab antiquis scriptoribus ecclesiasticis minus recte appellatur: ως πρωτόκλητον πάντων τῶν μαθητῶν καὶ αὐτοπτην τῆ λόγῃ καὶ ὑπεργόν, Ανδρέα ἀπόστολε, κατὰ χρῆσος τιμῶμεν σε. Vid. Menæa Græcor.

v. 1. Primò hoc vericulo respici, quod cum Petro fratre primus fuerit Christi Apostolus, secundo vero, quod dicatur Andreas, sequens strophæ innuit, ubi vocabulum Apostoli a nomine Andræ distingvitur.

Cui crux amara præparat

Lucis futuræ gaudia.

In te crucis mysterium

Cluit gemello stigmatē

Dum probra vincis per crucem

15

Lucisque pandis januam.

Jam nos foveto languidos,

Curamque nobis subijce,

Qvo per crucis victoriam

Cæli petamus patriam.

20

v. 14. Cluit gemello stigmatē. Cluit 3: pollet; gemello stigmatē, genuino oeu nomine, qui et probra vincat per crucem ut vir, et fundat sanguinem pro cruce, seu doctrina Crucifixi, ut ejus et Apostolus et martyr. Stigma, nota vulneris corpori impressa. Notis corpora signabant gentiles, easque notas religionis causa membris ferro inurebant. Membra ejusmodi stigmatis notata post mortem non una sepeliebant cum reliquo cadavere, sed amputata habebant pro sacris, eaque aut ornabant bracteis aureis, aut tota includebant vitris et metallis: Conf. Prudent. Stephan. hymn. X. Inde fortasse invasit ille mos in ecclesiam, ut digiti, brachia, articuli sanctorum includerentur vasis, et osculanda porrigentur, aut proponerentur spectanda. G. Fabric. Comment. in Post. Christian. Conf. Svicer. Thesaur. eccles.

v. 16. Lucisque pandis januam Ita Rivin., sic enim respondet præcedentis et succedentis strophæ versibus pariter ultimis, quando crux amara præparare lucis gaudia, et per crucis mysterium cæli patria peti dicitur, ita vero hic per crucem lucis pandi janua.

v. 17. Jam nos foveto virili tuo nomine et exemplo.

v. 19. Qvo per crucis victoriam, subintellig. Christi.

Hymnus Damasi *).

de Agatha **) Martyre Catan. Sicula.

Vers. Dactylic.

Martyris ecce dies Agathæ

Virginis emicat eximiae,

*) Damasi carmina sacra — ab Andr. Rivino. Lipsiæ 1652, 8.

) De Agathæ familia, pueritia rebusque in ea gestis vix certi aliquid afferri potest. In Vitis S. Siculorum dicitur Panormi insigni, præclaroque genere nata. Acta ejusdem martyris consularia, quæ etiam latina dicuntur habet Bollandus; exstant quoque græce a Metaphraste exarata; hæc referunt: Anno Christi 253 Nonas Februarii *) sub Decio Cæsare jussit Qvinctianus Sici-liensi provinciæ præfectus Agatham in equuleo suspensam torqueri et quidem in mamilla, hanc diutius tortam abscondit, virginem ipsam testis acutis et carbonibus vivis nudo corpore volutari, cumque hoc fieret, locus, in quo volutabatur, commotus est, hinc Qvinctianus perterritus illam in carcerem denuo recludit, quo sequente nocte Christus beatissimæ martyri apparuit, ejusque vulnera curavit: tandem jussu Qvinctiani Agatha gladio occisa est **). — "In Sicilia, inquit Ruinart, passa est Agatha, virgo celebris, cujus martyrium describit Damasus" *). In Missali Gelasiano non aliæ virgines, quales sunt Soter, Agatha etc. appellantur usquam virgines, quem titulum si Agnetem excipias, soli Mariæ concessum in hoc Missali deprehendi, quod fere idem observari potest in Sacramentario Gregoriano. Primam hanc tamén inter alias Virgines et Martyres, quæ beatissimam Virginem Deiparam comitantur, Fortunatus recenset Libr. 8 Carm. de Virginitate":

Illic Euphemia, pariter quoque plaudit Agatha.

*) Similiter Calendar. Carthagin. "Nonas Februarii sanctæ Martyris Agathæ". Vid. Ruinart Acta Martyrum pag. 695.

**) Confer. Amici Catana illustrata, Tom. 1 pag. 27.

***) l. c. pag. 51 Præfat., et pag. 541.

Qva sibi Christus eam sociat,
Et diadema duplex decorat.

Stirpe decens, rutilans specie
Sed magis actibus atque fide:
Terrea prorsus nil reputans
Jussa dei sibi corde ligans.

5

Fortior hæc trucibusque viris
Exposuit sua membra flagris,
Pectore quam fuerit valido
Torfa mamilla docet patulo.

10

Deliciæ cui carcer erat,
Pastor ovem Petrus hanc recreat,
Lætior inde magisque flagrans
Cuncta flagella cucurrit ovans.

15

Ethnica turba rogam fugiens,
Hujus et ipsa meretur opem:

v. 3. Qva, scilicet die.

v. 4. Diadema duplex, martyrii et virginitatis.

v. 9. Fortior hæc trucibusque viris: præconsule Qvinetiano et stipatoribus ejus carnificibus.

v. 12. Patulo, clare et manifeste, adverbialit.

v. 17. Ethnica turba rogam fugiens: post mortem Agathæ populus gentilis Catanensis percussus summo discrimine Ætnæ flammis solito acrius exundantis, et magno impetu per agros decurrentis, atque ipsi urbi exitium minitantis, ad sepulchrum martyris fertur confugisse, et velum ejus tumulo superpositum objecisse rapido igni, qui protinus divina virtute cohibitus, ultra progredi, non ausus sit. At Carrera (Histor. Cat. Vol. 2 Libr. 2) suspicatur, vocabalum Ethnica fortasse levi mutatione Amanuensis in hymnum irrepsisse pro ætnæ; si prius retineatur omnino ethnica turba intelligendum est de Paganis: gens rustica, nam a jurisconsultis pagani a

Qvos fidei titulus decorat,
 His Venerem magis ipsa premat. 20.
 Jam renitens quasi sponsa polo,
 Pro misero rogitet Damaso,
 Sic sua festa coli faciat,
 Se celebrantibus ut faveat.

pagis dicuntur, et ævo, quo Notarii acta scripsere, nemo pagani voce pro ethnico usus est, sed aut de rusticis, aut urbanis nunquam militiæ adscriptis; si vero æternæ præferatur, ob metrum legatur, ætnea.

v. 19-20. Cum Agatha represserit ætneum ignem, ne multitudini paganorum incommodaret, multo potius nunc in fidelibus incendia libidinum et concupiscentiæ flammæ restingvat. Pro. Venerem placet Rivino legere, cinerem. Affectus humanos doloso cineri suppositos, ne erumpant, reprimat.

v. 21. Renitens. Sic Rivin. cum Galfrido (in Expositione hymnor. Basileæ 1497 p. 17). Alii renidens.

v. 22. Pro misero rogita Damaso. Non dubium est, inquit Rivin. ad b. l. quin ita prius scriptum ab auctore fuerit, cum vero hymnus hic in ecclesia cantaretur, seqvioribus seculis mutatus hic ita fuit versus, ut habet Clichtoreus, Msti Hymnarii et Galfridus Grammaticus: Pro miseris supplica domino! scilicet ut consonantiam servarent finalem illius carminis cum præcedenti versu, polo scil. quorum rythmorum nimis affectanter fuerunt studiosi, alias melius dixissent. Pro miseris rogita dominum. Ipse vero propius legi dixerim hoc pacto. Jam renitens quasi sponsa polo Pro misero rogita populo: nisi forte seqvientes duo versus omnino ostendant domino fuisse scriptum, qui se celebrantibus debeat favere, siquidem sua festa velit coli. Aut sane scribendum rogitet illa (ut premat) sic sua festa postea legi et intelligi possent.

Hymni Ambrosiani*)

I.

Jambic. Qvaternar.

<i>Æterne rerum conditor,</i>	<i>In! Breviar. Rom. A.</i>
<i>Noctem diemque qui regis,</i>	<i>Dominic. proxim.</i>
<i>Et temporum das tempora</i>	<i>Calend. Octbr. usque</i>
<i>Ut alleves fastidium;</i>	<i>ad Adventum, in Di-</i>
<i>Præco diei jam sonat,</i>	<i>luculo 5</i>
<i>Noctis profundæ pervigil,</i>	
<i>Nocturna lux vianibus</i>	
<i>A nocte noctem segregans.</i>	
<i>Hoc excitatus lucifer</i>	
<i>Solvit polum caligine,</i>	<i>10.</i>
<i>Hoc omnis errorum chorus</i>	
<i>Viam nocendi deserit.</i>	
<i>Hoc nauta vires colligit</i>	
<i>Pontique mitescunt freta,</i>	
<i>Hoc ipsa petra ecclesiæ</i>	<i>15.</i>
<i>Canente culpam diluit</i>	
<i>Surgamus ergo strenue,</i>	
<i>Gallus jacentes excitat</i>	
<i>Et somnolentos increpat,</i>	
<i>Gallus negantes arguit.</i>	<i>20</i>
<i>Gallo canente spes reddit,</i>	
<i>Ægris salus refunditur</i>	
<i>Mucro latronis conditur,</i>	
<i>Lapsis fides revertitur.</i>	
<i>Jesu labantes respice,</i>	<i>25</i>
<i>Et nos videndo corrige</i>	

*) Ambrosii Mediolan. Episc. opera, Parisiis 1690, fol.

Si, respicis lapsus cadunt,
Fletuque culpa solvitur.

Tu lux refulge sensibus
Mentisque somnum discute!
Te nostra vox primum sonet,
Et vota solvamus tibi.

30

II.

Deus creator omnium
Polique rector vestiens
Diem decore lumine,
Noctem soporis gratia.

Artus solutos ut quies
Reddat laboris usui,
Mentisque fessas allevet,
Luctusque solvat anxios.

Grates peracto jam die,
Et noctis exortu preces
Votis reos ut adjuves,
Hymnum canentes solvimus
Te cordis ima concinant,

10

Te vox canora concrepet,
Te diligat castus amor,
Te mens adorat sobria.

15

Ut cum profunda clauserit
Diem caligo noctium,
Fides tenebras nesciat,
Et nox fide reluceat.

20

Dormire mentem ne sinas,
Dormire culpa noverit,
Castos fides refrigerans
Somni vaporem temperet.

Exuta sensu lubrico
Te cordis alta somnient,
Nec hostis invidi dolo
Pavor quietos suscitet.

Christum rogemus et Patrem,
Christi Patrisque spiritum
Unum potens per omnia
Fove precantes trinitas.

III.

Jam surgit hora tertia,
Qva Christus adscendit crucem,
Nil insolens mens cogitet,
Intendat affectum precis.

Qui corde Christum suscipit,
Innoxium sensum gerit:
Votisque præstat sedulis,
Sanctum mereri spiritum.

Hæc hora, qva finem dedit
Diri veterno criminis
Mortisque regnum diluit,
Culpamqve ab ævo austulit.

Hinc jam beata tempora
Cæpere Christi gratia:
Fide replevit veritas
Totum per orbem ecclesias.

Celso triumpho vertice
Matri loqvebatur suæ:
En filius, mater, tuus!
Apostolè, en mater tua!

Prætenta nuptæ foedera
Alto docens mysterio,

Nè virginis partus sacer
Matris pudorem læderet.

Cui fidem cælestibus
Jesus dedit miraculis:
Nec credidit plebs impia;
Qvi credidit salvus erit.

25.

Nos credimus natum deum,
Partumque virginis sacræ,
Peccata qvi mundi tulit
Ad dexteram sedens Patris.

IV.

Veni redemptor gentium*), Danic. Kom Hæd-
Ostende partum virginis: ningernes Frel-
Miretur omne seculum: ser sand etc.
Talis decet partus deum.

Non ex virili semine,
Sed mystico spiramine,
Verbum dei factum est caro,
Fructusque ventris floruit.

5.

Alvus tumescit virginis
Clastrum pudoris permanet:
Vexilla virtutum micant:
Versatur in templo deus.

10.

Procedens de thalamo suo,
Pudoris aula regia

*) Breviarium Cisterciensis huic hymno primam strophæ,
quæ nusquam alibi reperitur, sic exhibet.

Intende qvis Regis Jsrael,
Super Cherubim, qvi sedes:
Et pare Ephrem coram, excita
Potentiam tuam et veni:

v. 13. Procedens. Faustus Regiensis. Procede.

Geminæ Gigas substantiæ, 15.
Alacris ut currat viam.

Egressus ejus a patre
Regressus ejus ad patrem:
Excursus usque ad inferos,
Rekursus ad sedem dei. 20.

Æqualis æterno patri
Carnis trophæo accingere
Infirma nostri corpora
Virtute firmans perpeti.

Præsepe jam fulget tuum, 25.
Lumenque nox spirat novum,
Quod nulla nox interpolet,
Fideque jugi luceat.

V.

Illuminans altissimus
Micantium astrorum globos,
Pax, vita, lumen, veritas,
Jesu fave precantibus.

Seu mystico baptismate 5.
Fluenta Jordanis retro
Conversa quondam tertio
Præsente sacraris die.

Seu stella partum virginis
Cælo micans signaveris, 10.
Et hac adoratum die
Præsepe Magos duxeris.

Vel hydriis plenis aquæ
Vini saporem infuderis:
Hausit minister conscius, 15.
Quod ipse non impleverat.

Aqvas colorari videns,
 Inebriare flumina;
 Mutata elementa stupent
 Transire in usus alteros. 20.

Sic quinque millibus viris,
 Dum quinque panes dividis,
 Edentium sub dentibus
 In ore crescebat cibns.

Multiplicabatur magis 25.
 Dispendio panis suo:
 Qvis hæc videns mirabitur
 Iuges meatus fontium?

Inter manus frangentium
 Panis rigatur profluens: 30.
 Intacta quæ non fregerant
 Fragmenta subrepunt viris.

VI.

Splendor paternæ gloriæ, In Breviar. Roman.
 De luce lucem proferens Feriasecunda, ad
 Primordiis lucis novæ, laudes.

Diem dies illuminans,
 Verusque sol illabere, 5.
 Micans nitore perpeti,
 Iubarque sancti spiritus
 Infunde nostris sensibus.

Votis vocemus et patrem,
 Patrem perennis gloriæ, 10.
 Patrem potentis gratiæ,
 Culpam releget lubricam.

Informet actus strenuos,
 Dentes retundat invidi

Casus secundet asperos,

15.

Donet gerendi gratiam.

Mentem gubernet et regat

Casto fideli corpore,

Fides calore ferveat

Fraudis venena nesciat,

20.

Christusque nobis sit cibus,

Potusque noster sit fides,

Læti bibamus sobriam

Ebrietatem spiritus.

Lætus dies hic transeat,

25.

Pudor sit ut diluculum,

Fides velut meridies,

Crepusculum mens nesciat.

Aurora cursus provehit,

Aurora totus prodeat,

30.

In patre totus filius,

Et totus in Verbo pater.

VII.

Æterna Christi munera

Et martyrum victoriae

Laudes ferentes debitas

Lætis canamus mentibus.

Ecclesiarum principes

5.

Belli triumphales duces

Cælestis aulæ milites,

Et vera mundi lumina.

Terrore victo sæculi,

Spretisque poenis corporis

10.

Mortis sacræ compendio

Vitam beatam possident.

Traduntur igni martyres
 Et bestiarum dentibus,
 Armata sævit unguis
 Tortoris insana manus.

15.

Nudata pendent viscera,
 Sangvis sacrat, s funditur,
 Sed permanent immobiles
 Vitæ perennis gratia.

20.

Devota sanctorum fides,
 Invicta spes credentium,
 Perfecta Christi caritas
 Mundi triumphat principem.

In his paterna gloria,
 In his voluntas filii,
 Exaltat in his spiritus,
 Cælum repletur gaudiis.

25.

Te nunc redemptor quæsumus,
 Ut ipsorum consortio
 Jungas precantes servulos
 In sempiterna sæcula.

30.

VIII.

Somno reffectis artubus,
 Spreto cubili surgimus,
 Nobis, pater, canentibus
 Adesse te deposcimus!

In Breviar. Ro-
 man. Feria
 secunda, ad
 Matutinum.

Te lingua primum concinat,
 Te mentis ardor ambiat
 Ut actuum sequentium
 Tu sancte sis exordium.

5

Cedant tenebræ lumini
 Et nox diurno sideri,

10.

Ut culpa, quam nox intulit,
Lucis labascet munere.

Precamur idem supplices,
Noxas ut omnes amputes,
Ut ore te canentium
Lauderis in perpetuum.

15.

Præsta pater piissime,
Patrique compar unice,
Cum spiritu paracrito,
Regnans per omne seculum.

IX.

Consors paterni luminis
Lux ipse lucis, et dies,
Noctem canendo rumpimus,
Adsiste postulantibus.

In Breviar. Ro-
man, Feria
tertia, ad
Matutinum.

Aufer tenebras mentium,
Fuga catervas dæmonum,
Expelle somnolentiam
Ne pigritantes obruat.

Sic Christe nobis omnibus
Indulgeas credentibus,
Ut prosit exorantibus,
Quod præcinentes psallimus.

X.

O lux beata Trinitas,
Et principalis unitas,
Jam sol recedit igneus
Infunde lumen cordibus.

Danie. O du
trefoldig
Enighed
etc.

Te mane landum carmine,
Te deprecamur vespere

Te nostra supplex gloria
Per cuncta laudet sæcula. —

Aurelii Prudentii Clementis.

Cathemerinon Liber*).

Præfatio.

In ea breviter perstringit poeta potiora vitæ suæ gesta usque ad annum septimum et quinquagesimum, quo a profanis ad sacra animum ingeniumque traduxit, atque omnium ferme innuit suorum poeticorum operam argumenta.

Vers. Choriambic.

Per quinquennia jam decem,

Ni fallor, fuimus: septimus insuper

Annum cardo rotat, dum fruimur sole volubili.

Instat terminus, et diem

Vicinum senio jam deus adplicat,

5.

Quid nos utile tanti spatio temporis egimus?

Ætas prima crepantibus

Flevit sub ferulis. Mox docuit toga

Infectum vitiis falsa loqui, non sine crimine:

Tum lasciva protervitas,

10.

Ac luxus petulans (heu pudet ac piget!)

Fœdavit juvenem nequitiae sordibus ac luto.

*) Aurel. Prudent. Clement. opera, Parmæ 1788, 4to. Liber *Καθημερινὸν* h. e. quotidianorum carminum, quod majore sui parte hymnes continet quotidie canendos.

Exin jurgia turbidos

Armarunt animos, et male pertinax

Vincendi studium subjacuit casibus asperis: 15.

Bis legum moderamine

Frenos nobilium reximus urbium,

Jus civile bonis reddidimus, terruimus reos.

Tandem militiæ gradu

Evectum pietas Principis extulit 20.

Adsumptum propius stare jubens ordine
proximo.

Hæc dum vita volans agit,

Inrepsit subito canities seni,

Oblitum veteris me Saliæ consulis arguens.

Sub quæ prima dies mihi, 25.

Quam multas hiemes volverit, et rosas

Pratis post glaciem reddiderit, nix capitis
probat.

Numquid talia proderunt

Carnis post obitum vel bona, vel mala;

Quum jam quidquid id est, quod fueram, mors
aboleverit? 30.

Dicendum mihi, quisquis es,

Mundum, quem coluit, mens tua perdidit.

Non sunt illa dei quæ studuit, cujus habebis.

v. 15. Jurgia. Contentiones forenses.

v. 20. Principis. Theodosii Magni.

v. 22. Vita volans. Cod. Thuaneus vita volens.

v. 23. Inrepsit. Vat. duo oprepsit.

v. 35. Cujus habebis. Glossator unius Vaticani Cod. sic. ad-
quem solum pertinebis, ut remuneret, aut dannet.

Atqui fine sub ultimo

Peccatrix anima stultitiam exuat. 35.

Saltem voce deum concelebre, si meritis
nequit;

Hymnis continuet dies,

Nec nox ulla vacet, quin dominum canat,

Pugnet contra hereses, catholicam discutiat
fidem, -

Conculcet sacra gentium, 40.

Labem, Roma, tuis inferat idolis,

Carmen martyribus devoveat, laudet Apostolos.

Hæc dum scribor vel eloquor,

Vincis, o utinam, corporis amicem

Liber, quo tulerit lingua sonus mobilis ultime. 45.

Hymnus. I.

Ad Galli Cantum.

Hortatur in illo fideles, ut gallo sub adventum lucis canente, surgant omnes ad canendum Christo Deo, petendamque peccatorum suorum condonationem.

Jambic. Quaternar.

Ales diei nuntius

Lucem propinquam præcinit;

Nos excitator mentium

Jam Christus ad vitam vocat.

In Breviar. Ro-

man. Feria

tertia de

tempore ad

laudes.

v. 35. Anima, ultima syllaba brevis est, quam metri ratio non admittet; forsân igitur sic. Pravi conscia mens stultitiam exuat. Ceterum conf. supr. p. 17.

v. 41. Idolis. Idolon, ἰδωλον, apud Ecclesiasticos etiam Idolum mediâ semper habet correptam, fortasse indulgentes consuetudini vulgi, ne in templis discrepans esset cruditorum et multitudinis consensus. Fabric.

Auferte, clamat, lectulos

5.

Ægros, soporos, desides.

Castiqve recti ac sobrii

Vigilate jam sum proximus.

Post solis ortum fulgidi

Serum est cubile spernere;

10.

Ni parte noctis addita

Tempus labori adjeceris.

Vox ista, qva strepunt aves,

Stantes sub ipso culmine,

Paulo anteqvam lux emicet,

15.

Nostri figura est judicis.

Tectos tenebris horridis

Stratisqve opertos segnibus

Svadet quietem linquere

Jam Jamqve venturo die.

20.

Ut qvum coruscis flatibus

Aurora cælum sparserit,

Omnes labore exercitos

Confirmet ad spem luminis.

Hic somnus ad tempus datus

25.

v. 6. *Ægros, soporos, desides.* Ita Heimsius ex fide Mss., quibus Vaticani omnes concordant, præter duos, quorum prior habet *ægros sopore desides*, alter *ægro sopore desides*. Vocat autem lectulos *ægros, soporos, desides*, quia nos *ægritudine, sopore, desidia* conficiunt; ita etiam infra stratis segnibus v. 18, quia *segni-tiem* inspirant.

v. 15. *Paulo ante.* Vat. un. *nova ante.*

v. 21. *Coruscis flatibus.* Chamillardo suspicio est flatibus legendum esse, quod matutini roris guttas denotaret: videtur autem Prudentius auroram exhibere velle lucem ore spirantem, quam cælo spargat.

Est forma mortis perpetis:
Peccata, ceu nox horrida,
Cogunt jacere æc stertere.

Sed vox ab alto culmine
Christi docentis præmonet; 30.
Adesse jam lucem prope,
Ne mens sopori serviat.

Ne somnus usque ad terminos
Vitæ socordis opprimat
Pectus sepultum crimine, 35.
Et lucis oblitum suæ.

Ferunt vagantes dæmones,
Lætos tenebris noctium,
Gallo canente exterritos
Sparsim timere et cedere. 40.

Invisa jam vicinitas
Lucis, salutis, numinis,
Rupto tenebrarum situ
Noctis fugat satellites.

Hoc esse signum præscii 45.
Norunt repromissæ spei,
Qva nos soporis liberi
Speramus adventum dæi.

v. 29. Ab alto culmine. E cælo, adludens ad aves, quæ a tecti culmine monent diem adesse.

v. 34. Vitæ socordis. Vat. unus. mentes socordes.

v. 36. Lucis suæ Christi.

v. 43. Rapto tenebrarum situ. Situs metonymice accipitur pro laugine, quo res humore corruptæ obducantur, atque ita noctis tenebras expressit poeta, quod iis dæmones obvelentur quodammodo et oblegantur.

Qvæ vis sit hujus alitis,
 Salvator ostendit Petro, 50.

Ter ante qvam gallus canat,
 Se se negandum prædicans,

Fit namqve peccatũm prius
 Qvam præco lucis proximæ
 Inlustret humanum genus, 55.
 Finemqve peccandi ferat.

Flevit negator deniqve
 Ex ore prolapsum nefas:
 Qvum mens maneret innocens,
 Animusqve servaret fidem. 60.

Nec tale quidqvam postea
 Lingvæ locutus lubrico est,
 Cantuqve galli cognito
 Peccare justus destitit.

Inde est, qvod omnes credimus; 65.
 Illo quietis tempore
 Qvo gallus exsultans canit,
 Christum redisse ex inferis.

Tunc mortis opressus vigor,
 Tunc lex subacta est Tartari, 70.
 Tunc via diei fortior
 Noctem coegit cedere.

v. 54. Præco lucis proximæ. Sensus est, Petrus et qvilibet homo est peccator priusqvam præco lucis Christus eum illuminet.

v. 61. Lingvæ locutus lubrico. Ita Heinsius et ante eum Weitzs, qvibus accedunt Vaticani præstantiores.

v. 69. Vigor. Nonnulli rigor malebant, sed vigor habent Vaticani vetustiores.

Jam jam quiescunt improba,	
Jam culpa furva obdormiat,	
Jam noxa letalis suum	75.
Perpressa somnum marceat.	
Vigil vicissim spiritus,	
Quodcumque restat temporis,	
Dum meta noctis clauditur.	
Stans et laborans excubet.	80.
Jesum ciamus vocibus,	
Flentes, precantes, sobrii:	
Intenta supplicatio	
Dormire cor multum vetat.	
Sat convolutis artubus	85.
Sensum profunda oblivio	
Pressit, gravavit, obruit	
Vanis vagantem somniis:	
Sunt nempe falsa et frivola,	
Quæ mundiali gloria,	90.
Ceu dormientes, egimus:	
Vigelimus: hic est veritas.	
Aurum voluptas, gaudium,	
Opes, honores, prospera,	
Quæcumque nos inflant mala,	95.
Fit mane, nil sunt omnia.	
Tu Christe somnum disjice,	
Tu rumpe noctis vincula,	
Tu solve peccatum vetus,	
Novumque lumeningere.	100.

v. 96. Fit mane. Intus in corde, Christi luce perfusa.

II.

Hymnus matutinus.

Depulsis noctis tenebris, ac die jam effulgente,
 quæ luce sua omnia detegit, Christum orat, ut lumine
 suo cordis nostri tenebras penetret ac dissipet, quo
 pura mente et pio cantu diem auspicantes, totam inof-
 fenso pede traducamus.

Jambic. Quartemar.

Nox, et tenebræ et nubila,
 Confusa mundi et turbida,
 Lux intrat, albescit polus,
 Christus venit discedite.

In Breviar. Ro-
 man. Feria
 quarta de
 tempore, ad
 Laudes.

Caligo terræ scinditur
 Percussa solis spiculo,
 Rebusque jam color redit
 Vultu nitentis sideris.

5.

Sic nostra mox obscuritas,
 Fraudisque pectus conscium,
 Ruptis resectum nubibus,
 Regnante pallescet deo.

10.

Tunc non licebit claudere,
 Quod quisque fuscum cogitat,
 Sed mane clarescent novo
 Secreta mentis prodita.

15.

Fur ante lucem squalido
 Impune peccat tempore;
 Sed lux dolis contraria
 Latere furtum non sinit.

20.

Versuta fraus et callida
 Amat tenebris obtegi,
 Aptamque noctem turpibus
 Adultor occultus fovet.

Sol ecce surgit igneus: 25
 Piget, pudescit, poenitet,
 Nec teste quisquam lumine
 Peccare constanter potest.

Qvis mane sumtis nequiter
 Non erubescit poculis; 30
 Qvum fit libido temperans
 Castumque nugator sapit?

Nunc nunc severum vivitur,
 Nunc nemo tentat ludicrum,
 Inepta nunc omnes sua 35
 Vulta colorant serio.

Hæc hora cunctis utilis,
 Qva quisque qvod studet, gerat,
 Miles, togatus, navita,
 Opifex, arator, institor. 40

Illum forensis gloria,
 Hunc triste raptat classicum,
 Mercator hinc ac rusticus
 Avara suspirant lucra.

v. 33. Severum pro severe, nomen pro adverbio, et ita frequenter.

v. 40. Institor. Proprie non Mercator, ut tamen communiter interpretantur, sed tabernæ præpositus vel aliæ negotiationi, sic dictus, qvod instet negotio gerendo. Ulpian. libr. 3 de Instit. Act.; Horat. Carm. l. 3 Od. 6, v. 30.

At nos lucelli ac fœnoris 45
 Fandique prorsus nescii,
 Ne arte fortes bellica,
 Te Christe solum novimus.
 Te mente pura et simplici,
 Te voce, te cantu pio, 50
 Rogare curvato genu
 Flendo et canendo discimus.
 His nos lucratur quæstibus
 Hac arte tantum vivimus,
 Hæc inchoamus munera, 55
 Qvum sol resurgens emicat.
 Intende nostris sensibus,
 Vitamque totam dispice:
 Sunt multa fucis inlita,
 Qvæ luce purgentur tua. 60
 Durare nos tales jube,
 Qvales remotis sordibus,
 Nitere pridem jusseras
 Jordane tinctos flumine.

v. 51. Curvato genu. Hoc de iis precibus intelligendum est, quas diebus festis fideles offerebant, non die Dominico, ubi pæces suas quascumque fundebant erecti stantes. Vid. Joseph Bingham Orig. Eccles. Tom. V. p. 260, et Cotelerii Not. in libr. 2 Constit. Apostolic. c. 59; Conf. præterea ad h. l. Hymn. Clementis, quem Celebr. Münster germanica lingua metricè reddidit in libro, qui inscribitur. — Die Offenbarung Johannis, Copenhag. 1806.

v. 58 Dispice. Vat. unus, Isonius ac Weitzins despice.

v. 64. Jordane tinctos flumine. Nempe baptismo. Jordanem noster memorat, quoniam magno semper in honore apud veteres Christianos flumen illud fuit, ac diu post Eusebii

Quodcunque nox mundi dehinc

65

Infecit atris nubibus,

Tu rex eoi sideris,

Vultu sereno inlumina.

Tu sancte, qui tetram picem

Candore tingvis lacteo,

70.

Ebenoque chrystallum facis;

Delicta tergē livida.

Sub nocte Jacob cærula,

Luctator audax angeli,

Eo usque dum lux surgeret,

75-

Sudavit impar prælium.

et Hieronymi ætatem perdurasse consuetudinem in præcipuis anni solemnitatibus administrandi baptismum in Jordane testatur Hem. Valesius in Adnot. ad libr. 4 ejusdem Eusèbii de vita Constantini M. Qvin sumta quandoque ex ipso Jordane aqua, et alio translata, pueros, magnatum præsertim, catholico ritu expiatis fuisse ostendit Franc. Victorius in Dissertat. De nummo aërio vet. Christianor. Romæ edit 1757.

- v. 70. Tingvis pro tingis more vet. ut infra urget pro urget. Frequentissimus est hujus vocabuli usus apud scriptores ecclesiasticos pro baptizare: ita Lactantius inquit de Christo: tinctus ab Joanne Tertulianus: (cōtr. Marcion. 1, 29) non tingitur apud illum caro, nisi virgo, nisi vidua, nisi cælebs etc. et (C IV. 9) de Deo Marcionis, quod neminem tinxerit, nisi cælebem et spadonem, et quod baptismum morti vel repudio servet: item (in præscriptionibus hæreticorum Cap. 41 edit. Semleri Vol II p. 54) ipsæ mulieres hæreticæ quam procaces, quæ audeant docere, contendere, exorcismos agere, curationes repro-mittere, forsā et tingere. Idem de Baptismo cap. 17 p. 205 Tom. IV. edit. Semler. Petulantia mulieris, quæ usurpavit docere utique, non etiā tingendi jus sibi pariet etc.
- v. 76. Sudavit impar prælium. Ita Vatic. antiquiores alii atque etiam edit. nonnullæ, prælio, quod merito rejicit Heinsius.

Sed quum jubar claresceret,
 Lapsante claudus poplite,
 Femurque victus debile
 Culpæ vigorem perdidit.

80.

Nutabat ingven saucium,
 Quæ corporis pars vilior,
 Longeque sub cordis loco
 Diram fovet libidinem.

Hæc nos docent imagines
 Hominem tenebris obsitum,
 Si forte non cedat deo,
 Vires rebelles perdere.

85.

Erit tamen beatior,
 Intemperans membrum cui
 Luctando claudum et labidum
 Dies oborta invenerit.

90.

Tandem facessat cæcitas,
 Quæ nosmet in præceps diu
 Lapsos sinistris gressibus
 Errore traxit deviò.

95.

Hæc lux serenum conferat,
 Purosque nos præstet sibi,
 Nihil loquamur subdolum,
 Volvamus obscurum nihil.

Sic tota decurrat dies,

100.

Ne lingua mendax, ne manus,

- v. 85. Hæc nos docent imagines. Sensus Poetæ videtur esse, quod sicut Jacob, quoadusque duravit nox, restitit angelo, ac tunc solum ce sit, quum orta lux est, ita nos tamdiu concupiscentiis nostris, in Jacobi femore adumbratis adversus deum militamus, donec Christus, qui verus dies est, et vera lux, oriatur in cordibus nostris.

Oculive peccent lubrici,
Ne noxa corpus inquinet.

Speculator adstat desuper,
Qvi nos diebus omnibus,
Actusque nostris prospicit
A luce prima in vesperum.

105.

Hic testis, hic est arbiter,
Hic intuetur quidquid est,
Humana quod mens concipit,
Hunc nemo fallit iudicem.

110.

III.

Hymnus ante cibum.

Hortatur se ipsum poeta ad cibi parsimoniam et
sobriam cœnam, quam describit.

Vers. Dactylic.

O crucifer bone, lucisator
Omnipotens, pie, verbigena,

- v. 2. Verbigena *λογος ενδιαθετος* et *προφορικος*. Nonnulli patres antiqui (Antenicæni scil. nam duplex *λογος* generatio cum Nicæna fide pugnat. Conf. Celebr. Münster Haandbog i den ældste christelige Kirkes Dogmehistorie, Tom. 1 p. 380 seqv.) duplicem Filii generationem ante conditas creaturas distinxerunt: prima est, quum Pater Verbum genuit intelligendo seipsum, quam generationem constat sempiternam esse, quum Deus fuerit semper Pater ac Rationalis; altera, quando Verbo virtutis suæ mundum condidit, tunc enim in creaturæ productione apparuit Dei Sapientia ac Potentia, quæ ab æterno erat in sinu Patris; hanc prostram a Prudentio fuisse intellectam, at sine ullo veræ propriæ ac sempiternæ generationis præiudicio Arevali arbitratur.

Edite corpore virgineo,
Sed prius in genitore potens;
Astra, solum, mare, quam fierent.

5.

Huc nitido precor intuitu.

Flecte salutiferam faciem
Fronte serenus et inradia,
Nominis ut sub honore tui
Has epulas liceat capere.

10.

Te sine dulce nihil, Domine,
Nec iuvat ore quid appetere,
Pocula ni prius, atque cibos,
Christe tuus favor imbuerit,
Omnia sanctificante fide.

15.

Fercula nostra deum sapiant,
Christus et influat in pateras:
Seria, ludicra, verba, jocos,
Denique quod sumus, aut agimus,
Trinæ superne regat pietas.

20.

Hic mihi nulla rosæ spolia,
Nullus aromate fragrat odor,
Sed liquor influit ambrosius,
Nectareamque fidem redolet
Fusus ab usque Patris gremio.

25.

Sperne, Camœna leves hederas,
Cingere tempora quis solita est,

v. 7. Potens. Vat. unus. manens.

v. 20. Trina superne regat pietas ☉: sancta Trinitas. Edd. superna habebant ante Heins., qui superne reposuit ex Mss., probavitque huiusmodi Adverbium, aliaque similia syllabam postremam corripere. Codd. Vatic. utramque exhibent lectionem.

Sertaque mystica dactylico
 Texere docta liga strophio,
 Laude dei redimita comas. 30.

Qvod generosa potest anima,
 Lucis et ætheris indigena,
 Solvere dignius obsequium,
 Qvam data munera si recinat
 Artificem modulata suum? 35.

Ipse homini quia cuncta dedit,
 Qvæ capimus dominante manu,
 Qvæ polus, aut humus, aut pelagus,
 Aëre, gurgite, rure crearit,
 Hæc mihi subdidit, et sibi me. 40.

Callidus inlaqueat volucres
 Aut pedicis dolus aut maculis,
 Inlita glutine corticeo
 Vimina plumigeram seriem
 Impediunt et abire vetant. 45

Ecce per æqvora fluctivagos
 Texta greges sinuosa trahunt,
 Piscis item sequitur calamum.
 Raptus acumine vulnifico,
 Credula saucius ora cibo. 50.

Fundit opes ager ingenuas,
 Dives aristiferæ segetis,
 Hic ubi viteæ pampineo
 Brachia palmitum luxuriant,
 Pacis alumna ubi bacca viret. 55.

v. 28. Dactylico liga strophio etc. ordo est, tu, o Musa, docta texere sarta mystica ex sacris literis contexta, redimita laude dei: ornata et instructa rebus divinis, cinge caput dactylico carmine, tanquam corona.

Hæc opulencia Christicolis
 Servit, et qmnia suppeditat,
 Absit enim procul illa fames,
 Cædibus ut pecudum libeat
 Sangvineas lacerare dapes.

60.

Sint fera gentibus indomitæ
 Prandia, de nece quadrupedum,
 Nos oleris coma, nos siliqua
 Foeta legumine multimodo
 Paverit innocuis epnlis.

65.

Spumea mulctra gerunt niveos
 Ubere de gemino latices
 Perqve coagula densa liquor
 In solidum coit, et fragili
 Lac tenerum premitur calatho.

70.

Mella recens mihi Cecropia
 Nectare sudat olente favus,
 Hæc opifex apis aërio
 Rore liquat, tenuiqve thymo,
 Nexilis inscia connubii.

75.

Hinc quoque pomiferi nemoris
 Munera mitia proveniunt:
 Arbor onus tremefacta suum
 Deciduo gravis imbre pluit,
 Puniceosqve jactit cumulos.

80.

Qvæ veterum tuba, qvæve lyra
 Flatibus inclita, vel fidibus,
 Divitis omnipotentis opus,

v. 71. Mel Hymettium. Hymetti montis prope Athenas per
 omnem antiquitatem et nostro adhuc tempore celeberrimum.
 Horat. 2, 6, 14.

Quæque fruenda patent homini,
Laudibus æquiparare queat?

85.

Te pater, optime mane novo,
Solis et orbita, quum media est,
Te quoque luce sub occidua
Sumere quum monet hora cibum
Nostra Deus canet harmonia.

90.

Quod calet halitus interior,
Corde quod abdita vena tremit,
Pulsat et incita quod resonam
Lingva sub ore latens caveam,
Laus superi Patris esto mihi.

95.

Nos igitur tua, sancte, manus
Cæspite composuit madido,
Effigiem medidata suam,
Utque foret rata materies
Flavit et indidit ore animam.

100.

Tunc per amoena vireta jubet
Frondicomis habitare locis,
Ver ubi perpetuum redolet.
Prataque multicolora latex
Quadrifluo celer amne rigat.

105.

Hæc tibi nunc famulentur, ait,
Usibus omnia dedo tuis,
Sed tamen aspera mortifero
Stipite carpere poma veto,
Qui medio viret in nemore.

110.

Hic draco perfidus indocile
Virginis illicit ingenium
Ut socium malesuada virum
Mandere cogeret ex vetitis
Ipsa pari peritura modo.

115.

Corpora mutua (nosse nefas)

Post epulas inoperta vident,

Lubricus error et erubuit,

Tegmina suta parant foliis

Dedecus ut pudor occuleret.

120.

Conscia culpa deum pavitans

Sede pia procul exigitur,

Innuba foemina quæ fuerat,

Conjugis excipit imperium,

Foedera tristia jussa pati.

125

Auctor et ipse doli coluber

Plectitur improbus, ut mulier

Colla trilingvia calce terat;

Sic coluber muliebri solum

Suspicit atque virum mulier,

130.

His ducibus vitiosa dehinc

Posteritas ruit in facinus;

Dumque rudes imitatur avos,

Fasque nefasque simul glomerans,

Impia crimina morte luit.

135.

Ecce venit nova progenies,

Æthere proditus alter homo

Non luteus velut ille prius,

Sed deus ipse gerens hominem,

Corporeisque carens vitiis,

140.

- v. 139. Gerens hominem. Conf. Symbolum Chalcedonense et Leonis M. Epistol. ad Flavianum de incarnatione verbi S. Epistol. XXVIII edit. Ballerin. cur. Henke, Helmstadt 1781, 4to; Rössler X, 176 et J. J. Griesbach. Dissertatio historico-theologica locos theologicos collectos ex Leone Magno pontifice Romano sistens. Sectio III. complex doctrinam de Christo §§. 14-20 p. 31-93. Halæ Magdeburgicæ 1768.

Fit caro vivida sermo petris,
 Numine quam rutilante gravis
 Non thalamo, neque jure thori,
 Nec genialibus illecebris
 Intemerata puella parit.

145.

Hoc odium vetus illud erat,
 Hoc erat aspidis atque hominis
 Digladiabile discidium
 Qvod modo cornua foemineis
 Vipera proteritur pedibus.

150.

Edere namque deum merita
 Omnia virgo venena domat:
 Tractibus angvis inexplicitis
 Virus inerme piger revomit,
 Gramine concolor in viridi.

155.

Quæ feritas modo non trepidat
 Territa de grege candidillo?
 Impavidus lupus inter oves
 Tristis obambulat, et rabidum
 Sangvinis immemor, os cohibet.

160.

Agnus enim vice mirifica
 Ecce leonibus imperitat,
 Exagitansque truces aquilas
 Per vaga nubila, perque Notos,
 Sidere lapsa columba fugat.

165.

Tu mihi, Christe, columba potens,
 Sangvine pasta cui cedit avis,

- v. 167. Sangvine pasta avis. Aquila, mystice Diabolus. Cui monosyll. contra legem corripitur. Not. Comparatio diaboli cum aquila est nostri propria; appellatur a Sedulio tentator, præsumptor; ab Alcimo subversor, transgressor, incensor, lethi compertor; a Victore

Tu niveus per ovile tuum
 Agnus hiare lupum prohibes,
 Sub juga tigridis ora premens 170.
 Da locuples deus, hoc famulis
 Rite precantibus, ut tenui
 Membra cibo recreata levent,
 Neu piger immodicis dapibus
 Viscera tanta gravet stomachus. 175.
 Haustus amarus abesto procul,
 Ne libeat tetigisse manu
 Exitiale quid aut vetitum,
 Gustus et ipse modum teneat,
 Sospitet ut jecur inculume. 180.

auctor scelerum, et inventor lethi; a Prospero sator
 mortis, a Fortunato proditor; a Gregorio M. sapius
 cum Leviathano comparatur; et cum ab Irenæi (Advers.
 Gnosticos lib. V cap 1 et 20 edit. Massuet p. 292 et
 319) et magis adhuc ab Origenis (in Mathæum, edit
 Ruëi, Vol. III. pag. 726, cf Homil. VI. in Exod.
 Vol. II. pag. 150) tempore Mors Christi in cruce haud
 raro *λυτρον* diceretur diabolo pro redimendis hominibus
 ohlaturum, licet irrita spe, qua sibi blandiebatur de sanc-
 tissima Christi anima, quam mere humanam putaret,
 in inferis retinenda, facile eo adduci potuerunt, ut
 hanc Jesu Christi cruentam mortem veluti escam, qua
 deceptus esset dæmon, piæ meditationi proponerent:
 rem apertis verris declaravit Gregorius Magnus Roma-
 nus Episcopus de Leviathano ita disserens (Homil 25
 in Iobum ad cap. 40) in hamo escam ostendi, aculeum
 occultari, atque in hamo incarnationis Jesu Christi
 captum esse Diabolum, quia [dum in illo appetivit
 escam corporis, transfixus est aculeo divinitatis, cum-
 que mortales, quos tenebat, jure perdidisse, quia eum,
 in quo jus non haberet, morte appetere immortalem
 præsumsit. Vid. Celeberr. Münteri Epist de duobus mo-
 numentis veteris ecclesiæ ad I. A. Lindblom. Havniæ
 1810.

Sit satis angvibus horificis
 Liba quod impia corporibus
 Ah! miseram peperere necem;
 Sufficiat semel ob facinus
 Plasma dei potuisse mori.

185.

Oris opus, vigor igneolus
 Non moritur, quia flante deo
 Compositus, superoque fluens
 De solio patris artificis
 Vim liquidæ rationis habet.

190.

Viscera mortua quin etiam
 Post obitum reparare datur,
 Eqve suis iterum tumultis
 Prius renascitur effigies,
 Pulvere coeunte situ.

195.

Credo equidem, neque vana fides,
 Corpora vivere more animæ,
 Nam modo corporeum memini
 De Phlegethonte gradu facili
 Ad superos remeasse deum.

200.

Spes eadem mea membra manet,
 Quæ redolentia funereo
 Justa quiscere sarcophago,
 Dux parili redivivus humo
 Ignea Christus ad astra vocat.

205.

v. 185. Plasma, πλάσμα, fictio, seu (ut nostri postea) factura. Accipitur etiam pro callida et fallaci impostura; Prosper contra Ingratos.

Innumeras dubio cepis et plasmate mentes. Vid. Fabric.

v. 197. Corpora vivere. Victura esse. Enallage.

v. 199. Facilis descensus Averni. Virgil. Æn. 6, 126.

v. 203. Sarcophagus, σαρκοφάγος pro sepulchro, in quo corpus putrescit, et consumitur. Fabric.

IV.

Hymnus post cibum.

Grates deo reddit pro cibo sumpto, cujus in homines bonitatem commendat historia Danielis, quem in specu leonum jussu dei Habacue pavit, eamque ad mores traducit.

Vers. Hendecasyllab. Phalæc.

Pastis visceribus ciboque sumpto,
Qvem lex corporis imbecilla poscit,
Laudem lingua deo patri rependat:

Patri, qui Cherubin sedile sacrum,
Nec non et Seraphin suum, supremo 5
Subnixus solio, tenet, regitque

Hic est, quem Zebaoth deum vocamus,
Expers principii, carensque fine,
Rerum conditor, et repertor orbis.

Fons vitæ liquida fluens ab arce, 10
Infusor fidei, sator pudoris,
Mortis perdomitor, salutis auctor.

Omnes quod sumus ac vigemus, inde est;
Regnat spiritus ille sempiternus
A Christo simul et Parente missus. 15

Intrat pectora candidus puſſica
Quæ templi vice consecrata rident,
Postquam combiberint deum medullis,

Sed si quid vitii dolive nasci
Inter viscera jam dicata sensit, 20
Ceu spurcum refugit celer sacellum.

v. 13. Omnes. Weitz, omne, cui favet. Vat, unus: ceteri cum
Heins, omnes.

Tetrum flagrat enim vapore crasso
 Horror conscius æstuante culpa,
 Offensumque bonum niger repellit.

Nec solus pudor. innocensve votum 25.
 Templum constituunt perenne Christo
 In cordis medii sinu ac recessu,

Sed, ne crapula ferveat, cavendum est,
 Quæ sedem fidei cibus refertam
 Usque ad congeriem coarctet intus. 30.

Parcis victibus expedita corda
 Infusum melius deum receptant,
 Hic pastus animæ est, saporque verus.

Sed nos tu gemino fovens paratu,
 Artus atque animas utroque pastu 35.
 Confirmas, Pater, ac vigore complas.

Sic olim tua præcluens potestas
 Inter raucisonos situm leones
 Inlapsis dapibus virum refovit.

Illum fusile numen execrantem 40.
 Et curvare caput sub expolita
 Æris materia nefas putantem,

Plebs diræ Babylonis ac tyrannus
 Morti subdiderant, feris dicarant
 Sævis protinus haustibus vorandum. 45.

O semper pietas fidesque tuta!
 Lambent indomiti virum leones
 Intactumque dei tremunt alumnus.

v. 22. Flagrat. Alii Codd. non minus antiqui: fragrat, quod indicio est utrumque Veteres usurpasse.

v. 37. Præcluens. Clara, pollens.

Adstant comminus et júbæ reponunt
 Mansvescit rabies, fameqve blanda 50.
 Prædam rictibus ambit incruentis;
 Sed quum tenderet ad superna palmas,
 Expertumqve sibi deum rogaret,
 Clausus jugiter indigensqve victu,
 Jussus nuntius advolare terris 55.
 Qvi pastum famulo daret probato,
 Raptim desilit obsequente mundo;
 Cernit forte procul dapes inemptas,
 Qvas messoribus Habacuc propheta
 Agresti bonus exhibebat arte. 60.
 Hujus cæsarie manu prehensa
 Plenis, sicut erat, gravem canistris
 Suspensum rapit et vehit per auras.
 Tum raptus simul ipse prandiumqve
 Sensim labitur in lucum leonum, 65.
 Et quas tunc epulas gerebat, offert.
 Sumas lætus, ait libensqve carpas,
 Quæ summus Pater, angelusqve Christi
 Mittunt liba tibi sub hoc periclo.
 His sumtis Danielus excitavit 70.
 In cælum faciem, ciboqve fortis
 Amen reddidit, alleluja dixit.
 Sic nos muneribus tuis refecti,
 Largitor deus omnium bonorum,
 Grates reddimus, et sacramus hymnos. 75.
 Tu nos tristifico velut tyranno,
 Mundi scilicet impotentis actu

v. 57. Obsequente mundo. Liberam præbens viam.

v. 59. Habacuc. Heins. prætulit Abacum, quod in plerisque
 Græcæ versionis Edd. vox desinat in M. *Αμβακουμ*.

Conclusos, regis et feram repellis;

Qvæ circumfremit, ac vorare tentat,

Insanos acuens furore dentes;

80.

Cur te summe deus precemur unum:

Vexamur, premimur, malis rotamur;

Oderunt, lacerant, trahunt, lacesunt;

Juncta est supplicis fides iniquis

Nec defit tamen anxiis medela,

85.

Nam langvente truci leonis ira,

Inlapsæ superingeruntur escæ.

Qvas si quis sitienter hauriendo,

Non gustu tenui, sed ore pleno,

Internis velit implicare venis.

90.

Hic sancto satiatus ex propheta,

Justorum capiet cibos viroꝝ,

Qvi fructum domino metunt perenni.

Nil est dulcius ac magis saporum,

Nil quod plus hominem juvare possit,

95.

Qvam vatis pia præcipientis orsa.

His sumtis licet insolens potestas

Pravum judicet, inrogetque mortem:

Impasti licet irruant leones.

Nos semper dominum patrem fatentes

100.

In te Christe Deus, loqvemur unum,

Constanterque tuam crucem feremus.

V.

Hymnus ad incensum lucernæ*).

In hoc hymno, qvi in principio noctis, qvum lumina accenduntur, cantari debet, ignis ac luminis

v. 96. Pia orsa. Verba divina.

*) Ad incensum lucernæ. Ita Vaticani probatiores. Editi plerique. Ad incensum Cerei Paschalis; priorem autem

laudes altius repetiturus in latissimum narrationis campum suo more abripitur poeta, quæ pleraque omnia, quæ Judæis Ægypto eductis portentose accidebant, breviter complexus ac mystica, ut solet, expositione concludens, instituta luminum encomia prosequitur usque ad fidem.

Vers. Choriambic. tetrametr. acatalect.

Inventor rutili dux bone luminis,
Qvi certis vicibus tempora dividis,
Merso sole chaos ingruit horridum,
Lucem redde tuis, Christe fidelibus.

Quamvis innumero sidere regiam,
Lunarique polum lampade pinxeris,
Incussu silicis lumina nos tamen
Monstras saxigeno semine quærere.

Ne nesciret homo spem sibi luminis
In Christi solido corpore conditam,

5

10

titulum præferunt Weitz. Heins. Cellar etc. et merito, nam præter Mss. Codd. auctoritatem id certe svadet hujus libri Cathemerinon ordo, ut quintus hic hymnus intelligendus sit de vespers, in quibus solemni more in dies accendi lucernas Prudentii ævo mos erat.

- v. 9. Ante hunc versum in Edit. Fabricii et Sichardi inserti reperiuntur alii quatuor versus, quos, cum probatoris fidei Codd. non habeant, exulare jussit Heinsius. Hi autem tales erant:

Hoc signas opere conditor inclyte
Lumen veridicum mentibus omnium
In Christo domino quærere jugiter

Qvem petram loquitur doctor egregius.

Sane, si hoc Tetrastichon conferas cum vulgato, quod a. v. 9 videbis ad sensum quod attinet, prorsus convenire. Fieri itaque potuit, ut Prudentius in prima sui Operis evulgatione ita scripserit, ac postea emendaverit, ut habent membranæ præstantiores.

Qui dici stabilem se voluit petram,
 Nostris igniculis unde genus venit.

Pingvis quos dei rore madentibus
 Lychnis aut facibus pascimus aridis:
 Qvin et fila favis scirpea floreis 15.
 Presso melle prius conlita fingimus.

Vivax flamma viget, ceu cava testula
 Succum linteolo suggerit ebrio,
 Seu pinus piceam fert alimoniam
 Seu ceram teretem stuppa calens bibit. 20.

Nectar de liquido vertice fervidum
 Guttatim lacrimis stillat olentibus,
 Ambustum quoniam vis facit ignea
 Imbrem de madido flere cacumine.

Splendent ergo tuis muneribus, Pater, 25.
 Flammis mobilibus scilicet atria.

Absentemque diem lux agit æmula,
 Qvam nox cum lacero victa fugit peplo.

Sed quis non rapidi luminis arduam
 Manantemque deo cernat originem? 30.
 Moses nempe deum spinifera in rubo
 Videt conspicuo lumine flammæum.

Felix qui meruit sentibus in sacris
 Cælestis solii visere principem,
 Jussus nexa pedum vincula solvere, 35.
 Ne sanctum involucris polluteret locum.

Hunc ignem populus sanguinis incliti.
 Majorum meritis tutus et impotens,

v. 18. Ebrio, madefacto deo.

v. 36. Involucris. Calceamentis. Penultima contra legem correpta.

Svetus sub dominis vivere barbaris,
Jam liber sequitur longa per avia. 40.

Qva gressum tulerant, castraque cærulæ
Noctis per medium consita moverant,
Plebem pervigilem fulgure prævio
Ducebat radius sole micantior.

Sed rex Niliaci litoris, invido 45.
Fervens felle, jubet prævalidam manum
In bellum rapidis ire cohortibus,
Ferratasque acies clangere classicum.

Sumunt arma viri, seqve minacibus
Accingunt gladiis: triste canit tuba, 50.
Hic fudit jaculis, ille volantia
Præfigit calamis spicula Gnosii.

Densatur cuneis turba pedestribus,
Currus pars, et eqvos et volucres rotas
Conscendunt celeres, signaque bellica 55.
Prætendunt tumidis clara draconibus.

- v. 52. Calamis Gnosii. Gnossos et Gnoses Straboni urbs Cretæ, in numis et marmoribus ΚΝΩΣΙΟΙ Conf. Chishullum, Chandlerum et Echel. Doctr. Numor Veterum II. p. 308. Gnosius autem calamus sagittis apertissimus, et cretenses nociles erant sagittarii. Horat. Od. 1 libr. 1.

Nequiquam calami spicula Gnosii vitabis.

- v. 56. Clara tumidis draconibus. Forte Ægyptiorum vexilla ut Persarum et Romanorum saltem posterioribus temporibus dracones pictos et intextos habebant; vel potius loquitur Prudentius Romano more, quo dracones ipsa etiam vexilla dicebantur. Vegetius lib. 11. c. 15. Dracones per singulas cohortes a draconariis feruntur ad prælium. Ejusmodi draconum vexilla tum primum coepisse deferri apud Romanos tradunt postquam Trajanus Dacos devicit, qui signis ejusmodi utebantur in bellis.

Hic jam servitii nescia pristini

Gens Pelusiæcæ usta vaporibus,

Tandem pupurei gurgitis hospita

Rubris litoribus fessa resederat.

60.

Hostis dirus adest cum duce perfido,

Infert et validis prælia viribus,

Moses porro suos in mare præcipit

Constans intrepidus tendere gressibus

Præbent rupta locum stagna viantibus

65.

Riparum in faciem pervia, sistitur

Circumstans vitreis unda liquoribus,

Dum plebs sub bifido permeat æqvore;

Pubes quin etiam decolor asperis

Inritata odiis, rege sub impio,

70.

Hebræum sitiens fundere sanguinem,

Audet se pelago credere concavo;

Ibant præcipiti turbine percita

Fluctus per medios agmina regia

Sed confussa dehinc unda revolvitur

75.

In sermet revolans gurgite confluo.

Currus tunc, et æquos telaque naufragia,

Ipsos et proceres, et vaga corpora

Nigrorum videas nare satellitum,

Arcis justitium triste tyrannicæ.

80.

Quæ tandem poterit lingua retexere

Laudes, Christe, tuas? qui domitam Pharon

v. 58. Pelusiæcæ. Ægyptiis. Nam Pelusium Ægypti urbs est Orientali. Nili ostio apposita.

v. 76. Confluo. Vat. duo. refluo.

v. 80. Justitium. Unius Vat. Cod. Glossator. justitium proprie est juris statio, ponitur autem pro luctu.

Plagis multimodis cedere præsuli
Cogis justitiæ, vindice dextera.

Qvi pontum rapidis æstibus invia
Persultare vetas, ut refluxo in salo
Securus pateat, te duce, transitus,
Et mox unda rapax, ut voret impios. 85

Cui jejuna eremi saxa loqvacibus
Exundant scatebris, et latices novos 90
Fundit scissa silex, quæ sitientibus
Dat potum populis axe sub igneo.

Instar fellis aqua tristifico in lacu
Fit ligni venia mel velut Atticum;
Lignum est, quo sapiunt, aspera dulcius, 95
Nam præfixa cruci spes hominum viget.

Implet castra cibus tunc quoque ningvidus
Inlabens gelida grandine densius,
His mensas epulis, hac dape construunt,
Quam dat sidereo Christus ab æthere. 100

Nec non imbrifero ventus anhelitu
Crassa nube leves invehit alites,
Quæ difflata in humum quum semel agmina
Fluxerunt reduci non revolant fuga.

Hæc olim patribus præmia contulit 105
Insignis pietas Numinis unici,
Cujus subsidio nos quoque vescimur,
Pascentes dapibus pectora mysticis.

Fessos ille vocat per freta sæculi
Discissis populum turbinebus regens; 110

v. 83. Præsuli justitiæ. Moysi.

v. 89. Eremi. Syllaba media contra legem correpta.

Jactatasq̃ animas mille laboribus
Justorur̃ in patriam scandere præcipit.

Illic purpureis tecta rosariis
Cunis fragrat humus, Calthaq̃ pingvia
Et molles violas, et tenues crocos 115.
Fundit fonticulis uda fugacibus.

Illic et gracili balsama surculo
Desudata fluunt, raraq̃ cinnama
Spirant et folium, fonte q̃vō abdito
Præambens fluvius portat in exitum. 120.

Felices animæ prata per herbida
Concentu parili. svave sonantibus
Hymnorum modulis dulce canunt melos,
Calcant et pedibus lilia candidis.

Sunt et spiritibus sæpe nocentibus 125.
Poenarum celebres sub styge feriæ
Illa nocte, sacer q̃vā rediit deus
Stagnis ad superos ex Acheronticis:

v. 114. Caltha. Virg. Bucol. 2, 50. Mollia luteola pingit
vaccinia caltha. Caltha est buphthalmos, cujus lu-
teus est flos, crocei coloris, Dan. Morgenfroe, Kabe-
leie, germanic. Ringelblume. Neminem veterum hoc
vocabulum neutro genere declinasse observavit Cha-
millardus.

v. 116. Uda. Refer ad humum. Edd. Gisellini, Veitzi etc.
habent: unda, q̃vā lectionem non prorsus improbandam
q̃vōq̃ exhibent Vatican. Godd. bene multi.

v. 123. Sunt et spiritibus etc. Hæc Giselinus poeticæ licen-
tiæ tribuit; Joseph. Binghamus serio atq̃ve ex animo
poetam dixisse contendit. Fuerunt sane Augustini
ætate Christiani, q̃vī in hac erant opinione, ut ma-
nente sine fine morte perpetua damnatorum, aliqua
relevatio vel intermissio fieret dolorum atq̃ve poenarum.

Non sicut tenebras de face fulgida
Surgens oceano Lucifer imbuit, 130.

Sed terris Domini de cruce tristibus

Major sole novum restituens diem

Marcent suppliciis Tartara mitibus

Exsultatque sui carceris otio

Umbrarum populus liber ab ignibus, 135.

Nec fervent solito flumina sulphure.

Nos festis trahimus per pia gaudia

Noctem conciliis, votaque prospera

Certatim vigili congerimus prece,

Exstructoque agimus liba sacrario. 140.

Pendent mobilibus lumina funibus,

Qvæ suffixia micant per laquearia,

Et de languidulis fota natatibus

Lucem perspicuo flamma jacet vitro

Credas stelligeram desuper aream 145.

Ornatam geminis stare trionibus,

Et qva Bosporeum temo regit jugum

Passim purpureos spargier Hesperos.

O res digna, pater, quam tibi roscidæ

Noctis principio, grex tuus offerat, 150.

Lucem qva tribuis nil pretiosius

Lucem, qva reliqua præmia cernimus.

v. 138. Noctem. Paschæ resurrectionis Christi.

v. 140. Exstructoque agimus liba sacrario. Sacrificium offerimus Eucharisticum.

v. 146. Geminis Trionibus. Ursa major et minor, quarum stellæ, quum plaustrum et boves junctos referant, ideo subdit: temo regit jugum Bosporeum, sic gr. sine aspiratione, a Bóspero Cimmerico.

v. 151 Lucem pro lux. Ellenismus.

Tu lux vera oculis, lux quoque sensibus,
 Intus tu speculum, tu speculum foris
 Lumen, quod famulans offero suscipe, 155.
 Tinctum pacifici chrismatis ungvine.

Per Christum genitum, summe Pater, tuum,
 In quo visibilis stat tibi gloria,
 Qui noster dominus, qui tuus unicus
 Spirat de patrio corde Paraclitum, 160.

Per quem splendor, honos, laus, sapientia,
 Majestas bonitas, et pietas tua
 Regnum continuet numine triplici,
 Texens perpetuis sæcula sæculis.

VL

Hymnus ante somnum.

Quum in somno, qui hominibus a Deo datus est ad
 reparandas corporis et animi vires, multa contingant
 partim bonesta, partim turpia, petit in hoc hymno pius
 poeta, ut placidam quietem Deus sibi largiatur, terrores
 somniorum depellat, ac somnia salutaria immittat,
 qualia viris sanctis facta sunt.

Vers. Iambic. dimetr. catalect.

Adeas Pater supreme,
 Quem nemo vidit unquam,
 Patrisque sermo Christe,
 Et Spiritus benigne.

v. 156. Pacifici chrismatis ungvine. Oleo ex olivis expresso,
 quæ insigne pacis sunt.

v. 163. Numine. Vat. duo. nomine.

O Trinitatis hujus	5.
Vis una, lumen unum,	
Deus ex Deo perennis.	
Deus ex utroque missus.	
Fluxit labor diei,	
Redit et quietis hora,	10.
Blandus sopor vicissim	
Fessos relaxat artus.	
Mens æstuans procellis,	
Curisque sauciata	
Totius bibit medullis	15.
Obliviale poculum.	
Serpit per omne corpus	
Lethæa vis, nec ullum	
Miseris doloris ægri	
Patitur manere sensum.	20.
Lex hæc data est caducis	
Deo jubente membris,	
Ut temperet laborem	
Medicabilis voluptas.	
Sed dum pererrat omnes	25.
Qvies amica venas	
Pectusque feriatum	
Placat rigante somno,	
Liber vagat per auras	
Rapido vigore sensus,	30.
Variasque per figuras,	
Quæ sunt operta cernit.	

v. 22. Deo jubente. Vat. unus. Deo donante.

v. 29. Vagat. Sic præstantiores Codd. Vaticani et Heinsiani.

Al. vagas, adjectiv.

Quia mens soluta curis,
 Cui est origo cælum
 Purusque fons ab æthra
 Iners jacere nescit.

35-

Imitata multiformes
 Facies sibi ipsa fingit,
 Per quas repente currens
 Tenui fruatur actu.

40.

Sed sensa somniantum
 Dispar fatigat horror,
 Nunc splendor intererrat,
 Qvi dat futura nosse;

Plerumque dissipatis
 Mendax imago veris
 Animos pavore mæstos
 Ambage fallit atra.

45.

Qvem rara culpa morum
 Non polluit frequenter,
 Hunc lex serena vibrans
 Res edocet latentes.

50.

At qvi coinquinatum
 Vitiis cor impiavit
 Lusus pavore multo
 Species vidit tremendas.

55.

Hoc patriarcha noster
 Sub carceris catena
 Geminis simul ministris
 Interpres adprobavit,

60.

Qvorum regressus unus
 Dat proculum tyranno
 Ast alterum rapaces
 Fixum vorant volucres.

Ipsum dei	adē regem	65.
Perplexa sor	niantem,	
Monuit fan	em futuram	
Clausis cō	ere acervis.	
Mox	præsul, ac tetrarches	
Regnur	per omne jussus	70.
Socian	tenere virgam	
Dor	hæ resedit aulæ.	
O	quam profunda justis	
Ar	sana per soporem	
Aper	it tuenda Christus?	75.
Qvar	a clara? quam tacenda?	
E	vangelista summi.	
Fidis	imus magistri,	
Signa	qva latebant	
Nebi	lis vidit remotis.	80.
Ipsum	Tonantis agnum	
De	cæde purpurantem,	
Qvi	conscium futuri	
Lib	rum resignat unus.	
Hujus	manum potentem	85.
G	adius perarmat anceps,	
r	fulgurans utrimque	
Duplicem	minatur ictum.	
Qvæsitor	ille solus	
Animæque	corporisque	90.

v. 77. Evangelista. Iohannes. Qvod autem ea viderit in somnis, licentia poetis usitata accipias dictum, uti et infra gladius utraqve parte acutus in manu ponitur, in Apocal. vero in ore ejus, qui loquebatur.

Ensisque bis timendus

Prima ac secunda mors es.

Idem tamen benignus

Ultor retundit iram,

Paucosque non piorum

95

Patitur perire in ævum.

Huic inclytus perenne

Tribuit Pater tribunal,

Hunc obtinere jussit

Nomen supra omne nomen.

100.

Hic præpotens cruenti

Exstinctor antichristi

Qvi de furente monstro

Pulchrum refert tropæum.

Qvam bestiam capacem

105.

Populosque devorantem

Qvam sanguinis Charybdin

Joannis exsecratur.

Hæc nempe, quæ sacratum

Præferre nomen ausa

110.

Imam petit gehennam

Christo perempta vero.

v. 92. Prima ac secunda mors. Illa est animæ reproborum statim post egressum e corpore in gehenna damnatio; hæc iterata et completa post universale judicium ejusdem animæ una cum corpore inferni poenis afflictio.

v. 108. Joannis. Recto casu. Adscirrit hanc lectionem Hein-
sius, quam in Puteano Cod. viderat, ut metro, inquit,
consulatur. Sed quid prohibet, ut Joanne legatur ul-
tima correpta? Vatic. quinque fidei probatis, Joannes.

v. 108. Hæc nempe. Editiones quædam: hanc nempe, jungendo
cum præcedentibus. Utrumque in Mss. reperitur; pla-
nior hæc nostra.

Tali sôpore justus.
Mentem relaxat heros,
Ut spiritu sagaci

115.

Cælum peragret omne.

Nos nil meremur horum

Qvos creber implet error,

Concreta qvos malarum

Vitiat cupido rerum.

120.

Sat est quiete dulci

Fessum fovere corpus;

Sat si nihil sinistrum

Vanæ minentur umbræ.

Cultor dei memento

125.

Te fontis et lavacri

Rorem subisse sanctum,

Te Chrismate innovatum.

Fac quum vocante somno

Castum petis cubile,

130.

Frontem locumque cordis

Crucis figura signet.

Crux pellit omne crimen,

Fugiant crucem tenebræ;

Tali dicata signo

135.

Mens fluctuare nescit.

v. 128. Innovatum. Vat. duo: innotatum.

v. 132. Crucis figura. A primis ecclesiæ temporibus consuevisse Fideles sacro crucis signo se ipsos frequenter munire testantur Justin. Tertull. Cyprian., aliique.

v. 133. Crux pellit omne crimen. Id est Christus, cruci adfixus. Signum pro re signata. Forte etiam de crucis signo intelligendum, deque ejus in dæmones potestate.

Procul, o procul vagantum.

Portenta somniorum,

Procul esto pervicaci

Præstigiator actu.

140.

O tortuose serpens,

Qvi mille per Meandros

Fraudesque flexuosas

Agitas quieta corda.

Discede, Christus hic est,

145.

Hic Christus est, liquesce,

Signum, quod ipse nosti,

Damnat tuam catervam.

Corpus licet fatiscens

Jaceat recline paullum,

150.

Christum tamen sub ipso

Meditabimur sopore.

v. 140. Præstigiator. Monuit Heins. in Addend. p. 956 se in Egmond: ac duobus Weitz. Cod. legisse præstigiator, et quum præstigiator monente Isidoro lib. 8 c. 9 inde dicatur, quod celeritate manum præstringat oculos, ita, ut miracula fieri videantur, probabile admodum est veteris scripsisse præstigiator, sed quum vox ita prolata *κακόφωνη* esset, omissum deinceps alterum R. ob sonum svaviorem. Actu. Ita Membranæ. Giselin. et Weitz. astu,

v. 142. Per Meandros mille. Per multiplices flexus et dolos. Est autem Meandrus Cariæ fluvius, qui miris flexibus, iisque retro sæpe curvatis labitur, unde vafra et obliqua consilia Meandra dicuntur.

v. 146. Liquesce: evanesce.

v. 150. Recline. Ita libri omnes tam mss. quam impressi.

VII.

Hymnus Jejunantium*).

Facta invocatione jejunii laudes ingreditur, illustriora ex utroque Testamento abstinentiæ exempla profert, ad eamque omnes adhortatur, quam cum elemosina conjungendam esse docet.

Vers. Jambic. Senar.

O Nazarene, lux Bethlem, verbum Patris,
 Quem partus alvi virginalis protulit,
 Adesto castis, Christe, parsimoniis
 Festumque nostrum rex serenus adspice,
 Jejuniorum dum litamus victimam.

5.

- *) Jejunantium.. Præter Quadragesimale jejunium, quod erat omnium maximum ac celeberrimum frequens apud veteres occurrit mentio de jejunio quartæ et sextæ Feriæ, quod Statio appellabatur de jejunio Sabbati, Quatuor temporum, Adventus Rogationum, præcipuarum Vigiliarum. Ad rem quod h. l. attinet, Prudentius de jejunio quartæ et sextæ Feriæ respicere videtur, nam loquitur de jejunio quod frequenter adeo recurrebat, ut hymno, in ejus laudem composito inter hymnos quotidianos locum dandum esse censuerit. Præterea fiebat hoc jejunium hora nona ex Hymn. 8 v. 9. quod competit jejunio quartæ et sextæ Feriæ ad differentiam jejunii Quadragesimalis, ac quarundam Vigiliarum, quod communiter ad Vesperam usque durabat. Accedit tandem, quod jejunium de quo sermo est juxta multorum opinionem; lege sanctum non erat, sed in arbitrio fidelium positum, saltem quoad modum, et hujusmodi jejunium certe innuit Prudentius, Hymn. seqv. v. 65.

- v. 1. Lux Bethlem. Sic vetustiores Codd. apud Weitz. et Heins., ex Vatic. unus tantum habet: dux, quod Editiones nonnullas occupavit, Bethlem, prior syllaba contra legem correpta.

Nil hoc profecto purius mysterio,
 Qvo fibra cordis expiatur lividi,
 Intemperata qvo domantur viscera,
 Arvina putrem ne resudans crapulam
 Obstrangulatæ mentis ingenium premat. 10.

Hinc subjugatur luxus et turpis gula,
 Vini atque somni degener socordia,
 Libido sordens, inverecundus lepos,
 Variæque pestes langvidorum sensuum
 Parcam subactæ disciplinam sentiunt. 15.

Nam si licenter diffluens potu et cibo
 Jejuna rite membra non coerceas,
 Sequitur, frequenti marcida oblectamine
 Scintilla mentis ut tepescat nobilis,
 Animusque pigris stertat in præcordiis. 20.

Fruentur ergo corporum cupidines,
 Deversa et intus emicet prudentia,
 Sic excitato perspicax acumine,
 Liberque flatu laxiore spiritus
 Rerum parentem rectius precabitur. 25.

Helia tali crevit observantia,
 Vetus sacerdos, rnr̃is hospes ar̃idi,
 Fragore ab omni quem remotum et-segregem
 Sprevisse tradunt criminum frequentiam,
 Casto fruentem Syrtium silentio. 30.

Sed mox in auras igneis jugalibus,
 Curruque raptus evolavit præpete,
 Ne de propinquo sordium contagio
 Dirus quietum mundus adflaret virum,
 Olim probatis inclitum jejuniis. 35.

Non ante cæli principem septemplicia
 Moses tremendi fidus interpret throni
 Potuit videre quam decem recursibus
 Quater volutis sol peragrans sidera
 Omni carentem cerneret substantia.

40.

Victus precanti solus in lacrimis fuit,
 Nam flendo pernox inrigatum pulverem
 Humi madentis ore pressit cernuo
 Donec loquentis voce præstrictus dei
 Expavit ignem non ferendum visibus.

45.

Joannis hujus artis haud minus potens
 Dei perennis præcucurrit filium
 Curvos viarum qui retorsit tramites,
 Et flexuosa corrigens dispendia,
 Dedit seqvendam calle recto lineam.

50.

Hanc obsequelam præparabat nuntius,
 Mox adfuturo construens iter deo,
 Clivosa planis, confragosa ut lenibus
 Converterentur, neve quidquam devium
 Inlapsa terris inveniret veritas.

55.

Non usitatis ortus hic natalibus,
 Oblita lactis jam vieto in pectore
 Matris tetendit serus infans ubera,
 Nec ante partu de senili effusus est,
 Quam prædicaret virginem plenam deo.

60.

Post in patentes ille solitudines,
 Amictus hirtis bestiarum pellibus,
 Setisve tectus, hispida et lanugine,
 Secessit, horrens inquinari et pollui
 Contaminatis oppidorum moribus.

65.

v. 40. Substantia. Cibo, alimento.

v. 44. Præstrictus. Ita Mss. Codd.; excusi: perstrictus.

Illic dicata parcus abstinentia
 Potum cibumque vir severæ industriæ
 In usque serum respuebat vesperum
 Rarum locustis et favorum agrestium
 Liqore pastum corpori sventus dare.

70.

Hortator ille primus, et doctor novæ
 Fuit salutis, nam sacrato in flumine
 Veterum piatas lavit errorum notas;
 Sed tincta postquam membra defoecaverat,
 Cælo refulgens infuebat spiritus

75.

Hoc ex lavacro labe dempta criminum,
 Ibant renati non secus quam si rudis
 Auri recocta vena pulchrum splendeat,
 Micet metalli sive lux argentei,
 Sudum polito prænitens purgamina.

80.

Referre præsci stemma nunc jejunii
 Libet, fideli proditum volumine,
 Ut diruendæ civitatis incolis
 Fulmen benigni mansvefactum Patris
 Pie repressis ignibus pepercerit.

85.

Gens insolenti præpotens jactantia
 Pollebat olim, quam fluentem neqviter
 Corrupta vulgo solverat lascivia,
 Et inde bruto contumax fastidio
 Cultam superni negligebat numinis.

90.

v. 69. Rarum pastum. Ita Hejns. ex Cod. Puteano; in aliis: parum, quod et Aldus expressit, Gisselinus. Weitzius aliiqve: parvum est omnium pene Vatican.

v. 81. Stemma. *Στεμμα* proprie est corona, hic autem poni videtur pro illustri exemplo.

v. 82. Fideli volumine. Libro Jonæ.

v. 84. Hic versus syllaba caret.

Offensa tandem jugis indulgentiæ
 Censura justis excitatur motibus,
 Dextram perarmat rompheali incendio,
 Nimbos crepantes et fragosos turbines
 Vibrans, tonantem nube flammaram quatit. 95.

Sed poenitendi dum datur diecula,
 Si forte vellent improbam libidinem
 Veteresque nugas condomare ac frangere,
 Suspendit ictum terror exorabilis,
 Paullumque dicta substitit sententia. 100.

Jonam prophetam mitis ultor excitat,
 Poenæ imminentis iret ut prænuntius,
 Sed nosset ille quum minacem judicem
 Servare malle, quam ferire ac plectere,
 Tectam latenter vertit in Tharsos fugam. 105.

Celsam paratis pontibus scandit ratem,
 Udo revincta fune puppis solvitur,
 Itur per altum, fit procellosum mare,
 Tum causa tanti quæritur, periculi,
 Sors in fugacem missa vatem decedit. 110.

Jussus perire solus e cunctis reus,
 Cujus voluta crimen urna expresserat,
 Præceps rotatur et profundo immergitur
 Exceptus inde belluinis faucibus
 Alvi capacis vivus hauritur specu 115.

Transmissa raptim præda cassos dentium
 Eludit ictus, incruentam trans volans
 Impune lingvam, ne retentam mordicus

v. 96. Diecula. Secundum LXX. hi enim perbreve temporis
 spatium conversioni Ninivitarum assignant, tres videli-
 cet dies tantum. Hebræus autem et Vulgat: quadra-
 inta.

Offam molares dissecarent uvidi;
Os omne transit, et palatum præterit. 120.

Ternis dierum ac noctium processibus
Mansit ferino devoratus gutture
Errabat illic per latebras viscerum
Ventris Meandros circuibat tortiles
Anhelus, extis intus æstuantibus. 125.

Intactus exin tertia noctis vice
Monstri vomentis pellitur singultibus,
Qva murmuranti fine fluctus frangitur,
Salsosque candens spuma tundit pumices,
Ructatus exit, seqve servatum stupet. 130.

In Ninivitas se coactus percito
Gressu reflectit, quos ut increpaverat,
Pudenda censor imputans opprobria,
Impendet, inquit, ira summi vindicis,
Urbemque flamma mox cremabit, credite. 135.

Apicem deinde ardui montis petit,
Visurus inde conglobatum turbidæ
Fumum ruinæ, cladis et diræ struem
Tectus flagellis multimodi germinis,
Nato et repente perfruens umbraculo. 140.

Sed mæsta postquam civitas vulnus novi
Haurit doloris, heu supremum palpitat,
Cursant per ampla congregatim moenia
Plebs et senatus, omnis ætas civium,
Pallens juvenus, ejulantes fæminæ. 145.

Placet frementem publicis jejuniis
Placare Christum, mos edendi spernitur,
Glaucos, amicitus induit monilibus,

v. 154. Vindicis. Duo Vat. Judicis.

v. 159. Flagellis. Surculis arborum.

Matrona demtis, oqve gemma et serico

Crinem fluentem sordidus spargit cinis. 150.

Sqvalent recincta veste pullati patres,

Setasqve plangens turba sumit textiles,

Inpexa villis virgo bestialibus

Nigrante vultum contegit velamine,

Jacens arenis et puer provolvitur. 155.

Rex ipse Coos ætuantem murices

Lænam revulsa dissipabat fibula,

Gemmas virentes et lapillos sutiles,

Insigne frontis exuebat viuculum,

Tarpi capillos impeditus pulvere. 160.

Nullus bibendi, nemo vescendi memor,

Jejuna mensas pubis omnis liquerat,

Qvin et negato lacte vagientium

Fletu madescent parvulorum cunulæ,

Succum papillæ parca nutrix derogat. 165.

Greges et ipsos claudis armentalium

Sollers virorum cura, ne vagum pecus

Contingat ore rorulenta gramina,

Potum strépentis neve fontis hauriat;

Vacuis qverelæ personant præsepibus. 170.

v. 156. Lænam ætuantem murices Coos. Purpuram, quæ imitatur flagrantem ignem, quæqve in insula Co Ægæi maris texta et tincta est.

v. 162. Jejuna pubis. Primo casu. Ita Heins. ex Puteano et Torrentianis duobus. qui etiam alibi monet apud Prudentium hujuscemodi vocabula, quæ in es quoque finiri possunt in is frequenter terminari in Codd vetustioribus. Vaticanorum major pars pubes habeat, uti etiam Weitz. Utroque modo veteres, teste Prisciano lib. 6. pag. 707 declinabant, ac Prudentius ipse supr. Hymn. 5 v. 69 pubes.

v. 165. Derogat. Sic es Mss., in impressis, denegat.

Mollitus his et talibus brevem deus
 Iram refrenat, temperans oraculum
 Prosper sinistram, prona nam clementia
 Haud difficulter supplicem mortalium
 Solvit reatum, fitque fauoris flentium. 175.

Sed cur vetustæ gentis exemplum loquor?
 Pridem caducis ærum gravatus artibus
 Jesus dicato corde jejunaverit
 Prænuncupatus ore qui prophetico
 Emanuel est, sive nobiscum deus. 180.

Qui corpus istud molle naturaliter,
 Captumque laxo sub voluptatum iugo,
 Virtutis arcta lege fecit liberum
 Emancipator servientis plasmatis,
 Regnantis ante victor et cupidinis. 185.

Inhospitali namque secretus loco
 Quinis diebus octies labentibus
 Nullam ciborum vindicavit gratiam,
 Firmans salubri scilicet jejunio
 Vas adpetendis imbecillum gaudiis. 190.

Miratus hostis posse limum tabidum
 Tantum laboris sustinere ac perpèti,
 Explorat arte sciscitator callida
 Deusne membris sit receptus terreis,
 Sed increpata fraude, post tergum ruit. 195.

Hoc nos sequamur, quisque nunc pro viribus,
 Quod consecrati tu Magister dogmatis
 Tuis dedisti, Christe, sectatoribus,
 Ut quum vorandi vicerint libidinem,
 Late triumphet imperator spiritus. 200.

Hoc est quod atri livor hostis invidet,
 Mundi polique quod gubernator probat.

Altaris aram quod facit placabilem,
 Quod dormientis excitat cordis fidem,
 Quod limat ægram pectoris rubiginem. 205.

Perfusa non sic amne flamma extinguitur
 Nec sic calente sole tabescunt nives,
 Ut turbidarum scabra culparum seges
 Vanescit almo trita sub jejunio
 Si blanda semper misceatur largitas. 210.

Est quippe et illud grande virtutis genus,
 Operire nudos, indigentes pascere,
 Opem benignam ferre supplicantibus:
 Unam paremque sortis humanæ vicem
 Inter potentes utque egenos ducere. 215.

Satis beatus quisque dextram porrigit
 Laudis rapacem, prodigam pecuniæ,
 Cujus sinistra dulce factum nesciat:
 Illum perennes protinus complent opes,
 Ditatque fructus foenerantem centuplex. 220.

VIII.

Hymnus post jejunium.

Dei erga nos indulgentiam commendat, qui contentus levi obsequio, quod illi per abstinentiam exhibemus, permittat, ut largiore cibo jejuniasolvamus, quem salubrem animæ corporique precatur.

Vers. Sapphic.

Christe, servorum regimen tuorum
 Mollibus qui nos moderans habenis
 Leniter frenas, faciliqve septos
 Lege coerces.

Ipse quæ portans onus impeditum
 Corporis, tuleris labores,
 Major exemplis; famulos remisso

Dogmate palpas.

Nona submissum rotat hora solem,
 Partibus vixdum tribus evolutis,
 Quarta devexo superest in axe

10.

Portio lucis.

Nos brevis voti dape vindicata
 Solvimus festum, fruimurque mensis
 Adfatim plenis, quibus imbuatur

15.

Prona voluptas.

Tantus æterni favor est magistri:
 Doctor indulgens ita nos amico
 Lactat hortatu; levis obsequela, ut

Mulceat artus.

20.

Addit et ne quis velit invenusto
 Sordibus cultu, lacerare frontem;
 Sed decus vultus capitisque pexum

Comat honorem.

Terge jejunans, ait, omne corpus
 Neve subducto faciem rubore
 Luteus tinguat color, aut pôtetur

25.

Pallor in ore,

Rectius læto tegimus pudore
 Quidquid ad cultum Patris exhibemus,
 Cernit occultum deus et latentem

30.

Munere donat.

Ille ovam morbo residem; gregique
 Perditam sano, male dissipantem

Vellus adfixis vepribus per hirtæ, 35.

Devia silvæ,

Impiger pastor revocat, lupisque

Gestat exclusis humeros gravatus:

Inde purgatam revehens aprico

Reddit ovili. 40.

Reddit et pratis, viridique campo;

Vibrat inpexis ubi nulla lappis

Spina nec germen sudibus perarmat

Carduus horrens.

Sed frequens palmis nemus et, reflexa 45.

Vernat herbarum coma; tum perennis

Gurgitem vivis vitreum fluentis

Laurus obumbrat.

Hisce pro donis tibi, fide pastor,

Servitus quænam poterit rependi? 50.

Nulla compensant pretium salutis

Vota precantium.

Quamlibet spreto sine more pastu

Sponte confectos tenuemus artus,

Teque contemptis epulis rogemus 55.

Nocte dieque.

Vincitur semper minor obsequentum

Cura nec munus Genitoris æquat:

Frangit et cratem luteam laboris

Grandior usus. 60.

Ergo ne limum fragilem solutæ

Deserant vires et agrosus albis

Humor in venis dominetur, ægrum

Corpus enervans.

Laxus ac liber modus abstinendi 65.

Ponitur cunctis, neque nos severus

Terror impellit; sua quemque cogit

Velle potestas.

Sufficit, quidquid facias, vocato

Numinis nutu prius inchoare,

70.

Sive tu mensam renoves cibumve

Sumere temptes.

Adnuit dexter Deus et secundo

Prosperat vultu; velut hoc salubre

Fidimus nobis fore, quod dicatas

75.

Carpimus escas.

Sit bonum, supplex precor, et medellam

Conferat membris, animamque pascat

Sparsus in venas cibus obsecrantum

Christicolarum.

80.

IX.

Hymnus omnis Horæ.

Hymnus est in laudem Christi, cujus duplicem tradit nativitatem, æternam et temporalem, miracula quædam commemorat, ac præcipua vitæ ejus gesta recenset et celebranda proponit.

Vers. Trochaic. octonar:

Da puer plectrum, choreis ut canam fidelibus

Dulce carmen et melodum gesta Christi insignia,

Hunc Camoena nostra solum pangat, hunc laudet lyra.

v. 71, Mensam renoves, cibumve sumere temptes. Sic lego cum Weitz, ac Vaticano uno sane antiquissimo; idemque Poetæ mens requirere mihi videtur, qui vult liberum esse cuique cibus uti, vel ab iis abstinere, quem sensum certe non habes in Heinsii lectione, quæ hujusmodi est: Sive tu mensam renuas, cibumve sumere temptes.

Christus est, quem rex sacerdos adfuturum protinus
 Infulatus concinebat voce, chorda et tympano, 5
 Spiritum cæl influentem per medullas hauriens.

Facta nosset jam probata pangimus miracula,
 Testis orbis est, nec ipsa terra, quod vidit, negat,
 Comminus Deum decendis proditum mortalibus.

Corde fons ex parentis ante mundi exordium 10
 Alpha et cognominatus, ipse fons et clausula
 Omnium, quæ sunt, fuerunt, quæque post futura sunt.

Ipse jussit, et creata; dixit ipse, et facta sunt,
 Terra, celum, fossa ponti, trina rerum machina,
 Quæque in his vigent sub alto Solis et Lunæ globo. 15

Corporis formam caduci, membra morti obnoxia
 Induit negens periret primoplasti ex germine,
 Merseratquam lex profundo noxialis Tartaro.

O beaus ortus ille, virgo quum puerpera
 Edidit nostram salutem foeta Sancto Spiritu: 20
 Et puer redemptor orbis os sacratum protulit.

Psallit altitudo cæli, psallite omnes angeli,
 Quidquid est virtutis usquam psallat in laudem dei,
 Nulla ingvarum silescat, vox et omnis consonet.

Ece quem vates vetustis concinebant sæculis 25
 Quum prophetarum fideles paginæ sponderant,
 Emiat promissus olim; cuncta collaudent cum.

Catharis infusa lympa fit Falernum nobile,
 Nuntiat vinum minister esse promptum ex hydria,
 Ipse rex sapore tinctis obstupescit poculis. 30

v. 10. Fusus. Ita Heins., at Giselini et Weitzii Codices nec
 on Vaticani omnes: natus habent.

v. 18. lex noxialis: in noxios lata.

Membra mortis ulcerosa, viscerum putredines
Mando ut abluantur, inquit, fit ratum, quod jusserat:
Turgidam cutem repurgant vulnerum piacula.

Tu perennibus tenebris jam sepulta lumina
In limis limo salubri, sacri et oris nectare, 35.

Mox apertis hac medela lux reducta est orbibus
Increpas ventum furentem, quod procelis tristibus
Vertat æquor fundo ab imo, vexet et vagam ætem
Ille jussis obsecundat, mitis unda sternitur.

Extimum vestis sacratæ furtim mulier attigit, 40
Protinus salus secuta est, ora pallor deserit,
Sistitur rivus, cruore, qui fluebat perpeti.

Exitu dulcis juventæ raptum ephebum vident,
Orba quem mater supremis funerabat fletibus
Surge dixit, ille surgit, matri et adstans redditur. 45.

Sole jam quarto carentem, jam sepulchro absconditum
Lazarum jubet vigere reddito spiramine:
Foetidum jecur reductus rursus intrat halitus.

Ambulat per stagna ponti, summa calcit fluvium,
Mobilis liquor profundum pendulam præstat viam 50.
Nec fatiscit unda sanctis pressa sub vestigiis.

Svetus antro bustiali sub catenis frendere
Mentis impos efferatis percitus furoribus
Prosilit, ruitque supplex, Christum adesse ut senseat.

Pulsa pestis lubricorum milleformis dæmonum 55.

v. 40. Metri rationem posthabitam esse observavit jam Hein-
sius; forsitan ita: Extimum vestis sacratæ contra clam
femina.

v. 55. Milleformis. Vat. duo: milliformis.

Corripit gregis suilli sordida spurcamina,
Seque nigris mergit undis, ut pecus lymphaticum.

Qvinque panibus peresis, et gemellis piscibus,
Fertque qualus ter quaternus ferculorum fragmina,
Adfatim refecta jam sunt accubantum millia. 60.

Tu cibus, panisque noster, tu perennis svavitas:
Nescit esurire in ævum, qui tuam sumit dapem
Nec lacunam ventris implet, sed fovet vitalia.

Clausus aurium meatus, et sonoram nescius
Purgat, ad præcepta Christi crassa quæque obstacula 65.
Vocibus capax fruendis, ac susurris pervius.

Omnis ægritudo cedit, langvor omnis pellitur,
Lingva fatur, quam veterna vinxerant silentia,
Gestat et suum per urbem lætus æger lectulum.

Qvin et ipsum, ne salutis inferi expertes forent, 70
Tartarum benignus intrat, fracta cedit janua
Vectibus cadit revulsis cardo dissolubilis.

Illa prompta ad inruentes, ad revertentes tenax,

v. 57. Ut pecus. Hæc recta videtur esse lectio; Puteanus autem Heinsii, tresque Vatic. vetustiores: et pecus; Weitz, et Vat. unus: fit pecus.

v. 59. Fertque qualus ter. Si planior sensus attendendus sit, hæc ceteris præferenda lectio et versuum dispositio, quam exhibent duo Vat. Cod., et ex parte veteres Editiones; alii legerunt: Ferte qualis ter quaternis ferculorum fragmina etc. quæ implicita satis lectio est.

v. 70. Ne salutis inferi expertes forent. Animæ justorum in inferis, seu Limbo, ut vocant, detentæ.

v. 72. Cardo dissolubilis. Quidam Codd. apud Heins. et tres Vatic. indissolubilis habent, quod sensus videtur postulare, sed ratio metri repugnat.

Obice extrorsum repulso porta reddit mortuos,
 Lege versa, et limen atrum jam recalcandum patet. 75.

Sed Deus dum luce fulva mortis antra inluminat,
 Dum stupentibus tenebris candidum præstat diem,
 Tristia squalentis æthræ palluerunt sidera.

Sol refugit et lugubri sordidus ferrugine
 Igneum reliquit axem, seqve moerens abdidit: 80.
 Fertur horruisse mundus noctis æternæ chaos.

Solve vocem mens sonoram, solve linguam mobilem
 Dic tropæum passionis, dic triumphalem crucem
 Pange vexillum, notatis, quod refulget frontibus.

O novum cædes stupenda, vulneris miraculum! 85.
 Hinc cruoris fluxit unda, lympha parte ex altera:
 Lympha nempe dat lavacrum, dum corona ex sang-
 nine est.

Vidit angvis immolatum corporis sacri hostiam,
 Vidit, et fellis perusti mox venenum perdidit,
 Saucius dolore multo colla fractus sibilat. 90.

Quid tibi, profane serpens, profuit rebus novis
 Plasma primum percalisse versipelli hortamine?
 Diluit culpam recepto forma morali Deo.

Ad brevem se mortis usum dux salutis dedit,
 Mortuos vlim sepultos ut redire invesceret, 95.
 Dissolutis pristinorum vinculis peccaminum

v. 74. Obice extrorsum repulso. Ita Heins. Cod. Putean. secutus, at Mss. alii non pauci, inter quos Vaticani quinque: obice extrorum recluso, quod placuit Weitzio.

v. 84. Notatis frontibus. Signum crucis in Christianorum fronte impressum. Vid. supr. Hymn. 6 v. 131.

v. 87. Corona. Martyrium.

Tunc patres sanctique multi conditorem prævium
 Jam revertentem secuti, tertio demum die
 Carnis indumenta sumunt, eqve bustis prodeunt.

Cerneres coire membra de favillis aridis, 100.
 Frigidum venis resumtis pulverem tepescere,
 Ossa, nervos, ac medullas glutino cutis tegi.

Post, ut occasum resolvit, vitæ et hominem reddidit,
 Arduum tribunal alti victor adscendit Patris
 Inclitam cælo reportans passionis gloriam. 105.

Macte iudex mortuorum, macte rex viventium,
 Dexter in Parentis arce, qui cluis virtutibus,
 Omnium venturus inde justus ultor criminum
 Te senes, et te juvenus, parvulorum te chorus,
 Turba matrum virginumque, simplices puellulæ, 110.
 Voce concordēs pudicis perstreant concentibus.

Fluminum lapsus et undæ, litorum crepidines,
 Imber, æstus, nix, pruina, silva et aura, nox, dies,
 Omnibus te concelebrent sæculorum sæculis.

X.

Hymnus circa exsequias defuncti.

Qvum homo compositum quiddam sit, resolvi aliquando necesse habet, quod fit in morte, sed status, ad quem mors redigit hominem, perpetuus non est, quod ex cura, quæ cadaveribus et sepulchris impenditur, recte probatur: idque opus defunctorum corporaturandi deo gratissimum esse prodit historia Tobie. Si autem certissima manet resurrectionis mortuorum spes jam

v. 103. Occasum resolvit. Mortem dissipavit. Sextus pes anapæsticus est.

laerimis, quibus eorum dolemus interitum, modus ponendus est, ac mors tanquam vitæ reparatio consideranda.

Vers. anapæstic trimetr. catalect.

Deus ignee fons animarum,
Duo qui socians elementa,
Vivum simul ac moribundum,
Hominem, Pater effigiasti.

Tua sunt, tua, rector, utraqve,
Tibi copula jungitur horum,
Tibi dum vegetata cohærent,
Et spiritus et caro servit.

Rescissa sed ista seorsum
Solvunt hominem perimuntqve;
Humus excipit arida corpus,
Animæ rapit aurâ liqvorem.

Qvia cuncta creata necesse est
Labefacta senescere tandem,
Compactaqve dissociari,
Et dissona texta retexi.

v. 1. Ignée foris animarum. Vel ad Scripturæ loca respexit, in quibus ignis apellatione Deus sæpe numero venit, vel etiam ad Stoicorum opinionem, qui animam igneæ naturæ et *ἄσπετον Πνεῦμα* esse voluerunt.

v. 8. Et spiritus et caro servit. Ita Heins. quatuor Vatic. Codd. Weitzii. lectionem habent: Spiritus simul et caro vivit.

v. 9. Rescissa sed ista seorsum, In duobus vel tribus sequentibus versuum quaternionibus Codd. mirum in modum a se invicem dissentiunt, quorum alii octo, alii quatuor versus subijciunt, qui aliis verbis idem, quod hic habes, dicunt.

Hanc tu Deus optime mortem

Famulis abolere paratus

Iter inviolabile monstras,

Qva perdita membra resurgant,

20.

Ut dum generosa caducis,

Ceu carcere clausa, ligantur,

Pars illa potentior exstet.

Qvæ germen ab æthere traxit.

Si terrea forte voluntas

25.

Luteum sapit, et grave captat;

Animus quoque pondere victus

Sequitur sua membra deorsum,

At si generis memor ignei

Contagia pigra recuset,

30.

Vehit hospita viscera secum,

Pariterque reportat ad astra.

Nam quod requiescere corpus

Vacuum sine mente videmus,

Spatium breve restat, ut alti

35.

Repetat collegia sensus.

Venient cito sæcula, quum jam

Socius calor ossa revisat,

Animataque sanguine vivo

Habitacula pristina gestet.

40.

Qvæ pigra cadavera pridem

Tumulis putrefacta jacebant,

Volucres rapiuntur in auras,

Animas comitata priores.

v. 29. Generis ignei. Contracto epitheto in duas syllabas. Sic Heins., cui favet unus Vat. ceteri cum Weitzio: ignis.

v. 50. Pigra. Vat. unus nigra.

- Hinc maxima cura sepulchris 45.
 Impenditur hinc resolutos
 Honor ultimus accipit artus,
 Et funeris ambitus ornat.
- Candore nitentia claro
 Prætendere lintea mos est, 50.
 Adspersaqve myrrha Sabæo
 Corpus medicamine servat.
- Qvid nam sibi saxa cavata?
 Quid pulchra volunt monumenta?
 Res quod nisi creditur illis 55.
 Non mortua sed data somno.
- Hoc provida Christicolarum
 Pietas studet; utpote credens
 Fore protinus omnia viva,
 Quæ nunc gelidus sopor urguet. 60.
- Qvi jacta cadavera passim
 Miserans tegit aggere terræ,
 Opus exhibet ille bonum
 Christo pius omnipotenti.
- Qvin lex eadem monet omnes, 65.
 Gemitum dare sorte sub una,
 Cognataqve funera nobis
 Aliena in morte dolere.
- Sancti sator ille Tobie
 Sacer ac venerabilis heros, 70.
 Dapibus jam rite paratis
 Jus prætulit exsequiarum.
- Jam stantibus ille ministris,
 Cyatos et fercula liquit,

III

Studioque accinctus humandi

75.

Fleto dedit ossa sepulchro.

Veniunt mox præmia cælo,

Pretiumque rependitur ingens;

Nam lumina nescia solis

Deus inlita felle serenat.

80.

Jam tunc docuit Pater orbis,

Qvam sit rationis egenis

Mordax et amara medela,

Qvum lux animum nova vexat.

Docuit quoque non prius ullum

85.

Cælestia cernere regna,

Qvam pocte et vulnere tristi

Toleraverit aspera mundi.

Mors ipsa beatior inde est

Qvod per cruciamina leti

90.

Via panditur ardua justis,

Et ad astra doloribus itur.

Sic corpora mortificata

Redeunt melioribus annis,

Nec post obitum recalescens

95.

Compago fastiscere novit.

Hæc, quæ modo pallida tabo

Color albidus inficit, ora,

Tunc flore venustior omni

Sangvis cute tinguet amoena.

100.

Jam nulla deinde senectus

Frontis decus invida carpet,

Macies neque sicca lacertos

Succo tenuabit adesa.

Morbus quoque pestifer artus

105.

Qvi nunc populatur anhelos,

Sua tunc tormenta resudans

Luet inter vincula mille:

Hunc eminus aëre ab alto

Victrix caro, jamque perennis

110.

Cernet sine fine gementem,

Qvos moverat ipse dolores.

Quid turba, superstes, inepta

Clangens ululamina miscet?

Cur tam bene condita jura

115.

Luctu dolor arguit amens?

Jam moesta quiesce querela,

Lacrymas suspendite matres:

Nullus sua pignora plangat

Mors hæc reparatio vitæ est.

120.

Sic semina sicca virescunt

Jam mortua, jamque sepulta:

Quæ reddita cespite ab imo

Veteres meditantur aristas.

Nunc suscipe terra fovendum

125.

Gremioque hunc consipe molli:

Hominis tibi membra sequestra,

Generosa et fragmina credo.

Animæ fuit hæc domus olim

Factoris ab ore creatæ:

130.

Fervens habitavit in istis!

Sapientia principe Christo.

Tu depositum tege corpus

Non immemor illa requiret

Sua munera factor et auctor

135.

Propriique ænigmata vultus.

Veniant modo tempora justa,

Quum spem Deus impleat omnem,

Reddas patefacta necesse est,
Qvalem tibi trado figuram.

140.

Non si cariola vetustas
Dissolverit ossa favillis
Fueritqve cinisculus arens
Minimi mensura pugilli.

Nec si vaga flamina, et atra
Vacuum per inane volantes
Tulerint cum pulvere nervos;
Hominem periisse licebit.

145.

Sed dum resolvable corpus
Revocas, Deus, atqve reformas,
Qvanam regione jubebis
Animam requiescere puram?

150.

Gremio senis addita sancti
Recubabit, ut illa Lazari,
Qvem floribus undiqve septum
Dives procul adspicit ardens.

155.

Seqvimur tua dicta Redemptor,
Qvibus atra e morte triumphans
Tua per vestigia mandas
Socium crucis ire latronem.

160.

Patet ecce fidelibus ampli
Via lucida jam paradisi,
Licet et nemus illud adire,
Homini qvoad ademerat angvis.

Illic, precor, optime ductor,
Famulam tibi præcipe mentem
Genitali in sede sacrari
Qvam liquerat exul et errans.

165.

Nos tecta fovebimus ossa

Violis et fronde frequenti:

170.

Titulumque et frigida saxa

Liquido spargemus odore.

XI.

Hymnus octavo Kalendas Januarias

Celebrat diem Christi Domini Natalem, cujus æternam a Patre originem agnoscit, eiꝛve pastores non solum sed et muta animalia testimonium perhibuisse ait, incredulos redarguit Judæos, eisꝛve denuntiat venturum eum aliquando Judicem bonorum, et malorum.

v. 170. Violis et fronde frequenti. Qvamdiu perduravit Idololatria, hunc morem aversatos fuisse Christianos produnt institutæ ab Ethnicis contra eos accusationes, inter quas et hæc erat, quod neꝛve mortuos, neꝛve sepulchra coronarent. Hi autem utrumꝛve verum esse fatebantur: neutrum tamen sibi probari posse docebant, quod aliquid in iis usibus reperietur, quod superstitionem contineret. Clem. Alex lib. II. Pædag. c. 8; Tertull lib. De Corona Mil. c. 5 et 10; Cyprian. De lapsis. Itaqꝛve tum demum adhiberi a nostris etiam mos coepit, quam sublata idololatria, periculum jam nullum erat. Vid. Mamach. Orig. et Antiqꝛvit. Chistianar. Tom. 1 lib. 1 c: 5 § 28 pag. 183.

Conf. passim cum h. hymn. Iesus danic. Med Sorgen og Klagen etc.

Octav. Kål. Hunc titulum præferunt Codd. probatiores, in nonnullis autem habetur. Hymnus Natalis Domini, quod prioris illius interpretationem esse nemo non vidit.

Vers. Jambic. Quaternar.

Quid est quod arctum circulum

Sol jam recurrens deserit?

Christus ne terris nascitur,

Qvi lucis auget tramitem?

Heu quam fugacem gratiam,

5.

Festina solvebat dies?

Quam pæne subductam facem

Sensim recisa extinxerat?

Cælum nitescat lætius,

Gratetur et gaudens humus:

10.

Scandit gradatim denuo

Jubar priores lineas.

Emerge dulcis pusio,

Qvem mater edit castitas,

Parens et experta conjugis,

15.

Mediator et duplex genus!

Ex ore quamlibet Patrie

Sis ortus et verbo editus,

Tamen paterno in pectore

Sophia callebas prius.

20.

- v. 1. Quid est. Fingit mirari se, quid sit, quod dies, qui antea decredebant, nascente Christo incipiant crescere, atque ex hoc ipso celebrandæ Christi dignitatis sumit occasionem. Arctum circulum. Arctum vocat circulum Capricorni, a quo sol ineunte hyeme recedit, quia arctior est omnibus circulis; quos sol describit, usque dum perveniat ad æquatorem.

- v. 4. Lucis auget tramitem. Facit dies longiores.

- v. 14. Mater castitas. Sic Mss. omnes Weitz. Cellarius aliique: matris castitas.

- v. 20. Callebas prius. Prius hic est ab æterno, et callebas, callendo eras sapientia, callere enim scire est. Ita Cellarius. Sophia, λογος ενδιαθετος, Proverb. 8vo.

Qvæ prœmta cælum condidit,
 Cælum diemqve et cætera
 Virtute Verbi effecta sunt
 Hæc cuncta, nam Verbum Deus

Sed ordinatis sæculis, 25.

Rerumqve digesto statu,
 Fundator ipse et artifex
 Permansit in Patris sinu.

Donec rotata annalium

Transvolverentur millia, 30.

Atqve ipse peccantem die
 Dignatus orbem viseret.

Nam coeca vis mortalium

Venerans inanes nœnias,
 Vel aera, vel saxa algida, 35.
 Vel ligna credebat Deum.

Hæc dum seqvuntur, perfidi
 Prædonis in jus venerant,
 Et manicipatam fumido
 Vitam barathro immerserant.

40.

Stragem sed istam non tulit
 Christus cadentum gentium
 Impune, ne forsân sui
 Patris periret fabrica.

Mortale corpus induit, 45.
 Ut excitato corpore

v. 35. Vis mortalium. Multitudo.

v. 40. Barathro. Barathrum fossa profundissima fuit in agro Attico in quam homines damnati conjiciebantur. Sumitur pro quocunqve loco profundo et obscuro, in qve servantur nocentes.

Mortis catenam frangeret,
Hominemque portaret Patri.

Hic ille natalis dies,

Qvo te creator arduus 50.

Spiravit et limo indidit

Sermone carnem glutinans.

Sentis ne, virgo nobilis,

Matura per fastidia

Pudoris intactum decus 55.

Honore partus crescere?

O quanta rerum gaudia

Alvus pudica continet!

Ex qua novellum sæculum

Procedit, et lux aurea. 60.

Vagitus ille exordium

Vernantis orbis prodidit;

Nam tunc renatus sordidum

Mundus veterum depulit.

Sparsisse tellurem reor 65.

Rus omne densis floribus,

Ipsasque arenas Syrtium

Fragrasse nardo et nectare.

Te cuncta nascentem puer

Sensere dura et barbara, 70.

Vectusque saxorum rigor

Obduxit herbam cotibus.

v. 53. Sentisne. Minime sentis. Fabricius.

v. 61. Vagitus ille. Qui in reliquis mortalibus auspiciū future calamitatis, in Christo fuit exordium orbis nantis: renascentis.

v. 65. Sparsisse tellurem Partim poetica fictione partim Joel. 3, 18 hæc deducta sunt.

Jam mella de scopulis fluunt,
 Jam stillat ilex arido
 Sudans amomum stipite, 75.
 Jam sunt myricis balsama.
 O sancta præcepis tui,
 Æterne Rex, cunabula,
 Populisque per sæclum sacra
 Mutis et ipsis credita! 80.
 Adorat hæc brutum pecus;
 Indocta turba scilicet,
 Aderat excors natio,
 Vis cujus in pastu sita est.
 Sed quum fideli spiritu 85.
 Concurrat ad præsepia
 Pagana gens et quadrupes,
 Sapiatque, quod brutum fuit;
 Negat patrum prosapia
 Perosa præsentem Deum, 90.
 Credas venenis ebriam,
 Furiisve lymphatam rapi.

v. 80. Mutis et ipsis credita. Conf. Hymnus, in quo: Agnovit hos et Asinus, quod puer erat dominus: bovem et asinum præsepio, in quo Christus natus est, adstetisse, vetus opinio est, atque ut ait ad h. l. Erasmus a prisca usque sæculis manavit ad nos pictura, quæ Jesu præsepi addit bovem et asinum. Extat in Museo Vet. antiquum vitrum anaglyphum eandem rem exhibens cum epigraph. Agnovit hos etc., quod ejus olim possessor Franciscus Victorius ligno incidi curavit et illustravit Dissertat. De num. æreo vet. Christianor. p. 37-40.

v. 82-83. Indocta turba — excors natio. Pastores et Magi in asino et bove adumbrati.

v. 87. Pagana gens. Pastores ab angelo moniti, qui adjacentes Bethléem pagos incolebant, a pago scilicet paganus.

Quid prona per scelus ruis?

Agnosce, si quidquam tibi

Mentis resedit integræ,

95.

Ducem tuorum principum.

Hunc quem latebra, et obstetrix,

Et virgo foeta, et cunulæ

Et imbecilla infantia,

Regem dederunt gentibus.

100.

Peccator, intueberis

Celsum coruscis nubibus,

Dejectus ipse et inritis

Plangens reatum fletibus:

Quam vasta signum buccina

105.

Terris cremandis miserit,

Et scissus axis cardinem

Mundi ruentis solverit.

Insignis ipse et præminens

Meritis rependet congrua,

110.

His lucis usum perpetis,

Illis gehennam et Tartarum.

Judæa, tunc fulmen crucis

Experta, qui sit, senties,

Quem, te furoris præsule,

115.

Mors hausit, et mox reddidit.

v. 97. Latebra. Ita Heins. Vatic: partim latebra partim latebræ habent. Latebra stabulum obscurum.

v. 101. Peccator intueberis. Judæos speciatim intelligit.

v. 113. Fulmen crucis. Hæc metaphoricæ dicta accipit Cellarius, alii proprie, quod dæmonus pellit.

XII.

Hymnus Epiphaniæ.

In hoc hymno, celeberrimo Epiphaniæ festo consecrato pluribus stellam Christi prænuntiam extollit, quam Magi secuti Bethleem venerunt, et natum Dominum oblatiis muneribus venerati sunt; tum immanem ad Christum perdendum infantium stragem ab Herode editam late prosequitur, in qua Christum involvi non potuisse, in iis, quæ Mōysi contigerant præfiguratum fuisse demonstrat.

Vers. Jambic. Quaternar.

Qvicumqve Christum qværitis	In Breviar. Ro-
Oculos in altum tollite :	man. in Fe-
Illic licebit visere	sto. Transfi-
Signum perennis gloriæ.	gur, ad Ve-
	sper.
Hæc stella qvæ solis rotam	5.
Vincit decore et lumine,	
Venisse terris nuntiat	
Cum carne terrestri Deum.	
Non illa servit noctibus	
Secuta lunam menstruam:	10.
Sed sola cælum possidens	
Cursum dierum temperat.	
Arctoa quamvis sidera	
In se retortis motibus	
Obire nolint, attamen	15.
Plerumqve sub nimbis latent.	
Hoc sidus æternum manet,	
Hæc stella nunquam mergitur,	

v. 17. Æternum manet. Allegorice Christum ipsum notat.

Nec nubis occursu abdita
Obumbrat obductam facem.

30.

Tristis cometa intercizat
Et, si quod astrum sirio
Fervet vapore, jam Dei
Sub luce destructum cadat.

En Persici ex orbis sinu,
Sol unde sumit januam,
Cernunt periti interpretes
Regale vexillum, Magi.

25.

Quod ut refulsit, ceteri
Cessere signorum globi,
Nec pulcher est ausus suam
Conferre formam lucifer.

30.

Qvis iste tantus, inqviunt,
Regnator astris imperans
Qvem sic tremunt cælestia
Cui lux et æthra inserviunt?

35.

Inlustre quiddam cerninus,
Quod nesciat finem pati.
Sublime, celsum, interminum,
Antiquius cælo et chao.

40.

Hic ille rex est gentium,
Populique rex Judaici,
Promissus Abrahæ patri,
Ejusque in ævum semini.

v. 22. Sirio vapore. Ardentissimo ac pestilenti.

v. 25. En Persici ex orbis sinu. Hæc quoque fuit aliorum patrum sententia, licet opinio eorum, qui volunt Magos ex Arabia vel Chaldæa venisse, non minori gaudent probabilitate.

Æqvanda, nam stellis sua 45.

Cognovit olim germina,

Primus sator credentium

Nati immolator unici

Jam flos subit Davidicus

Radice Jessæa editus, 50.

Sceptriqve per virgam virens

Rerum cacumen occupat.

Exin sequuntur perciti

Fixis in altum vultibus,

Qva stella sulcum traxerat 55.

Claramqve signabat viam.

Sed verticem pueri supra

Signum pendit imminens

Pronaqve submissum face

Caput sacratum prædidit, 60.

Videre quod, postquam Magi,

Eoa præmunt munera

Stratiqve votis offerunt

Thus, myrrham et aurum regium.

Agnosce clara insignia 65.

Virtutis ac regni tui

Puer o cui trinam Pater

Prædestinavit indolem.

Regem Deumqve adnuntiant.

Thesaurus et fragrans odor 70.

Thuris Sabæi, ac myrrheus

Pulvis sepulchrum prædocet.

Hoc, hoc sepulchrum, quo, Deus

v. 63. Trinam indolem. Esse Deum, Hominem et regem.

v. 73. Hoc hoc. Ita Heins. Cod. Putean. secutus. Vatic. pene omnes, hoc est sepulchrum, quo etc.

Dum corpus extingvi sinit,
Atque id sepultum suscitatur
Mortis refregit carcerem.

75.

O sola magnarum urbium
Major Bethlem, cui contigit
Ducem salutis cœlitus
Incorporatum gignere!

80.

Altrice te, summo Patri
Heres creatur unicus,
Homo ex Tonantis Spiritu,
Idemque sub membris Deus,

Hunc et prophetis testibus,
Idemque signatoribus
Testator et sator jubet
Adire regnum et cernere.

85.

Regnum quod ambit omnia
Dia, et marina, et terrea
A solis ortu ad exitum,
Et tartara et cœlum supra.

90.

Audit tyrannus anxina
Adesse regum principem,
Qvi nomen Israel regat,
Teneatque David regiam

95.

Exclamat amens nuntio
Successor instat pellimur:
Satelles, i, ferrum rape,
Perfunde cunas sanguine.

100.

v. 86. Idemque pro Idemque.

v. 87. Cernere o: iudicium exercere.

v. 90. Dia. Aëria seu cœlestia.

v. 99. Satelles, i, ferrum rape. Sic Heins. cui favet Vat.
unus; Ceteri partim: satelles ferrum rape, partim:
ferrum satelles arripe.

Mas omnis infans occidat,
 Scrutare nutricum sinus,
 Interque materna ubera
 Ensem cruentet pusio.

Suspecta per Bethlem mihi
 Pnerperarum est omnium
 Fraus ne qva furtim subtrahat
 Prolem virilis indolis.

105.

Transfigit ergo carnifex
 Mucrone districto furens
 Effusa nuper corpora.
 Animasque rimatur novas.

110.

Locum minutis artubus
 Vix interemtor invenit,
 Quo plaga descendat patens,
 Iuguloque major pugio est.

115.

O barbarum spectaculum!
 Inlisa cervix cautibus
 Spargit cerebrum lacteum
 Oculosque per vulnus vomit.

120.

Aut in profundum palpitans
 Mersatur infans gurgitem:
 Cui subter arctis faucibus
 Singultat unda, et halitus.

Salvete flores Martyrum,
 Quos lucis ipso in limine
 Christi insecutor austulit,
 Ceu turbo nascentes rosas.

125.

v. 111. Effusa nuper corpora. Paullo aute in lucem edita.
 Mire autem, ait Erasmus, tractat Poeta hunc misera-
 tionis affectam.

Vos prima Christi victima

Grege immolatorum tener 130.

Aram ante ipsam simplices

Palma et coronis luditis.

Qvo proficit tantum nefas?

Quid crimen Herodem iuvat?

Unus tot inter funera 135.

Impune Christus tollitur.

Inter coëvi sanguinis

Fluenta solus integer:

Ferrum quod orbatat nurus,

Partus fefellit virginis. 140.

Sic stulta Pharaonis mali

Edicta quondam fugerat

Christi figuram præferens

Moses receptor civium.

Cautum et statutum jus erat, 145.

Qvo non liceret matribus,

Quum pondus alvi absolverent,

Puerile pignus tollere.

Mens obstetricis sedulæ

Pie in tyrannum contumax 150.

Ad spem potentis gloriæ

Furata servat parvulum.

v. 131. Aram ante ipsam. Est Synalephe non insolens nostro auctori, ut ex collatione locorum probat Heinsius. Fabricius habet: Aram ante et ipsam, magis vero arri-det Torrentii lectio: Aram sub ipsam, non solum quod vitetur hiatus, sed etiam quod magis respondeat Apocal. 6, 9, ad quem locum Poeta respexisse videtur.

v. 133. Qvo proficit. Sic duo Vat. cum Heins. alii duo: quid proficit.

v. 144. Receptor. Liberator.

Qvem mox sacerdotem sibi
 Adsumsit orbis conditor,
 Per quem notatam saxeis
 Legem tabellis traderet. 155.

Licetne Christum noscere
 Tanti per exemplum viri!
 Dux ille cæso Ægyptio
 Absolvit Israel iugo 160.

At nos subactos jugiter
 Erroris imperio gravi
 Dux noster hoste saucio
 Mortis tenebris liberat.
 Hic expiatam fluctibus 165.

Plebem marino in transitu
 Repurgat undis dulcibus,
 Lucis columnam præferens.
 Hic præliante exercitu,
 Pansis in altum brachiis 170.

Sublimis Amalec premit,
 Crucis quod instar tunc fuit.
 Hic nempe Jesus verior:
 Qui longa post dispendia
 Victor suis tribulibus 175.
 Promissa solvit jugera.

v. 165. Undis dulcibus. Vel. ad Exod. c. 15, aut etiam 17 noster respicere videtur.

v. 175. Hic nempe Jesus verior. Non dubito quin Josve designetur, cujus propria sunt gesta quæ recensentur. Nec mirum, quod Josve verior servator appelletur, licet enim in ceteris omnibus Mose longe inferior esset, nomine tamen superior, et populum in terram promissam introduxit, quod Moses præstare non valuit.

Qui ter quaternus denique
 Reffluentis amnis alveo
 Fundavit et fixit petras,
 Apostolorum stemmata. 180.
 Jure ergo se Judæ ducem
 Vidisse testantur Magi,
 Qvum facta priscorum ducum
 Christi figuram finxerint.
 Hic rex priorum judicium, 185.
 Rexere qvi Jacob genus
 Dominaeque rex ecclesiae
 Templi et novelli et pristini
 Hunc posteri Effrem colunt,
 Hunc sancta Manassæ domus, 190.
 Omnesque suspiciunt tribus
 Bis sena fratrum semina.
 Qvin et propago degener
 Ritum secuta inconditum,
 Qvæcumque dirum fervidis 195.
 Baal caminis coxerat.
 Famosa avorum numina
 Saxum, metallum, stipitem,
 Rasum, dolatum, sectile,
 In Christi honorem deserit 200.

v. 184. Finxerint. Alii pinxerint.

v. 187. Dominae ecclesiae. Ecclesia domina dicitur ad differentiam Synagogæ, quæ ancilla, Galat. 4. 24 seqv.

v. 189. Effrem. Ita Weitz. Codd. et Vat. fere omnes. Alii Ephraim, quod ratio metri requirit.

v. 193-94 Propago—inconditum. Gentilium periphrasis.

v. 196. Dirum Baal. Qvodlibet idolum.

v. 199. Rasum, dolatum, sectile. Metallum raditur lima lignum dolatur, saxum secatur.

Gaudate, quidquid gentium est,
 Judæa, Roma et Græcia,
 Ægypte, Thrax, Persa, Schytha,
 Rex unus omnes possidet.

Laudate vestrum Principem
 Omnes beati ac perditī,
 Vivi, imbecilli ac mortui
 Jam nemo posthac mortuus.

205.

Cælii Sedulii*).

Hymnus 1.

Collectiq Veteris et Novi Testamenti per Schema
Επαναληψεως alternis versibus repetitæ.

Cantemus socii, Domino cantemus honorem:
 Dulcis amor Christi personet ore pio.
 Primus ad ima ruit magna de luce superbus,
 Sic homo cum tumuit, primus ad ima ruit.
 Unius ob meritum cuncti periere minores,
 Salvantur cuncti unius ob meritum.
 Sola fuit mulier, patuit qva janua leto:
 Ex qva vita redit, sola fuit mulier:
 Frater iniquus erat, justum qvi perculit olim:

5.

*) Cæl. Sedul. ed. C. Cellar. Hæle Magdeba. 1739, 8vo.
Επαναληψεως. Qva singulis distichis initium prioris
 versus est finis posterioris.

v. 3. Primus superbus. Diabolus.

v. 6. Cuncti unius. Cum hiatu sine Synalepha; Sic quoque
 infra v. 62; 74, 106 Conf. ad h. l. Rom. 5.

v. 8. Ex qva. Ita Cod. Alm.; Alii: et qva.

Damnator Christi frater iniquus erat.

10.

Transitus ille monet, quid prima amisit origo,

Quid ventura parent, transitus ille monet.

Arca levatur aqvis, homines ne perderet æqvor:

Ne pereant homines, arca levatur aqvis.

Sume pater populos pro nati vulnere cunctos:

15.

Qvum tradis Christum, sume Pater populos.

Hostia summa patris, tacitis signata figuris:

Qvam referat Christus hostia summa patris.

Claudicat ecce videns Dominum, dum prævalet heros

Aspera gens Christum claudicat ecce videns.

20.

Reppulit ille famem, venitus crimine fratrum:

Venditus est Christus, reppulit ille famem.

Perfide corde peris, dum vastant omnia plagæ:

Dum cessant plagæ, perfide corde peris.

Agnus ab hoste sacer revocavit sanguine patres:

25.

v. 10. Damnator Christi. Proditor Judas, qui frater, id est amicus et Socius Domini ac discipulus.

v. 11. Transitus ille. Caini et Abelis in agrum: ex LXX et Vulgata Genes. 4, 8. *οἰσθίζομεν εἰς τὸ πιδίδόν*, egrediamur foras.

v. 12. Transitus ille. Christi ad Patrem.

v. 14. Arca levatur aqvis. Altera arca est ecclesia baptismo salvata. 1 Petr. 3, v. 20, 21.

v. 15. Sume pater populos etc. Abrahamus est filium mactaturus, cui promissio facta. Genes 22, 16, 17.

v. 17. Hosia patris. Isaac.

v. 18. Christus. Syllaba posterior contra legem producta.

v. 21. Venitus. Ita Codd. Cant. et Alm., id est venditus, a veneo. Vulgati libri: distractus.

v. 23. Perfide corde peris. Pharaonis induratio et Judæorum comparantur.

- Sanguine nosque refert agnus ab hoste sacer.
 Obruit unda nefas, populo gradiente per æqvor:
 Nunc mundi populis obruit unda nefas.
 Murmurat impietas, manna veniente refecta:
 Panis adest Christus, murmurat impietas. 30.
 Plebs sibi dura caput terræ cultoris adoptat:
 Abstulit heu Christum plebs sibi dura caput!
 Lex dedit indicium veteris de crimine pænæ:
 Qvodque salus veniat, lex dedit indicium.
 En lapis irriguus: satiare incredule, fonte, 35.
 Qui Christum reprobas: en lapis irriguus!
 Carpitur igne sacro munus votumque piorum:
 Seditiosa tribus carpitur igne sacro.
 Regna beata patris legis non contigit heres:
 Jesus dispensat regna beata patris. 40.
 Destruit arca dei muros, dum circuit hostem:
 Sic hostem mundi destruit arca dei.
 Area vellus habet, madido sed vellere sicca est:
 Siccum tota madens area vellus habet.
 Vincis honore dei promisso munere gentes: 45.
- v. 27. Obruit unda nefas. Submersio Ægyptiorum in pœnam:
 et Christianorum ad tollendum peccatum.
- v. 28. Mundi populis. Ita Fabric.; cod. Alm. cum hiato: po-
 pulis mundi obruit; Vulgat. mundis.
- v. 31. Caput terræ cultoris. Bovis, vituli aurei. Conf. Exod.
 cap. 32.
- v. 34. Lex dedit indicium. Vaticinia V. T. de Christo.
- v. 35. Petra percussa, quæ aquam fudit, satiare sive satiaris,
 passive.
- v. 38. Seditiosa tribus. Coran, Dathan, Abiram.
- v. 42. Arca dei. Christus.
- v. 45. Vincis honore dei. Jephta.

Adfectum natæ vincis amore dei.

Tu decus omne tuis, qvi sternis cæde Goliath:

Qvi vincis mundum, tu decus omne tuis.

Maxima dona dei cuncti cecinere propheta:

Implevit Christus maxima dona dei.

50.

Pondera dura tulit mandatum legis et iram:

Gratia mandati pondera dura tulit.

Virgo Maria nitet nullo temerante pudorem:

Post partum pueri virgo Maria nitet.

Filius hic hominis fit maxima qvæstio mundi:

55.

Nobiscum deus est filius hic hominis.

Gaudia magna dei mundus percepit et ambit:

Respuit heu mundus gaudia magna dei.

Signa movent populos, cernunt magnalia cæci:

Nulla tamen duos signa movent populos.

60.

Aspera mors populis ligno deducta cucurrit:

Aufertur ligno aspera mors populis.

Ipse tulit dominus pro pænis munera servis:

Pro servis pænas ipse tulit dominus.

Vita beata necem miseris avertere venit:

65.

Pertulit a miseris vita beata necem.

Lumen adesse dei persensit tartarus ingens:

Nec cernunt homines lumen adesse dei.

Mors fera per hominem miserum sibi subdidit orbem:

v. 51. Tulit. Prius tulit est attulit; posterius abstulit.

v. 55. Maxima qvæstio. Lapis offensionis.

v. 57. Percepit. Ex Cant. et Alm. Codd; Vulgatum: hæc sentit.

v. 63. Ipse tulit dominus. Glossæ Alm. Codicis prius tulit retulit, et prius servis martyribus suis; posterius tulit, sustinuit interpretantur.

Subdita contremuit mors fera per hominem. 70.
 Suscitāt ecce genus mortis pater ille profanus:
 Ad vitam Christus suscitāt ecce genus.
 Hic populus dominum dura cervice negavit:
 Suscepit primū hic populus dominum.
 Sanguine læta redit fuso gens impia Christi: 75.
 Gustato Christi sanguine læta redit.
 Crimina cuncta suis terrenis contulit auctor:
 Dissolvit Christus crimina cuncta suis.
 Libera corda sibi facinus devinxerat olim:
 Nunc reficit Christus libera corda sibi. 80.
 Fortia vincula dedit peccati sæva potestas:
 Dulcis amor Christi fortia vincula dedit.
 Jam super astra sedet, cuncti exultate fideles:
 Perfide, quid sævis? jam super astra sedet.
 Mortuus ille tonat, cælum terramque subegit: 85.
 Quid facient hostes? mortuus ille tonat.
 Pellitur umbra die, Christo veniente, figura:
 Christus adit gentes, pellitur umbra die.
 Te properare docent et signa et sæcula prima:
 Nos sacra, quæ gerimus, te properare docent. 90.
 Unicus adveniens firmavit vota priorum:
 Vota dedit nobis unus adveniens.
 Passio, Christe, tui complevit munera legis

v. 71. Suscitāt mortis. Gignit Adam morituros.

v. 74. Suscepit primum hic. Cum hiatu. Et Mss. Cant. et Alm. primum, puta dominum; vulgati: primus.

v. 87. Christo.; Sic Alm. et Fabric.; Alii: Christi. Figura, typi.

v. 89. Te properare docent. Adventus Christi primus et secundus componuntur.

v. 91. Priorum. Alii: piorum.

v. 93. Tui. Sic Cant. et Alm., Vulgati: tua.

Mumera nostra replet passio, Christe, tui.

Hic homo, qui deus est, spes est antiqua piorum: 95.

Spes in fine piis hic homo qui deus est.

Munus erat fidei toto credentibus ævo:

Qui dedit, ut credant, munus erat fidei.

Te veniente, deus, mundanus concidit error:

Occidet hic mundus, te veniente, deus. 100.

Gratia plena dei est, quæ totis gentibus exstat:

Abscedant sectæ, gratia plena dei est.

Sola columba redit, quæ totum circuit orbem:

Discedant corvi, sola columba redit.

Adveniet dominus dare digna piis, mala pravis: 105.

Credite jam miseri, adveniet dominus.

Visio, Christe, tui, tormentum et pæna malorum est:

Gloria cuncta bonis visio, Christe, tui.

Gloria magna Patri, semper tibi gloria, Nate,

Cum sancto Spiritu, gloria magna Patri,

Hymnus II.

alphabeticus, vitam Christi continens.

Vers. Jambic. Qvaternar:

A solis ortus cardine

In Nativitate Domini
ad laudes.

Adusque terræ limitem

v. 98. Qui dedit, ut credant. Christus et auctor est fidei, et per fidem donatur. Credant, ita Mss; vulgo: credat.

v. 100. Occidet hic mundus. Alm. occidit hic; vulgati reliqui: occubuit mundus.

v. 106. Miseri adveniet. Sine elisione, ut sæpius.

v. 110. Spiritu. Pœtm. flatu, quia prima in spiritu longa; melius forsam: Sancto et Spiritui; at vetus ille lectio, et Beda in libro de Metrica Ratione ad h. l. observat: "poeta, ut gloriam sanctæ et individuae Trinitatis clara voce decantaret, neglexit regulam grammaticæ dispositionis".

Christum sanamus principem,
Natum Maria virgine.

Danic. Vi Chri-
stum love hver
og een etc.

Beatus auctor sæculi
Servile corpus induit,
Ut carne carnem liberans
Ne perderet, quos condidit.

5.

Clausæ parentis viscera
Cælestis intrat gratia:
Venter puellæ bajulat
Secreta, quæ non noverat.

10.

Domus pudici pectoris
Templum repente fit dei:
Intacta, nesciens virum,
Verbo concepit filium.

15.

Enixa jam puerpera est,
Qvem Gabriel prædixerat,
Qvem mætris alvo gestiens
Clausus Johannes senserat.

20.

Foeno jacete perthlit
Præsepe non abhorruit:
Parvo lacte pastus est,
Per quem nec ales esurit.

Gaudet chorus cælestium,
Et angeli canunt deum:
Palamque fit pastoribus
Pastor creator omnium.

25.

Herodes, hostis impie,
Christum venire quia times?

Danic. Herodes,
hvi frygter du
etc.

30.

v. 9. Clausæ. Vulgat. castæ.

v. 26. Canunt deum. Vulgat: deo; sed etiam v. 3 cum quarto
casu: Christum canamus.

Non eripit mortalia,
Qvi regna dat cælestia.

Ibant Magi, qva venerant,
Stellam sequentes præviam,
Lumen requirunt lumine. 35.
Deum fatentur munere.

Katerva matrum personat,
Collisa deflens pignora,
Qvorum tyrannus millia
Christo sacravit victimam. 40.

Lavacra puri gurgitis
Cælestis agnus attigit:
Peccata, qvæ non detulit,
Nos abluendo, sustulit. 45.

Miraculis dedit fidem
Habere se deum patrem:
Infirma sanans corpora,
Et suscitans cadavera. 50.

Novum genus potentiae
Aqvæ rubescunt hydriæ,
Vinumqve jussa fundere
Mutavit unda originem. 55.

Orat salutem servulo
Flexus genu centurio,
Credientis ardor plurimus
Exstinxit ignes febrium. 60.

v. 33. Qva venerant. Ita Alm. qvod est, qva via ex oriente
venerant, eam persequébantur Hieroselymis Bethlehe-
mum. Editi: quam viderant, ad stellam referentes.

v. 57. Personat, ejulat, ululat.

v. 48. Et suscitans. Ita Alm.; Alii resuscitans.

Petrus per undas ambulat
 Christi levatus dextera:
 Natura, quam negaverat,
 Fides paravit semitam.

60.

Quarto die jam foetidus
 Vitam recepit Lazarus,
 Mortisque liber vinculis
 Factus superstes est sibi.

Rivos cruoris torridi
 Contacta vestis obstruit,
 Fletu rigantis supplicis
 Arent fluenta sanguinis.

65.

Solutus omni corpore
 Jussus repente surgere:
 Suis vicissim gressibus
 Eger vehebat lectulum.

70.

Tunc ille Judas carnifex,
 Ausus magistrum tradere:
 Pacem ferebat osculo,
 Quam non habebat pectore.

75.

Verax datur fallacibus,
 Pium flagellat impius,
 Crucique fixus innocens
 Conjungitur latronibus.

80.

Xeromyrham post sabbathum
 Qvædam vehebant corpori:
 Qvibus definit angelus
 Vivum sepulchro non tegi.

v. 63. Mortisque. Sic Cant. et Alm. Mss., Vulgati: cunctisque.

v. 65. Torridi. Hoc ex Mss. laudatis. In excusis est: horridi.

v. 83. Qvibus definit. Ex Alm. Ms. est. Vulg. quas allocutus.

Ymnis, venite, dulcibus 85.
 Omnes canamus subditum
 Christi triumpho tartarum,
 Qvi nos redemit venditos.
 Zelum draconis invidi,
 Et os leonis pessimi. 90.
 Calcavit unicus dei.
 Se seqve cælis reddidit.

Pontii Merop. Paulini*).

I.

Ad deum-matutina precatio.

Paulo post suam a sæculo conversionem et Hispanicnm secessum hanc precationem composuisse Paulinus putatur, in qva honestos mores a deo enixe postulat, ex qvibus æternam beatamqve sibi spondet vitam.

Omnipotens, genitor rerum, cui summa potestas,
 Exaudi, si justa precor, ne sit mihi tristis
 Ulla dies, placidam nox rumpat nulla quietem.
 Nec placeant aliena mihi, qvin et mea prosint
 Supplicibus, nullusqve habeat mihi vota nocendi, 5.
 Aut habeat nocitura mihi. Male velle facultas
 Nulla sit, ac bene posse adsit tranquilla potestas.

v. 85. Ymnis. Non tantum alphabeti causa sablata est aspiratio, sed qvia et aliibi veteres ymnus pro hymnus scripserunt.

v. 88. Venditos. Ita Alm., ceteri: venditus.

*) Pont. Mer. Paulini Nol. episc. opp. ed. I. B. le Brun, Parisiis 1675, L. A. Muratorius, Veronæ 1736.

Mens contenta suo, nec turpi dedita lucro,
 Vincat corporeas-casto bene conscia lecto
 Illecebras turpesque jocos, obscœnaque dicta 10.
 Oderit illa nocens, et multum grata malignis
 Auribus effuso semper rea lingua veneno,
 Non obitu affligar cujusquam, aut funere crescam:
 Invidiam numquam cuiquam, nec mentiar unquam.
 Adsit læta domus, epulis alludat inemptis 15.
 Verna satur, fidusque comes, nitidusque minister,
 Morigera et conjux, caraque ex conjuge nati.
 Moribus hæc castis tribuat deus, hi tibi mores
 Perpetuam spondent ventura in sæcula vitam.

II.

Ad deum alia precatio.

Varia dei attributa enumerat auctor, et gratiam a
 deo præcatur, qua peccata vitet, ut dei judicio securus
 occurrat. Circa idem fere tempus ac prior conscripta
 est hæc precatio, ex qua tamen pietas major, profundior
 humilitas, et metus judiciorum dei elucēt.

Omnipotens, quem mente colo, Pater unice rerum,
 Ignorate malis, et nulli ignote piorum;
 Principio, extremoque carens, antiquior ævo,

v. 15. Domus. Posterior syllaba contra regulam producta.
 Epulis alludât. Edit. Vinet. (Burdigalæ 1575) epulisque
 adludat.

v. 18. Tribuat. Edd. Vinet et Schot. (Coloniæ 1618) tribuit.

v. 1. Omnipotens, quem mente colo, Pater unice rerum.
 Ms. Hieron. Aleandri et Edd. Grav: (Coloniæ 1560)
 Pöelmann (Antverpiæ 1560) et Schot. in margg. habent:
 Omnipotens, solo mentis mihi cognite cultu.

Qvod fuit, aut veniet: cujus formamque modumque
 Nec mens complecti poterit, nec lingua profari: 5.
 Cernere quem solus, coramque audire iubentem
 Fas habet et patriam propter considere dextram
 Ipse opifex rerum, rebus causa ipse creandis,
 Ipse dei Verbum, Verbum deus ipse anticipator
 Mundi, quem facturus erat: generatus in illo 10.
 Tempore, quo tempus nondum fuit, editus ante
 Qvam jubar ex rutilis cælum illustravit eous:
 Qvo sine nil actum, per quem facta omnia, cujus
 In cælo solium, cui subdita terra sedenti,
 Et mare, et obscuræ chaos insuperabile noctis, 15.
 Irrequies cuncta ipse movens vegetator inertum.
 Non genito ex genitore deus, qui fraude superbi
 Offensus populi gentes in regna vocavit:
 Stirpis adoptivæ meliore propage colendus.
 Cernere quem licuit proavis: quo numine viso 20.
 Et patrem vidisse datum, contagia nostra
 Qui tulit, et diri passus ludibria leti,
 Esse iter æternæ docuit remeabile vitæ.
 Nec solam remeare animam, sed corpore tote
 Cælestes intrare plagas, et inane sepulchri 25.
 Arcanum vacuis adopertum linquere terris.
 Nate patris summi, nostroque salutifer ævo,
 Virtutes patrias genitor cui tradidit omnes,

v. 8. Ipse, opifex etc. Hic, et 8 sequentes versus desunt in editis codicibus Bad. et Mediolan.; at postquam Mariangelus Accursius in Diatribis suis in Ausonium, Solinum, et Ovidii Metamorphosim monuit inserendos ex vetustis Hieronymi Aleandri membranis, exstant in Edd. le Brun et Muratorii.

v. 12. Illustravit. Edd Grin. et Poëlm: illustraret.

Nil ex invidia retinens, plenusque datorum,
 Pande viam precibus, patriasque hæc perfer ad auras. 30.
 Da pater invictam contra omnia crimina mentem,
 Vipereumque nefas nocituri averte veneni:
 Sit satis antiquam serpens quod perdidit Evam,
 Deceptumque adjunxit Adam. Nos sera nepotum
 Semina, veridicis ætas prædicta prophetis, 35.
 Vitemus laqueos, quos letifer implicat angvis,
 Pande viam, quæ me post vincula corporis ægri
 In sublime feram: puri quæ lactea cæli
 Semita ventosæ superat vaga lumina lunæ;
 Quæ proceres abiere pii, quæque integer olim 40.
 Raptus quadrijugo penetrat super æthera curru
 Elias, et solido cum corpore prævius Enoch.

Da pater æterni speratam luminis auram,
 Si lapides non juro deos, unumque verendi
 Suspiciens altare sacri, libamina vitæ, 45.
 Intemeratâ fero: si te dominique dei que
 Unigeni cognosco patrem, mixtumque duobus
 Qui super æqvoreas volitabat spiritus undas,

v. 33. Perdidit. Sic Edit. Rosweid. (Antverpiæ 1622) et 3 Edd. in margg., at 4 Edd: prodidit.

v. 34. Deceptumque adjunxit Adam. Hanc Paulini locutionem, Adam videlicet fuisse deceptum, communem illi esse cum multis patribus, qui et ante et post eum vixere, observavit Rosweidius.
Sera. Fabric: dura.

v. 55. Ætas. Edd. tres in margg: olim.

v. 59. Lumina. Fabric: umbila.

v. 41. Æthera. Edd. tres in margg: æëra.

v. 42. Elias. Syllaba ultima contra regulam correpta.

v. 47. Unigeni. Fabric. male: unigenæ.

Da genitor veniam cruciataque pectora purga,
 Si te non pecudum fibris non sanguine fuso 50
 Qværo, nec arcanis numen conjecto sub extis,
 Si scelere abstineo, errori ipse obnoxius, et si
 Opto magis, quam fido, bonus purusque probari,
 Confessam dignare apimam; si membra caduca
 Exsecror, et tacitum si poenitet, altaque sensus 55
 Formido excruciat, tormentaque sera Gehennæ
 Anticipat, patiturque suos mens saucia manes.

Da pater hæc nostro fieri rata vota precatu,
 Nil metuam, cupiamque nihil: satis hoc rear esse,
 Qvod satis est: nil turpe velim, nec causa pudoris 60
 Sim mihi: nec faciam cuiquam, quæ tempore eodem
 Nolim facta mihi: nec vero crimine lædar,
 Nec maculer dubio: paulum distare videtur
 Suspectus, vereque reus. Male posse facultas
 Nulla sit, et bene posse adsit tranquilla posestas. 65
 Sim tenui victu atque habitu, sim carus amicis,
 Et semper genitor sine vulnere nominis hujus.
 Non animo doleam, non corpore, cuncta quietis
 Fungantur membra officiis: nec saucius ullis
 Partibus amissum quidquam desideret usus, 70
 Pace fruatur, securus agam, miracula terræ
 Nulla putem: suprema mihi cum venerit hora
 Nec timeat mortem bene conscia vita, nec optet.
 Purus ab occultis cum te indulgente videbor,
 Omnia despiciam, fuerit cum sola voluptas 75

v. 51. Arcanis. Fabric. carnis.

v. 52. Errori ipse. Edd. Grin. et Poelm. in margg. errorique.

v. 64-65. Male. Bene. Edd. Grav. Poelm et Schott. in margg:
 mala, bona.

v. 75. Voluptas. Edd. laudat. in margg: voluntas.

Indicium sperare tuum, quod dum sua differt
Tempora, cunctaturque dies, procul exige sævum
Insidiatorem blandis erroribus angvem.

Hæc pia, sed mæsto trepidantia vota reatu

• Christe apud æternum placabilis asserere patrem, 80.

Salvator, deus ac dominus, mens, gloria, verbum,

Filius et vero verum de lumine lumen,

Æterno cum patre manens, in sæcula regnans,

Cõsona quem celebrat modulato carmine plebes,

Et responsuris ferit aëra vocibus: amen. 85.

Claudiani Mamerti*).

Hymnus

de Passione Christi

Vers. Trochaic.

Pange lingua gloriosi

Prælium certaminis

Et super crucis trophæo

Dic triumphum nobilem,

Qvaliter redemptor orbis

In Breviar. Ro-
man. Domini-
ca Passionis, it
Dominica in
Palmis ad Ma-
tulinum. 5.

v. 80. Christe Edd. laudat in margg: nate, ut supra v. 27.

v. 82. Et — — — — — cum Fabric. ex.

v. 84. Consona quem celebrat etc. Sola Rosweidii editio: ce-
lebrant etc. mendose cum versu sequenti habeatur ferit;
hic enim plebes antiquæ pro plebs, ut jam Fabricius
observavit, singulari numero effertur.

*) Conf. Pol. Leyseri Histor. poetar. et poemat. Halæ Magd.
1721 p. 69; Fabric. Poetar. Veter. Eccles. Oper. Chri-
stian. Basileæ 1564; Ejusd. Expositio in Pœanas tres
Prudenti etc. Lipsiæ 1568.

v. 3. Super. De, antiquus præpositionis usus.

Immolatus vicerit.
 De parentis protoplasti
 Fraude factor condolens,
 Quando pomi noxialis
 Morte morsu corrui. 10.
 Ipse lignum tunc notavit,
 Damna ligni-ut solveret,
 Hoc opus nostræ salutis
 Ordo depoposcerat,
 Multiformis perditoris 15.
 Ars ut artem falleret,
 Et medelam ferret inde
 Hostis unde læserat.
 Quando venit ergo sacri
 Plenitudo temporis 20.
 Missus est ab arce patris,
 Natus orbis conditor,
 Atque ventre virginali
 Carne amictus prodiit.
 Vagit infans inter arcta 25.
 Conditus præsepia,
 Membra pannis involuta
 Virgo mater alligat,
 Et pedes manusque, crura

- v. 8. Fraude ꝑ: propter fraudem, per quam fuit deceptus.
 v. 10. Morte morsu corrui. Ita Fabric. ; Brev. Rom. In necem
 morsu ruit, Leyserus ex Ms. Helmstadiens: Morsu in
 mortem corrui; in hoc vero ratio metri est posthabita.
 v. 15. Perditoris. Ita Leyserus; Fabric. et Brev. Rom. proditoris.
 v. 24. Carne amictus prodiit. Sic Brev. Rom.; Fabr. et
 Leys: carne factus prodiit.
 v. 26. Conditus. Leys. positus.

Stricta cingit fascia.

30

Lustra sex qui jam peracta

Tempus implens corporis,

Se volente natus ad hoc

Passioni deditus.

Agnus in crucis levatur

35

Immolandus stipitem,

Hic acetum, fel, arundo,

Sputa, clavi, lancea

Mite corpus perforatur

Sanguis unda profluit,

40

Terra, pontus, astra, mundus

Qvo lavantur flumine.

Crux fidelis inter omnes

Arbor una nobilis

Nulla talem silva profert,

45

Fronde, flore, germine;

Dulce ferrum, dulce lignum

Dulce pondus sustinent

Flecte ramos arbor alta

Tensa laxa viscera

50

Et rigor lentescat ille

Qvem dedit nativitas,

Et superni membra regis

v. 32. Peracta. Brev. Rom. peregit.

v. 36. Stipitem. Ita Leys.; Fabric. et Brev. Rom: stipite.

v. 38. Sputa. Brev. Rom: spina.

v. 40. Sanguis, unda profluit. Ita Fabr. et Leys. Br. Rom: unda manat et erior.

v. 47. Dulce ferrum, dulce lignum. Fabr. dulce lignum dulce signum; Leys: dulce lignum, dulce clave,

v. 49. Conf. Hymn. de ligno vitæ.

30

Tende miti stipite,

Sola digna tu fuisti

55.

Ferre mundi victimam,

Atque portum præparare

Nauta mundo naufrago,

35

Qvem sacer cruor perunxit

Fusus agni corpore.

60.

v. 55. Et Fabr. et Leys: ut.

40

v. 54. Tende miti stipite. Fabr: miti tendas stipite.

v. 56. Ferre mundi victimam. Fabr. et Leys: Ferre pretium sæculi.


v. 58. Nauta. Ita Fabr. et Leys.; Brev. Rom: Arca.

45

50

m:

m



Corrigenda.

- Pag. 2 Lin. 1 pro adhortatur lege: adhortatur
- — — — — ευθυμει l. ευθυμει
- — — 6 — συνερχηθε l. συνερχησθε
- 4 — 25 — tractanda l. tractandas
- 5 — ult. — monnmenta l. monumenta
- 6 — 18 post Christi adde: naturæ
- 7 — 9 pro nonuuli l. nonnulli
- 14 — 22 — ut l. et
- 15 — 1 — qvum l. quum
- — — — — epostolarum l. epistolarum
- 16 — 14 — scripisse l. scripsisse
- — — 20 — cam l. cum
- — — ult. — Alcimns l. Alcimus
- 18 — 1 — camen l. carinen
- — — 13 — tertia l. tertio
- 19 — 1 — Pudentium l. Prudentium
- — — 13 — Christo l. Christe
- 20 — 4 — lumlnis l. luminis
- — — 16 — ultime l. ultimo
- 21 — 18 — rythmicæ l. rythmica
- — — 27 post similia adde: exprimunt
- 27 in not. Lin. 4 pro Guatheri l. Gualtheri
- 29 Lin. 1 pro nuptaqve viduaqve l. nuptæqve-viduæqve
- — in not. Lin. 4 pro viri l. viriqve
- 31 — — — 1 — eqmparatur l. comparatur
- — — — — 3 a fine pro reconditam l. reconditam
- 32 Lin. 9 pro augusti l. angusti
- — — 10 — animaqve l. animæqve
- — — 17 — tandem l. laudem
- — in not. Lin. ult. pro este l. esto
- 34 — — — 3 — tiki l. tibi

- Pag. 57 Lin. 4 pro tellnere lege tellure
 — — — 21 — Apostale l. Apostolo
 — 58 in not. lin. 19 pro inprimus l. inprimis
 — 42 — — — 16 Clichtoreus l. Clichtoveus
 — 43 — — — ult. Ambrosu l. Ambrosii
 — 44 Lin. 7 pro croator l. creator
 — 46 in not. Lin. 1 pro Cisterciensis l. Cisterciense
 — 50 Lin. 15 pro exaltat l. exsultat
 — 152 — 9 — operam l. operum
 — 53 in not. Lin. 4 pro oprepsit l. obrepsit
 — 54 — — — 2 — admittet l. admittit
 — 55 Lin. 17 pro cornucis l. coruscis
 — 56 — 3 — æc l. ac
 — — in not. Lin. 5 pro Rapto l. Rupto
 — — — — ult. oblegantur l. obtegantur
 — 58 Lin. 20 pro Vigelimus l. Vigilemus
 — 60 — 16 — Vulta l. Vultu
 — 63 — 15 — labidum l. tabidum
 — 68 — 5 — lnce l. luce
 — 69 — 12 — improbns l. improbus
 — 70 — 17 — candidillo l. candidulo
 — 71 — 13 — inculume l. incolumæ
 — — in not. Lin. 14 pro verris l. verbis
 — — — — ult. Havnie l. Havniæ
 — 72 Lin. 1 pro horificis l. horrificis
 — — in not. Lin. 7 pro σαρκοφανος l. σαρκοφαγος
 — 75 Lin. 17 pro lucum l. locum
 — 77 in not. Lin. 14 post quod adde: incipit
 — 78 Lin. 3 pro dei l. olei
 — 79 — 4 — consita l. concita
 — — in not. Lin. 1 pro Gnosēs l. Gnosos
 — — — — 5 — nociles l. nobiles
 — 80 Lin. 5 pro pupurei l. purpurei
 — — — 19 — confussa l. confusa
 — — — 20 — sermet l. semet
 — — — 21 — æqvos l. eqvos
 — 83 — 14 — suffixia l. suffixa
 — 84 — 11 — continuet l. continuat
 — 86 — 30 — proculum l. poculum
 — 90 in not. Lin. 6 pro veteris l. veteres
 — 91 — — — 4 — apellabatur l. appellabatur
 — — — — 6 — ed l. ad

- Pag. 62 Lin. 16 pro Fruentur lege: Frenentur
- 94 — 10 — influebat l. influebat
 - — — 25 — Cultam l. Cultum
 - — in not. Lin. 2 pro Gisselinus l. Giselinus
 - — — — 3 — parvum est l. parvum, quod est
 - 96 Lin. ult. pro Glaucos, amicitus l. Glaucos amictus
 - 97 in not. Lin. ult. pro es l. ex
 - 98 Lin. 5 pro fautris l. fautrix
 - 101 — 28 — aqosus l. aqvosus
 - 102 — 4 a fin. pro cum l. cum
 - 104 — 7 pro fnrentem l. furentem
 - 106 — 25 — vlim l. olim
 - — in not. Lin. 4 pro Chrisionorum l. Christianorum
 - 108 — — — 1 — foris l. fons
 - — — — 2 — apellatione l. appellatione
 - 112 Lin. 21 pro membra seqvestra l. membra seqvestro
 - — — 29 — mnnera l. munera
 - 114 in not. Lin. 11 pro qvam l. qvum
 - — — — 12 — Chistianar. l. Christianar.
 - 116 Lin. 19 pro manicipatam l. mancipatam
 - 118 in not. Lin. 9 pro illustavit l. illustravit
 - 119 — — — 5 — dæmonus l. dæmones
 - 121 Lin. 19 pro cerninus l. cerninus
 - — in not. Lin. 4 pro gaudent l. gaudet
 - 124 — — — 3 — affectam l. affectum
 - 126 — — — 4 — recencentur l. recensentur
 - 129 — — — 4 — ἀελλῶμεν l. διελλῶμεν
 - — — — u. — Hosia patis l. Hostia patris
 - 133 — — — 7 — ille l. illa
 - 136 Lin. 14 pro snrgere l. surgere
 - 139 — 9 — er l. et
 - 140 — 10 — lactlea l. lactea
 - 141 — 4 — Sl l. Si
 - — — 17 — posestas l. potestas
 - 142 — 1 — Indicium l. Iudicium
 - in not. Lin. 10 pro Prudenti l. Prudentii.
-





